

ՀՈՎՀԱՆՆԵՍ
ԸՐԲԱԶ

ՀԱՏԸՆՏԻՐ



ԵՐԵՎԱՆ

ՀԱՅԹԵՏՀՐԱՏ



By the author of the book



$$D \subset \mathbb{R}^n$$

Հոգևորական Երգեր



ԱՏԸՆՏԻՐ



Կազմը, տիտուլը և շմուց տիտուլը
Նկարիչ Կ. ՏԻՐԱՏՈՒՐՅԱՆԻ

Օ. ՇԻՐԱԶ
ИЗБРАННОЕ
(На армянском языке)
Армгиз, Ереван, 1949



Հ. ՇԻՐԱՋ

Գործ՝ ժողովրդական հեղ. Մ. ՍԱՐՅԱՆԻ

Կազմը, տիտուլը և շմուց տիտուլը
Նկարիչ Կ. ՏԻՐԱՏՈՒՐՅԱՆԻ

Օ. ՇԻՐԱՅ
ИЗБРАННОЕ
(На армянском языке)
Армгиз, Ереван, 1949

67
109



ԷՔՍՊՐՈՄՏ

Վ. Ի. ԼԵՆԻՆԻՆ

Դու անմահ ես աշխարհով մեկ եմ արեվի պես ջահել,
Բեզ միշտ որպես պատվո պահակ հավերժությունն է
կանգնել...

1940 թ.

m)



ԷՔՍՊՐՈՄՏ

Ի. Վ. Սալինին

Քեզ արե՛վր տիտի լինի հաղթանակի շահաւան,
Քանզի կուրծի՛ մի երկինք է քո մեծ սրտով իմաստութեան...

1944 թ.

(10)

1000
1000
1000



ՆԱՅԲԵԱԿԱՆ

Ի՞նչ Կրթի Դժբեց թե սիրտ ճեղքեմ
Դր՞՞՞՞՞՞՞՞՞՞ Ի՞նչ Կրթի Հոր Հր...:







Ամենայն անգամ

Երբ Հայրենիքի մասին են խոսում,
Իմ միտն է գալիս առուն մեր դռան,
Որ մանկությանս հեքիաթն է ասում.
Իմ միտն է գալիս բարդիս մենավոր,
Եվ արագիլը՝ վրան դարնան ձյուն,
Եվ բլրի շուրթին գերեզմանն իմ հոր՝
Որպես քարացած անեծք աստծուն...
Եվ մեր խրճիթը բարդու տակ մենակ,
Ուր անուշ ծուխով օջախն էր վառվում,
Եվ օրորոցս՝ այն սուրբ ծխի տակ,
Որ այնպես քաղցր մայրս էր օրորում.
Եվ Արագածն է աչքիս մեջ գալիս,
Հեղ ու նազելի, մորս պես խանում,
Եվ այն աղավնիք, որ մանուկ բախտիս
Աստղն էին՝ երկինք ելած՝ որոնում...
Մեկ էլ մեր դռնից իր սկիզբն առած
Այն արահետն է միշտ, միտս գալիս,
Ու մի օր մանուկ ձեռքիցս բռնած՝
Ինձ տարավ դեպի կյանքն երազներիս,—
Տարավ դեպի վեր՝ բարձունքը խոսքի,
Դեպի խորհուրդը ազգերի համայն,
Դեպի Կրեմլի աստղերը ոսկի,
Որ ահա բախտիս աստղերը դարձան:

1945 թ.

ԿՇԵՌՔ

Մտքի օրոցքից երբ աշխարհ մտա՝
Աշխարհում՝ աշխարհ՝ մոր սերը գտա...

Հոնքերս՝ լծակն է իմ նժարի,
Աչքերս նրա զույգ թասերն արի,
Եվ կռեցի մորս սերը սուրբ,
Որ ինչքան մեծ էր՝ այնքան խորն ու նուրբ.
Հիմալայն իբրև կռաքար դրի՝
Վեր թռավ լեռը հետն իր նժարի.
Ծովերը դրի՝ վեր ելան կրկին,
Վար քաշեց մորս սերը սրբազին.
Աստղաբույլերը դրի կռաքար,
Նորից մայրիկիս սերը քաշեց վար...

Քո սերն, իմ սիրա՛ն, քո սերն էլ դրի՝
Վեր ու վար արին նժար նժարի...

Բայց երբ անսահման իմ հայրենիքից
Մի բուռ հող դրի՝
Եկա՛վ համբուրե՛ց նժար նժարի...

1947 թ.



Հին աշխարհը չեմ տեսել
Ու ոչ մի բան չեմ հիշում
Ու չեմ նրան երազել
Իմ վշտերի մշուշում:

Բայց երբ նայում եմ խաղաղ
Մորս դեմքի դալուկին,
Ինձ թվում է, թե մի պաղ
Վիշտ է եղել աշխարհն հին:

Հին աշխարհը չեմ տեսել
Ու ոչ մի բան չեմ հիշում,
Բայց թողել է նա մի թեւ
Մորս աչքի մշուշում:

1935 թ.



Ո՛հ ենք խաղաղ էինք մեր լեռների պես.
Դուք հողմերի պես խուժեցի՛րք վայրագ:

Մենք ձեր դեմ ելանք մեր լեռների պես,
Դուք հողմերի պես ոռնացի՛րք վայրագ:

Բայց մենք հավե՛րժ ենք մեր լեռների պես,
Դուք հողմերի պես կկորչի՛րք վայրագ...

1941 թ



Օտար ասիների անգղները բիրտ
Չարի տենչանքով կոնչում են դեռ.
Արծիվ դառնալու օրերն են, ի՛մ սիրտ,—
Թա՛փ տուր թևերդ, սլացի՛ր եթեր:

Եվ երբ չքանան ամպ ու փոթորիկ,
Արտույտի՜ երգը թող կախարդե քեզ.
Արտույտի երգո՛ւմ սլացիր երկինք,
Դու կարապի երգ չպիտի՛ երգես...

1942 թ.

ԲԱՆԱՍՏԵՂԾԻ ՁՍՅՆՆԸ

Ես բանաստեղծ եմ, հավերժի որդի,
Երկինքը մայրս է, երկիրը հայրս,
Ես գիտեմ լուսե լեզուն յաստղերի,
Եվ արտույտների դայլայլ է ձայնս,—
Բայց ես, որ գրեկ, շոյեւ ուղեցի
Որպես մանկանս՝ աշխարհը դաւար,
Ես, որ սրտիս Է՝ ջ ծովից խո՞ր լացի
Ուրիշի մի՞ շիթ արցունքի համար,
Ես, որ մրջյունը շարի ոտնատակ,
Ես, որ սիրո հետ մահվան դեմ ելա՝
Անմահությունը տենչալով կյանքի,
Ես՝ հողագնդի կտուրից ահա
Կանչում եմ ճիշով մայր ծիծեռնակի,
Որի ձագերին ցինն է մոտենում,
Կանչում եմ, գոչում՝ սո՛ւր մերկացրեք,
Ելեւ է մարդու ոսոխն ամեհի,—
Դուք նրա մահով կյանք խնկարկեցեք,—
Ես կհամբուրեմ շրթունքը մահի՝
Բայց նրան ներեւ՝ չեմ կարող երբեք:
Ո՛հ, նա ուզում էր տիեզերքն անհուն
Խեղդել խավարով այնքան ամեհի,
Որ արեն անգամ խաբխալիեր միջնում,
Եվ ես մի լուսե խորշ չգտնեի...
Բայց սիրտս զանգ է դառել տագնապի

Ու խիղճս նրա լեզվակը ոսկի՝
Եվ ես կանչում եմ, գոչում եմ՝ ելե՛ք,
Հե՛յ, ոտքի ելեք, ելե՛ք ամեհի
Հյուսի՛ս, արևե՛լք
Սրբաբշակ ելեք,—
Ես կհամբուրեմ ոտքերն իսկ մահի՝
Բայց չարին ներել՝ չե՛մ կարող երբեք,—

Ես, որ տխրեցի մահով մի ծաղկի,
Ես, որ մրջյունը չարի ոտնատակ,—
Ես մոնչում եմ՝ նա մեռնի՞ պիտի
Եվ հավե՛րժ մնա մահվան ոտքի տակ...

1911 թ.



Ա՛խ, եթե ընկնեմ օտար մի սրից
Ու սե ագռավը կոնչա վրաս,
Ամպե՛ր, վա՛ր իջեք մեր սուրբ սարերից
Ու լացե՛ք մորս արցունքը վրաս:

Ու եթե կարոտ իմ հայրենիքից
Օտար մի երկրում ընկնեմ անմուրազ,
Հողմե՛ր, հայրենի մեր սուրբ դաշտերից
Մի բուռ հո՛ղ բերեք, շաղ տվեք վրաս...

1942 թ.

ՏԱՐԵՐՔ

Օ՛, երկինք՝ պսակ հավիտենական,
 Օ՛ աստղեր՝ զանգեր երկնի դմբեթի,
 Արեգակ՝ օվկիան դու մայր զորության,
 Դու լուսն ստինքն այս տիեզերքի.
 Ծովեր՝ տարերքը միշտ ըմբոստության,
 Լեռներ՝ եղջյուրներ դուք հողագնդի,
 Եվ դուք անտառներ՝ վահաններ զարնան,
 Եվ դուք ջրվեժներ՝ բաշեր բնության,
 Մի՞թե չարի դեմ դեռ նիրհեք պիտի,—
 Նա կուզե ձեզ էլ ոտնատակ անել,
 Աղբերը խեղդել մի գերեզմանում,
 Զայրույթս մենակ չեմ կարող տանել,
 Իմ մեջ վրեժի ծովն է ծառանում,—
 Կույր աչքով կանցնեմ վիհերը մահվան,
 Կույր հոգով ի՞նչպես լույսը վայելեմ,—
 Նա կուզե փակել իմ հոգու ճամփան,
 Նա կուզե ոգուս աչքերը հանել,
 Թևերըս պոկել, թոխըս բեկել,
 Որ ես՝ բաց աչքով՝ լույսը՝ խարխափեմ,
 Որ էլ չխորհեմ խոհս մարդկային...
 Օ՛հ, ներիք, երկինք, և թող սուրամ վե՛ր՝
 Եվ կոչնահարե՛մ քո աստղերն համայն՝
 Երբև ուղմի զանդե՛րս անհամար,
 Թող զիլ զոզանջեն և թող արթնանա՛ն

Թե մա՛րդ, թե տարե՛րք՝ ահե՛ղ ոստնեն վեր՝
Ամբոխվե՛ն, խուժե՛ն չարի հանդիման...

Որ քնարերգե սիրտս կարեներ,—

Է՛յ հե՛յ մուկնիր, խռովք բնության,
Դո՛ւք, երկրի խորքում նիրհող լավաներ,
Ժայթքեցե՛ք, ժամն է ձեր ահագնության,
Դուք զորքերիս հետ խուժեք անտառներ,
Դո՛ւք բռունցք լեռներ, զարկեցեք նրան,
Օվկիաննե՛ր, բացեք անդունդնե՛րը ձեր,
Վիշապների պես կու՛լ տվեք նրան,—
Նղովքս նրան թող պատանք լինի
Եվ մոռացումը հավե՛րժ դերեզման...

1912 թ.



Կովի դաշտի մեջ ընկա վիրավոր,
Ռուս մի աղջիկ խոնարհվեց վրաս,
Եվ ապաքինվեց ասես վերքս խոր՝
Ելլա բացեց կապույտ աչքերը վրաս՝
Բվաք թե բացվեց հեռվում՝ հեռավոր
Իմ Հայաստանի երկինքը վրաս...

1944 թ.



Իմ սուրբ հայրենիք, դու սրտիս մեջ ես,
Դու սրտիս մեջ ես, ոչ լեզվիս վրա,
Իմ սրտի միջից՝ թե սիրտս ճեղքես՝
Դրոշիդ բոցը պիտի հուրհրա:

Ձեմ ուզում գոռալ իմ սիրո մասին,
Սակայն իմացիր, հայրենիք իմ մեծ,
Քեզ հարյուր տեղով խոցեց թշնամին,
Բայց հազար տեղով իմ սիրտը խոցվեց...

Ես ամբողջովին քոնն եմ, հայրենիք,
Եվ մոմի նման՝ ճամփեքիդ վրա՝
Քո փառքի համար թե մէ օր վառվեմ՝
Մոխրաբիծ անդամ ինձնից չի՝ մնա...

1944 թ.



Գիշեր է կես, արթուն եմ ես, թափառում եմ նորից դրսում,
Նորից Կարմիր մեր Բանակի ոտնաձայնն է աշխարհ լսում,
Արշավում է հազարաթև և աստղերը թվում են թե
Արշավասույր նժույգների ոտքի կայծերն են արծաթե՝
Որ թռչում են մինչև երկինք և աստղացած հավերժանում,
Որ դարերին պատմեն, թե մենք ո՞նց ենք ահեղ բերդերն առնում,—

Ոնց ենք ահեղ Բեռլինն առել՝ աշխարհով մեկ հաղթանակած,
Եվ լուսինն է դարձել համայն տիեզերքի աչքը ասլած...

1945 թ.

ՄԵԾ ՍՏԱԼԻՆԻՆ

Դու սրտիս մեջ ու պատկերդ կախած ունեմ իմ սնարին,
Որպես հորս պատկերը սուրբ, որպես ոգի իմ քնարին,
Իմ շամբերից մեր կուսական կտրած սրինգն իմ եղեգնյա՝
Քեզ եմ երգում Զանգու դառած լեռների մեջ մեր բյուրականյա:

Քեզ արև՛ը պիտի լինի հաղթանակի շքանշան,
Քանզի կուրծքդ մի երկինք է քո մեծ սրտով իմաստության:

Բանակներդ արշավեցին Բեռլին տանող ճամփաներով,
Արյունահեղ կռիվից ելան սարերի պես, բաց ճակատով,
Դու կոփեցիր նրանց ոգին, դու կոփեցիր սուրը նրանց,—
Քիչ են երկրի փառքերը քեզ, ով զորավար անգերադանց.

Քեզ արև՛ը պիտի լինի հաղթանակի շքանշան,
Քանզի կուրծքդ մի երկինք է քո մեծ սրտով իմաստության:

Աշխարհն ահա մի աչք դարձած քեզ է նայում բյուրականահույս,
Դու մեր գալիքն առավոտող հորիզոնն ես հազարալույս,
Խորտակված են մահախուճապ դարբասները Բեռլինի գոռ,—
Զորքդ հաղթել, ներս է մտել, ինչպես գարունն ամենազոր.

Քեզ արև՛ը պիտի լինի հաղթանակի շքանշան,
Քանզի կուրծքդ մի երկինք է քո մեծ սրտով իմաստության:

Ինձ հանեցիր քարի տակից, որպես աղբյուր ու ես ահա
Զանգու դառած քեզ եմ երգում աշխարհի մեջ այս բյուրականյա,—
Դու հայրենիք տվիր հային, որ զրա՛խտ է աչքիս թվում,
Դու չե՛ս թողնի մեր Արարատ լեռն էլ պանդուխտ մնա հեռվում,—
Քեզ արև՛ը պիտի լինի հաղթանակի շքանշան,
Դու աշխարհը ծիածանող մեր երկինքն ես իմաստության...

1944 թ.

ԽԱՂԱՂՈՒԹՅՈՒՆ

Դուք ո՞ր երկրից կգաք, հովեր,
Այսքան քնքուշ ու մեղմ այսքան,
Ո՞ր լեռներից կգաք հովեր,
Համբույրի պես քրոջական,
Այնքան մեղմ եք, հեռվի հովեր,
Վարժեա շունչն եք քնած մանկան:

Մեր լեռներից, հեռվի հովեր,
Համբույր տարեք ձեր լեռներին,
Վարդերի բոփյր տարեք, հովեր,
Մեր դաշտերից, ձեր դաշտերին,—
Բայց թե մի օր, հեռվի հովեր,
Հողմե՛ր բերեք մեր լեռներին,—

Մեր ամպերը՝ մեր սարերից՝
Շա՛նթ կբերեն ձեր լեռներին,
Շա՛նթ կբերեն մեր լեռներից,
Մա՛հ կսփռեն ձեր դաշտերին,
Ձեր դաշտերին, ձեր լեռներին,
Ձեր աշխարհին, ձեր արևին...

1948 թ.



Կուղեմ ծաղկի պես բսնել ձեր ափին,
Որ միշտ ձեզ նայեմ, հայրենի ջրեր,
Բայց աշնան ձեռքը կպոկե ծաղկին,
Էլ չեմ տեսնի ձեզ, հայրենի ջրեր,
Կուղեմ ձեր ափի սև ժայռը լինեմ,
Բայց նա չի զգում, հայրենի ջրեր,
Հո՛ղ պիտի դառնամ, որ հավե՛րժ անցնեք
Իմ սրտի միջով, հայրենի ջրեր...

1945 թ.



1.

Արեանի բերդի տակով՝
Աբովյանի երգի նման՝
ժայռերի մեջ մոնչալով
Դու անցնում ես, իմ Հրազդան:

Ալիքներդ ձեռքի վրա
Բարձր պահած ու զայրալից
Կարծես սիրտն ես տանում նրա՝
Գտած քո հին ժեռ ավերից:

Տար, ծովերի սիրտը ձգի՛ր
Կրակ վերքը Աբովյանի՝
Կցամաքեն ծովերն անգամ
Հին ցավերով Հայաստանի...

2.

Վաղուց Մասիս սարը ժայթքել
Ու հանգել է վաղուց ահա,
Աբովյանի սիրտը ժայթքել
Ու չի հանգել ու շունի մահ:

1941 թ.



Պս եղեգն էի երեկ ձեր արին,
Հավիտյա՛ն ջահել հայրենի ջրեր,
Հիմա սրինգ եմ քաղաքի շրթին,
Հավիտյա՛ն ջահել հայրենի ջրեր,—
Բերեք ձեր կարկաչն իմ ծարավ շուրթին,
Հավիտյա՛ն ջահել հայրենի ջրեր...

1945 թ.

ՆՐԵՎԱՆԻ ՇՈԳԸ

Ես սիրում եմ ամառն ու շոգն արեւմտր,
Շոգը, որ նման է գորտվապուժ մի մոր,
Որի ոսկե դրկում
Կանաչ կյանքն է աճում...

Ես սիրում եմ շոգը. ահա նրա պայծառ
Ճառանչներով հյուսված անծիր օրորոցում
Մատաղ ու դեռ նիրհող աչքեստաններն անծայր
Իրենց աստղաբողբոջ աչիկներն են բացում՝
Մկանի պես լցվում մեղրահյութով, դինով,
Դառնում ոսկեստինք հուռթի կուրծքը հողի՝
Ափետում են շուալ ծնունդը խաղողի...

Ես սիրում եմ շոգը, հակինթացած խաղող,
Դու խելահեղ շոգի հմայքն ես ամբարում,
Եվ ինձ՝ ողկույղներիդ անթիվ դավաթներով՝
Արևներից քամած գինիներն ես բերում,—
Օ՛հ, մեղրաշուրթ խաղող, դուստր արեգական,
Դու խենթացած շոգի ծնունդն ես իմաստուն,
Քանդի շոգիացած մեղր է շոգը ամառն,
Որ սառչում է աշնանն ու ողկույղի փոխվում...

Իմ շոգ շահելութուն, դու չես անցնի անհետ,
Ինչպես այս հրահե շոգը սիրաշրջուն,

Ինչպես շոգերն ամռան, որ գգվանքով միշտ խենթ
Խոստանում են երկրիս ոսկետեսիլ աշուն...

Շոգն արևի կիրքն է, շոգն է, որ իր գինով
Իմաստավորում է խենթություններն ամռան,—
Ու թույլ շոգերն հորդեն, որ մարդկային խոհով
Բեղմնավորված՝ այս մալր դաշտերն արգասանան..

Ես սիրում եմ ամառն ու շոգն այս գինեբեր,
Որ քո կիրքն է, արև՝, մեծ կրքերի դու մայր,
Ես սիրում եմ շոգը, որ խենթ հորդում է դեռ,
Ու բերքերն է ծնում՝ հորդում՝ դաշտ ու այգի,
Ու ողջ մեղրածովը, սր գալիս է կարծես՝
Քաղցրացնի բոլոր համբույրները կյանքի...

1936 թ.

Քամին ասաց մանուշակին
— Եկ ծով տանեմ քեզ այստեղից:
— Ես կմեռնեմ, ծաղիկն ասաց,
Թե ինձ պոկես իմ մայր հողից:

Չհավատաց քամին կարծես,
Ու չարացավ, պոկեց ծաղիկին---
Բայց նույն պահին՝ իր ձեռքի մեջ
Մեռած տեսավ մանուշակին...

1912 թ.



Թող ձայնս աշխարհն, աստղերն իմանան՝
Որ թե պատահելու աղետն այն դժնի՝
Թե գետերն առնեն հետադարձ հոսանք,
Թե արեգակը երկնքից ընկնի,
Թե բախվեն ծովերն ու դառնան ցամաք,
Թե մոխրանալով աստղերը թափվեն,
Թե սնապատը դարձուրած՝ խոտի,
Թե խոր-վիրապի երախը սուզվեն
Հավերժ դահերը խրոխտ Մասիսի,
Թե ողջ մահաբեր գիսավորները
Զարկվեն հինավուրց այս հողագնդին,
Թե տիեզերքի սիրտն էլ դադարի,—
Դարձյալ մահ չի դա իմ հայրենիքին,—
Նա մայր թռչունն է փյունիկյան մոխրի,—
Հավերժությունն է նրան երազել՝
Նա հավերժության բարբառն է հլուակը...

1942 թ.

ԺՈՂՈՎՐԴԻՆ,

Անց են կենում դարերն անթարթ,
Պոկում, տանում սարերն անթարթ,
Իսկ դու ոչ քո մեջքն ես ճկում,
Ոչ մաղերդ են սպիտակում,
Ոչ ակոսում ճակատդ սեգ,
Ոչ մթնում են աչքերդ արեգ,
Ոչ վառանում ձեռքդ բանուկ,
Ոչ ահ գիտես,
Ոչ մահ գիտես,
Եվ ժամանակն՝ հավերժ մանուկ՝
Իր խաղընկերն ընտրել է քեզ...
Գուք օվկիաններ մշտաալիք,
Վիշտն ու խիճղը ձեզ խաղալիք:

1948 թ.



ՄԱՅՌԿԻՍ

Տարա՛ խաղաղութիւն Հաղթանայր,
սիրբա՛ն՝ որի՛ վրէժն ի ծաշի բարձրաւ...





Հովերն հարավի համբույրն են բերում,
Գարունն է գալիս, դռները բացեք,
Հովե՛ր, հայրենի մեր սուրբ դաշտերում
Ես բացակա եմ, մորս գուրգուրեք:

Մա՛յրն է արժան ձեր համբույրներին,
Հովեր, վարդերի բույրն առեք, թռեք,—
Դուք էլ, աղբյուրներ, հյուսվեք դաշտերին՝
Մորս ոտքի տակ դարուններ փռեք:

Եվ դուք ծաղիկներ՝ շուրթերս դառած՝
Մայրս անցնելիս՝ ոտքերն համբուրեք:

1942 թ.



Նրբ ես էլ մի ջինջ պատանի դարձա,
Մայրս ինձ ասաց՝ արհեստի գնա,
Արհեստ սովորիր, մի՛ լինիր նազուկ,
Արհեստն է մարդուն ոսկի բիլազուկ:

Ա՛խ, ի՞նչ իմանար մայրս այն օրին,
Եվ ի՞նչ գիտենար իմ միտքը մանուկ,
Որ դեռ չծնված՝ իմ սրտի թևին
Մայրս կապել էր ոսկի բիլազուկ...

1940 թ.

ՀՈՒՅՍ

Մի գերեզման տեսա ծաղկած մի դաշտում,
Ուր կռիվ էր եղել կյանքի ու մահվան,
Ընկել էր նա, բայց խորտակել թշնամուն,—
Տասականագիրն հոր պես օրհնում էր նրան:

Ու ես լցված՝ ծովից ելած ամպի պես
Լուռ հեռացա հառաչելով մոր նման,
Բայց անունդ, ո՛վ քաջ, երբեք չե՞մ տա ես,
Որ չկոտորեմ թեկուզ մի սիրտ մայրական,—

Թող հույս դառած՝ միշտ սպասի մայրդ քեզ,
Հույսի մի ծիլն արժե գալուստ մի գարնան...

1914 թ.



... Եւ տարիք անցան, բայց իր կտրիճին
Մտքից չհանեց մայրը մի վայրկյան,
Եւ հանգչող աչքը որդու ճամփեքին՝
Մի բոռ հող դարձավ սիրտը մայրական:

Բայց ամեն դարուն՝ մոր գերեզմանին
Երկու կապուտակ ծաղիկ են բացվում,
— Նրանք աչքերն են մոր կարոտագին,
Որ միշտ իր որդու ճամփեն են պահում...

1946 թ.



Մայրս ծերության ձորերն է իջնում,
Ա՛խ, էլ չի երթա սարը՝ բանջարի,
Բայց ահա եկել՝ նրան է կանչում
Գարունը նրա սիրած սարերի:

Երթամ սարերը իմ բույն Շիրակի,
Ալադյազ իջնեմ կռունկից առաջ,
Երթամ սարերը՝ ձյուն-ձնծաղիկի՝
Ձորերը բերեմ գարունը կանաչ:—

Երթամ սարերը, սարերի գրկից
Մի գարուն բերեմ գիրկը մայրիկիս,
Գարունն էլ անցնի, մայրիկիս գրկում
Գարո՞ւն կբերի ճիշտ բալիկիս...

1940 թ.

ՄԱՅՐՆ ԸՆԴԴԵՄ ՄԱՀԻ...

Ձինգիդ խանը շար և փառատոշոր,
Որին դարերը նգովում են դեռ,
Հեծած սևաթույր նժույզը իր հոր,
Առաջին անգամ երբ կռվի կելներ,
Կանչեց մորն, ասաց. «Օրհնի՛ր իմ ճամփան
Բա՛վ է լսաղուլի արյունը խմեմ,
Բա՛վ է սրերս պատյանում մնան
Եվ հորս փառքը ժանդով սքողեն:—
Օրհնի՛ր հորս սուրն ու փառքիս ճամփան...»
Բայց մայրը խակուն ճակատը կնճռեց,
Որդու նժույզի ոտքերը ընկավ,
Եվ ապա որդու ոտքերը գրկեց,
Սրբեց արցունքը և աշապես ասավ...
— Հայրդ գինուց շատ արյուն է խմել,
Ես մայր եմ, ինչպե՞ս օրհնեմ քո ճամփան,
Մեր երգի վրա անեծք է ընկել,
Էլ մեղքս ինչպե՞ս օրհնի քո ճամփան:
Իշի՛ր քո ձիուց, դաշտե՛րը դնա,
Հո ոտք չի՞ դրել հողդ թշնամին.
Թող ջահել կյանքդ հարսներին մնա,
Թող որդուս մնան արևն ու գինին...».
Լալիս էր մայրը, մազերը պոկում,
Ոտքերը գրկում որդու նժույգի,
Եվ ապա որդու ոտքն էր համբուրում՝

Միայն թե որդին նժույգից իջնի...
Բայց որդին քաշեց սուրը պատյանից,
Ճոճեց իր ճամփեն կտրող մոր վրա,
Մի ձեռքով բռնեց ճերմակ մազերից
եւ իսկույն կտրեց մոր մազերը նա,
Գցեց ոտքի տակ իր սև նժույգի...
եւ կարծես սիրտը իր կրծքից պոկած՝
Աշխարհի ընդդեմ ելաւ արշավի,—
Առաջին զոհը մոր մազերն արած...

1941 թ.



(Բալլադ)

Ասում են, իբրև, խարույկի վրա
Ջահել ըմբոստի մի սիրտ են այրել,
Դժվար թե սրան սիրտս հավատա:

Ասում են, իբրև մոխիրը նրա
խարույկից հանել ու մորն են տարել,
Դժվար թե սրան սիրտս հավատա:

Մայրը լացել է այն մոխրի վրա,
Ու երբ արցունքն է ընկել այն մոխրին,
Կենդանացել է զավակը նրա. —

Օ՛, սրա՛ն մահն էլ պիտի հավատա...

1940 թ.



Մայրս ոչ մի ծիլ-ծաղիկ չի քաղում,
Մայրս մի ուրիշ սրտի արեգակ,
Եվ անց ու դարձին՝ մեծ սիրտն է դողում՝
Թե հանկարծ մի ծիլ չընկնի՝ ոտքի տակ...

— Մայր իմ, մի ծիլ տուր քո բարի սրտից՝
Աշխարհի դառը ծառը պատվաստեմ,
Թող մեռնի՝ չարը, որ բարի՛ն ծաղկի,
Մո՛ր պես քաղցրանա մարդը մարդու դեմ..
1947 թ.



Ամեն անգամ, երբ արևն է թիկնում սարի թավիշ բարձին,
Դյուղի ծայրին ես կսպասեմ նախիրների վերադարձին,
Որ միշտ հարբած դրախտային արոտների կանաչ գինով,
Մուժից ելնող անտառի պես հասնում են բառաշունով:
Վերջալուսի ոսկեփողին եղջյուրներին հանց ապարոշ՝
Ահա եկավ կաթնավարով ու դյուղ մտավ նախիրը գորշ:
Աղբյուրներից վերադարձող հեքիաթի սեգ հարսների պես,
Ճերմակ ու մեծ ստինքներով եկան կովերն հպարտ ու վես,
Ու տուն բերին կաթի փոխած ծաղկաբույրը մեր դաշտերի,
Ու լիրն առած լուսնի նման լիքն է կուրծքը ամեն կովի...
Եվ հսկելով երինջներին՝ կատակելով սողով ոսկյա՝
Ցուլն է դալիս ու ետևից նախրապան է դալիս հսկա:
Եվ կախվում է գյուղի վրա լուսինն հսկա ստինքի պես,
Որ գիշերվա անհուն տաշտն է կաթնալուսով լցնում կարծես...
Բայց... անհամբեր բառաշելով ու քանդելով հողը ճամփի,
Նախրից առաջ՝ մայր գոմեշն է միշտ հասնում նման ամպի,
Որ գալիս է գոռգոռալով, կարծես մահվան կապն է կտրել,
Կարծես փախել է հրդեհից. ո՛չ, նա ձագի՛ն է կարոտել...


1946 թ.



ԱԵՐ

Հասիր ի՞նչ թռչելի տերա սրբաբեկ՝
իմսի որ տերը Հաջթուն՝ է Տաճիս...







Կարոտներս լամ ու թեթևանամ,
Ինչպես ամպերը անձրևից հետո:

Համբույրի կարոտ վարդերս բանամ,
Ինչպես գարունը անձրևից հետո:

Բացված վարդերով հեռու գիրկդ գտմ,
Ինչպես արևը անձրևից հետո:

1940 թ.



Աչքերիդ համար՝ որ ցմահ տեսնեն,
ես բոց աչքերով կռիւլ գնացի,
Ձեռքերիդ համար, որ կյանքը դրկեն,
ես զինված ձեռքով կռիւլ գնացի...

Ինչ փուլթ թե հիմա ես աչքեր չունեմ,
երբ քո աչքերը պայծառ են նորից,
երբ նայում ես ինձ, երբ ժպտում ես ինձ,
երբ գրկում ես ինձ, փայփայում ես ինձ...

Ու երբ քո գարուն գրկում դյուլթական
Կբացվեն վաղը աչքերն իմ մանկան...

1915 թ.

ԱՂԱՎՆԻՆԵՐ

Յս հիշում եմ թե ինչպես կապույտի մեջ վաղորդյան
Ձեզ բաց էի միշտ թողնում, աղավնիներ մանկության,
Ճախրում էիք և ուրիշ աղավնիներ միշտ գերում,
Գերում էիք հիացքով ու ճախրանքով ինձ բերում.
Հիմա որտե՞ղ եք արդյոք, ո՞վ է արդյոք ձեզ գերել,
Նրբ մանկության կտուրից ցած է հասակս ինձ բերել,
Աղավնիներ իմ սիրո, աղավնիներ իմ գարնան,
Հայտնվեցեք վերստին, սակայն իջեք այս անգամ
Այն կտուրին, ինձ անհայտ, որտեղ իմ բախտն է ծաղկում՝
Ա՛խ, չգիտեմ թե արդյոք ո՞րն է իմ աստղն աստղերում՝
Աղջիկների մեջ այսքան՝ ո՞րն է իմ բախտը ոսկի,
Ո՞րն է նման՝ սրբությամբ՝ դեռ չթաղված մի հասկի,
Հայտնվեցեք իմ սիրո աղավնիներ՝ այս անգամ
Իջեք նրա կտուրին, որ հարս բերեմ ես նրան,—
Նրա՛ն, որին ցերեկն իսկ՝ որպես երազ եմ տեսնում,
Նրան, ով սյուն կղառնա տանիքի տակ իմ բախտի՝
Մանկության պես իմ անմեղ, ծերության պես իմ աստուն...

1945 թ.



Արդեն ի՞մն ես, ի՞մն ես դու, ու սիրտս հաշտ է զարկում՝
Իմ երազա՛ծ, իմ գտա՛ծ, իմ անստվե՛ր, անսովո՛ր,
Դու չկայիր ճամփեքիս, աստղի՛կ էիր երկնքում,
Որ երկրային իմ կրծքին ծաղիկ դարձար լուսավոր...

Որտե՞ղ էիր, որ այնքան թափառեցի սրտե-սիրտ,
Որտե՞ղ էիր, իմ բարի՛, իմ երազի՛ հանգրվան,
Սիրտս քեզնով քնքշացավ, դարձավ խորհուրդ ու ժպիտ,
Երբ սրբեցիր արցունքս քո հայացքով կուսական:

Գերվել էի թե հաճախ աղջիկներով ես այնքան՝
Ա՛խ, հավատա՛, նրանց մեջ սիրտս քե՛զ է որոնել,
Բայց չի գտել հրեղեն համ երազի աղջկան,
Որ աչքերիդ, ռո՛ լեզվիդ, հոգուդ մեջ էր դարանել...

էլ մահ չկա իմ սիրույն ու գլուխս քո գրկում՝
Անմահությանն եմ տիրել ու դու իշխիր տիրաբար,
Իշխիր քո մի համբույրով և՛ հովիտներն իմ ոգու,
Ծ՛վ բարձունքներն իմ սրտի և՛ երազներն իմ անմուր...

1947 թ.



Դու շրթունքներ ունես վարդի
Եվ աչիկներ գեղեցիկ,
Ատամնաշար ադամանդի
Եվ աչիկներ գեղեցիկ:
Այտեր ունես վարդ ու կաթի
Եվ աչիկներ գեղեցիկ,
Լույս սլաքանոց կույս կարապի
Եվ աչիկներ գեղեցիկ:
Մազեր ունես՝ գիշեր սաթի,
Եվ աչիկներ գեղեցիկ,
Գարնան հասակ, նազուղ բարդի,
Եվ աչիկներ գեղեցիկ:
Ավա՞ղ և՛ քար մի սիրտ ունես
Եվ... աչիկներ գեղեցիկ:

1940 թ.



Սրիտս՝ ալևոր կաղնու մեջ դրի,
Կռացած կաղնին նորից բողբոջեց,
Բարձրացավ, կանգնեց ընդդեմ հողմերի,
Եվ ջահելացած՝ նորից շառաչեց...

Եվ մատաղ սիրտս՝ ճախրանքի ծարավ
Զառամյալ արծվի կրծքի տակ դրի.
Մեռնող արծիվը թև առավ-թռավ
Որսի ետևից ջահել օրերի...

1943 թ.



Թե մահիցս հետո հող պիտի դառնամ
Թող դառնամ սիրո ճամփեքին մոտիկ,
Որ սիրո համար նորից աշխարհ դամ՝
Հողից դառնալով պայծառ մի ծաղիկ:
Եվ ինձ կքաղի պատանի մի նոր,
Կդնի կրժքին սիրած աղջկա,—
Եվ համբույրի մեջ նրանց բախտավոր՝
Կզգամ, որ սիրո համար մահ չկա...

1943 թ.



Խոշոր ու բիւ աչքերով
Աղջիկ էր նա մի փոքրիկ,
Դասընկերս մանկական.
Ա՛խ, նա էլ էր կարմրում՝
Երբ նստում էր ինձ մոտիկ,
Երբ ժպտայի ես նրան...

Բայց ուրիշին թե ժպտար՝
Սիրտս արագ կզարկեր՝
Կփախչէի դաշտերը,
Որտեղ նորից իմն էին
Դառած կապույտ ծաղիկներ
Նրա կապույտ աչքերը:

Հիմա տարիք են անցել,
Միտքս ու հոգիս թռել են,
Մինչև անհաս աստղերը,
Բայց... այստեղ էլ ինձ հետ են
Դառած կապույտ աստղիկներ,
Նրա կապույտ աչքերը:

1947 թ.



Աղալինիները ամեն առավոտ
Կալերի վրա ճախրում են անփուլթ,
Պապուլտ հեռուն է նրանց կախարդում՝
Թոցնում, տանում դաշտերը կապուլտ:

Սիրտս նման էր կանաչ կալերին,
Բայց սրտիս կալից պաղ մի առավոտ
Իր թևին տալով թռալ աղալինիս՝
Մի փետուր թողած սրտիս կալի մոտ:

1935 թ



Այս մարմարե սարերն ի վար,
Այս մարմարե քարերն ի վար,
Դուն ո՞ւր կիջնես կարկաչելով,
Դուն ո՞ւր կերթաս յար կանչելով
Ո՞ւմ պարտեզը կերթաս, ի՞մ ջուր,
Իմ պզտի քուր,
Պատասխան տուր:

— Ես այս մարմար սարերն ի վար
Այս մարմարե քարերն ի վար՝
Սեզ սարերի ախպերն եմ ես,
Կերթամ՝ իջնեմ յարիդ պարտեզ
Որ բերանով իր մանանա՝
Ինքը խմե՛ ջուրս հովանա...

1945 թ.



Այս, Շամիրամ շամբշտտաշուրի,
Դու չիմացար, որ անհագուրդ
Սուրը սիրտ չի դերել կարող,
Մուրը սեր չի բերել կարող,
Թեկուղ արար աշխարհ գերի
Սուրը երբեք սեր չի բերի...

1943 թ.



Դեռ այնքան ջինջ են քո աչիկները,
Այնքան ջինջ ու խոր, այնքան կապույտ,
Ա՛խ, նրանց մե՛ջ են գարնանս օրերը...
Ու նորից սիրտս է դառնում արտույտ
Ու քեզ է թռչում՝ թողած եթերը,—
Աչերդ ճիշտ են, հրկինքն է սուտ...

1941 թ.



Մի՞թե քեզնից հուշ մնաց միայն անունդ ընդունայն,—
Բայց անունիդ մեջ ամբողջ հասակն ունեմ քո դալար,
Անունդ վիշտ ու ժպիտ, անունդ շունչ, երգ ու ձայն,
Անունդ լոկ մի հնչյուն, բայց ինձ քնար բազմալար.
Անունիդ մեջ՝ նոր երկինք՝ աչքերդ ունեմ կապուտակ,
Անունիդ մեջ կշռեմ գիշերը սև մազերիդ,
Անունիդ մեջ դու ցնորք ու ցնորքի մեջ դու կյանք,
Անունիդ մեջ կծագի նորալուսինը ճակատիդ,—
Եվ ատամներդ ադամանդ անունիդ մեջ կշողան,
Անունիդ մեջ ծիծաղում ու լալիս ես դու ինձ հետ,
Անունիդ մեջ շուրթերդ իմ շուրթերին կդողան,
Անունդ սեր ու սարսուռ և սպասում ակնդետ,—
Ինձ չի լքել անունդ, որ միրաժն է աչքերդ,
Որ տեսիլն է քո սիրո, որ կրակն է համբույրիդ,
Ինձ չի լքել երբեւն անունդ իբրեւ անմահ խոհ,—
Եվ քո հուշերն անշշուկ անունիդ մեջ իմն են միշտ,
Եվ անո՞ւնդ է ինձ շոյում, ինչպես ձեռներդ մի օր,
Ինչպե՞ս ձեռներդ, քո՛ւյր իմ, ինչպե՞ս ձեռներդ աղավնյակ,
Որ թռել են, բայց թողել անունն իրենց անհատակ...

Անունդ սեր ու շրշուն, անունդ երգ ու երազ,—
Անունդ ձեռք մայրական՝ հովա՛նի է միշտ վրաս...

1948 թ.



ՄԱԿՈՓՈՒՆ

Թեև կոքրի Տի խեղճ մանկություն,
բայ հաջաբ ուկի մանկություն գրա...







Տխուր-տրտում այն փողոցից, մրտտ խուցից ես ո՛ւր հասա,
Իմ մանկության բեռը թողած, այս մեծ գետին փրփուր հասա:

Որբանոցի կամարներով հոնքը կիտած անցյալս գորշ՝
Որբ օրերիս դալուկ ձեռքով՝ թե ետ կանչե՛ իզո՛ւր ասա:

Մանկութունս կուրալ, որպես ջուր ծախողի կտորած մի կուժ,—
Նոր աշխարհի դռանն հասած՝ նո՛ր բերկրանքի աղբյուրն հասա...

935 թ.

ԻՆՔՆՆԵՐԳՈՒԹՅՈՒՆ

Ասում են, թե դու արդեն բանաստեղծ ես բարձրագահ
Գիտունների հետ վիճում ու խփում ես թաս-թասի,
Բալց ո՞վ գիտե, թե ինչ էր երեկ կյանքդ անօպու,
Ծրբ չծագած աստղ էիր մառախուղում երազի.
Ախ, ո՞վ գիտե, թե սարին դու գտնեիր ես արածել,
Ինքդ սոված մնացել դրախտների մեջ դարնան,
Ախ, ո՞վ գիտե, թե աչքիդ կժող ջուր ես դու ծախել,
Ինքդ ծարավ մնացել աղբյուրների մեջ դարնան.
Ախ, ո՞վ գիտե, թե մանուկ ձեռք ես մեկնել գողունի
Դեպի գրպանն ուրիշի ու... չես ներել ինքդ քեզ,
Ախ, ո՞վ գիտե, թե ինչու դալուկն ունես աշունի
Դեռ քո մատաղ այտերին... Ախ, ո՞վ գիտե, թե ինչպես
Հազար ու մի ոտքի տակ ընկած մանկությանդ հողից
Ծլավ եղեգն հասակիդ, ու դու դարձար բանաստեղծ
Ու ծիածանդ հյուսեցիր մի կաթիլ շաղ ու շողից
Քո անցյալի արցունքի ու խնդրյալն նորաստեղծ...

1948 թ.

ՀԻՆ ՄԱՆԿՈՒԹՅՈՒՆ

Մեկից մի սոխ, մեկից մի հաց գողանում
Գնում էինք Արփաշայր լողանում:

Սոված, ծարավ, բոկոտն ընկնում սար ու ձոր՝
Շրջում էինք անգիտությամբ բախտավոր:

Աշխարհն ասես սարի ետև վերջանում՝
Իջնող արևն իրեն հետ էր մեզ տանում...

Չգիտեինք ո՞վ էր ժպտում, ո՞վ լալիս,
Ո՞վ էր մեզ հաց, ո՞վ մեր աչքին լաց տալիս...

Չգիտեինք թե ո՞ւմ կուրծքն էր զարդարում
Ձնծաղիկը, որ մենք էինք միշտ բերում...

Չգիտեինք աշխարհն ինչ էր, մարդն ինչ էր,
Մենք դարդի մեջ՝ չգիտեինք դարդն ինչ էր...

Ա՛խ, դեռ մանուկ մենք ծերացած, գլխիկոր
Շրջում էինք՝ անգիտությամբ բախտավոր...

1943 թ.



Հէ՛յ, կարկաշո՛ւլ առուններ,
Մանկությունս ո՞ւր տարաք,
Առած մի օր գիրկը ձեր՝
Ո՞ր ծովերի մեջ կորաք.
Ա՛խ, ե՛տ բերեք դուք նրան...
Բայց ինչո՞ւ եմ կանչում ետ,
Որ երգերս նորի՞ց լան
Այն թափառիկ մանկան հետ.
Որ, ա՛խ, նորի՞ց գլխիկոր
Ման դամ նոթի խեղճ ու լուռ,
Ոտաբոբիկ ու տկլոր՝
Նորի՞ց ընկնեմ դռնե-դուռ.
Նորի՞ց ահով՝ մի պատառ
Հաց դողանամ անցորդից,
Նորի՞ց ծեծեն, ու ես՝ գառ
Մայեմ մորս կարոտից.
Նորի՞ց բութին դուրս մնամ,
Հագած մի հին ցնցոտի,
Նորի՞ց լացս քամուն տամ՝
Բախելով դուռն հարստի:
Կամ ջո՞ւր ծախեմ, ու լա՛մ դեռ
Լոկ արցո՞ւնքս տուն տանեմ,
Ա՛խ, ետ մի՛ք դա առվակնի՛ր,—
Որք մանկությունն ի՞նչ անեմ...

1946 թ.

ԶՈՒՐ ԾԱԽՈՂԸ

Ձեռին բռնած կուժ մի պուճուր՝
Ջուր կծախեր, միշտ սառը ջուր,
Այն թուխ ու ժիր տղան պուճուր:

Եվ օրն ի բուն՝ մտած շուկա
Նրա ձայնն էր միշտ զողանջում,
Ծարավներին ջրի կանչում:

Ա՛խ, այդ ջրի ձայնը վկա,
Ես էլ էի այդպես կանչում,
Բայց իմ ձայնը չէր կարկաչում:

Խմում էին ու... փող չկա...
Դտակն էին դլխիս քաշում՝
Ծաղրի աչքով սիրտս մաշում:

Բայց... արցունքիս կուժն՝ էլ չկա՛,
Ու չի կանչում տղան պուճուր՝
— Է՛յ, հա՛ց տվե՛ք՝ ջո՛ւր տամ, պաղ ջո՛ւր.

1938 թ.



Հորս հիշատակին՝
Գյումրեցի բոստանչի Քարոսի

Կգար հայրս Շիրակի հովերի հետ իրիկվա,
Կշողշողար բահն ուսին՝ սարից ելնող լուսնի պես,
Կգար հայրս, կհիշեմ երազի պես երեկվա,—
Կարծես աշխարհն էր մտնում մեր խրճիթի դռնով ներս...

Կգար բոլոր Շիրակի բոստանների բույրերով,
Կշողշողար բահն ուսին՝ մեր տան ոսկի հուլյսի պես,
Եվ ինձ կառներ ուներին ու խրճիթում զնգալով
Իմ թոթովանքն էր թռչում՝ հայրիկ ուսիդ բահն եմ ես...

Բոստաններից միշտ կգար՝ տուն բերելով բույրն հողի,
Ու ես գիրկը կընկնեի՝ կսուզվեի ողջ գիշեր
Համեմների մարգերը ու մարգերը թարխունի,
Մանուկ սիրտս հեքիաթի դրախտներում կշրջեր...

Կգար հայրս ու բույրով դաշտերը մեզ կբերեր,
Էլ չէի մորս հավատա թե, ա՛խ, չունենք մենք բոստան,
Թե ուրիշի ջրվորն էր ամպի նման հայրս ծեր,—
Կգար հայրս, կհիշեմ ու մանկան պես դեռ կուլամ...

1947 թ.

Մանուկ էինք ժիր ու խայտակ,
Ելնում էինք սարերը վեա,
Ու մեր բախտին դեռ անգիտակ՝
Խաղում էինք ուլերի պես:

Կռիվ էինք մղում խաղով
Հի՛ն, ավերակ բերդի գլխին,
Իջնում էինք ու ծիծաղով
Գրոհ տալիս թիթեռներին:

Ու երբ հոգնում էինք խաղից՝
Ընկնում պառ գիրկն Արփաշայի՝
Լողում էինք աղմկալից,
Մինչև մթներ դաշտն ամայի:

Եվ անհագուրդ՝ գետից ելած
Մի հովվի հետ, բեկված ու հեզ,
Սրտներիս մեջ աստղ ու երեսզ՝
Տուն կերթայինք դառների պես...

1945 թ.

ՆՈՐ ՄԱՆԿՈՒԹՅՈՒՆ

Թեև կորցրի մի խնդն խնայարյուն,
Բայց հալած ուղի Լուսնի շրջան գտա ...

Դու աշխարհ ես գալիս ծաղիկների նման,—
Թե ծաղիկներն հաղիվ մի գարուն են ապրում,
Դու անթառամ ծաղիկ՝ ծաղիկ ամեն գարնան,—
Քեզնով գարունները գալիս ու չեն գնում:

Ինչ կար իմ աչքերում՝ քո աչքերում չկա,
Քո աչքերում արև, քո աչքերում գարուն,—
Դու նո՛ր իմ մանկություն, սերունդներդ վկա՝
Քեզնով գարունները գալիս ու չեն գնում:

Ես մի Դիքոր էի, ես մի գառնիկ ախպեր՝
Վաղուց մորթիս պատռել՝ մորդ գիրկն եմ ընկնում,—
Քեզ մի մայր է ծնում, սնում՝ հազար մայրեր,
Քեզնով գարունները գալիս ու չեն գնում:

Օրոցքդ առաջին դուռն է անմահության,
Լեզուդ՝ գալիքների բանալին է զնգուն,
Մատաղ սերունդ, ինձ էլ հիշիր գեթ մի բերան,—
Քեզնով գարունները գալիս ու չեն գնում:

1948 թ.



Իմ Արտիկին

Իմ թիթե՛ն բալիկ, դու աշխարհ եկար
Որ մանկությանս կարոտանքն առնեմ,
Որ նորի՛ց վազեմ դաշտերը դալար՝
Քո մեջ մանկացած՝ նորի՛ց կարկաչեմ.
Որ թիթեռներին,
Որ թռչնակներին,
Որ առվակներին իմ գիրկը կանչեմ
Որ նորից վազեմ դաշտերը դալար,
Քո մեջ մանկացած՝ նորի՛ց կարկաչեմ...

1945 թ.



Վարդերի մեջ, իմ բալիկ, դու ինձ մոռացիր,
Բայց թե փուշը խայթե քեզ, կանչիր, ես կղամ:

Արևի տակ, լույսի մեջ, դու ինձ մոռացիր,
Բայց թե մթնի քո ճամփեն, կանչիր, ես կղամ:

Ուր էլ լինեմ, կռվի մեջ, կամ թե հողի տակ՝
Երբ էլ ցավի մեջ ընկնես, ինձ կանչիր, կղամ...

1914 թ.



Իսկ ազնիվ կալի մի կտոր էս դեռ,
իմ լուսե՛ մաքո՛ւր, իմ անգի՛ն մանկիկ,
Ու միշտ մի բան եմ բոլորանվեր
Խորհում քո մասին, իմ անգի՛ն բալիկ,
Թե բախտիդ համար կարենա՞մ պիտի,
Իբրև հայր, լինե՛լ այնպիսի բրուտ,
Որ կավից փոխվեա գինու գավաթի
եվ համբույրի պես անցնես շուրթե-շուրթ-
նվ բարի խոսքով՝ գինով կենդանի,
Միշտ մարդկայինը դու համասփռես,
Իվ զյանքդ որպես անխառն գինի,
Աշխարհի շրթին դրած՝ սպառես...

1945 թ.



Ախ, իմ բալիկ, կարոտել եմ, գիրդու ե՛կ,
Սիրտս գավաթ՝ կյանքս գինի՝ քեզ լինի,
Ես կուզեի յոթը գավաթ, ոչ թե մեկ,
Յոթն էլ թեկուզ ինձ ջուր տային, ոչ գինի,
Ես կուզեի յոթը որդի, ոչ թե մեկ,—
Քանզի տունը մեկ սյան վրա չի կանգնի...

1947 թ.



Այն տունը տուն չէ, որ աղմուկ չունի,
Ուր դեռ չի հնչել ծիծաղը մանկան,
Այն տունը, սիրտ իմ, որ մանուկ չունի՝
Լեզվակը պոկած զանգի է նման.

1947 թ.



Ախ, իմ երգերից ամենաջինջը
Անգին մանկիկն է իմ սուրբ գրկի.
Հազար երգ արժե նրա մի ճիշդ՝
Նա է երգ-երգոցն իմ երգերի...

1941 թ.

ԺԱՌԱՆԳ

Սթիկա է նա ով հայր է լինում...
(Աբու Լալա Մահաբադ)

Կարոտած, հոգնած ու հագեխուով տուն վերադարձիս՝
Որդիս հույսի պես իմ գիրկն է ընկնում,
Եվ իսկույն հորս իմաստուն խոսքն է իմ միտքը դալիս՝
— Բախտավո՞ր է նա, ով հա՛յր է լինում...

Կարոտիս ամպը՝ լող մի համբույրով ցրում է որդիս,
Բացվում է սիրտս ու թեթեանում,
Որդուս ժպիտով դրախտ է դառնում աշխարհը աչքիս,—
Երջանի՛կ է նա, ով հա՛յր է լինում:

Խաղում ու կարճես միշտ ետ է բերում մանկությունս վառ՝
Խաղընկերներով որդիս զվարթուն,—
Նրանք առվակներ՝ շուրջս կարկաչող, նս՝ ափերին ծառ,
Երանի՛ նրան, ով հա՛յր է լինում:

Ու մայրամուտիս, երբ ես էլ իջա ձորը ծերության,
Հողս ներխուժեց հին ոստիս արթուն,—
Բայց ելա՞վ որդիս վագրենամուտն, դո՛ւրս վանեց նրան՝
— Սրիկա՞ է՞ նա, ով հայր չի լինում...

1942 թ.



ՆԱՅԵԱԽԱՉ

Այս Հայրենի խորի ջրա
հեղեղը կրթութիւն Հովիտ է կրթութիւն...



ՊԱՆԴՈՒԽՏԻ ԵՐԳԸ

Երանի ձեզ, զմրուխտ սարեր,
Որ չեք տեսնի պանդուխտ օրեր:

Ես այն վայրի մասրին էի,
Որ ժայռերի շրթին բսած՝
Ծաղկած քույրն էր սեզ սարերի,
Սարերի ձյան ջրով հասած:
Հարբած բույրով վարդիս գարնան՝
Եկան, ելան ինձ պոկեցին,
Պոկեցին ու պանդուխտ տարան,
Տարան բախշի մեջ տնկեցին,
Բայց չափարի մեջ չորացա,
Դարձա մի բուռ դեղնած աշուն,
Լեզուն կտրած մի հավք դարձա,
Էլ չտեսա սարերի ձյուն.

Հե՛յ, ձիավո՛ր հովեր, ո՞ւր եք,
Հե՛յ, թևավո՛ր հովեր, ո՞ւր եք,
Իջե՛ք, հովե՛ր մեր սարերի,
Ինձ այս ցավից պոկե՛ք, տարե՛ք:
Տունկս դրեք ծո՛ցը ժայռի,
Մեր սարերի ձևո՛վ ջրեք:
Էլի ժայռից ծիլ կուտամ ես,
Վարդ կբացվի մեռած սրտես,
Էլի վայրի բույրը նրա
Սար ու դաշտեր կխնկարկի,
Ա՛խ, հայրենի քարի վրա
Լեզուն կտրած հավքն էլ կերգի...

1946 թ.



Ձյունն էլի հալվեց ու հովիտներում
Իմ գարնան ջրերն էլի խենթացան,
էլի խենթացան, ու սրտիս հովտում
Գարնան տենչանքներս էլի խենթացան,
Բայց պաղ մնացին Մասիսներն հեովում,
Ավա՛ղ, դեռ այնտեղ գարուններ չկան...

1947 թ.

ՊԱՆԳՈՒԽՏ ՀԱՅԸ

Թափառում ու թախծում էի
Հեռավոր Գանգեսի ափին,
Բայց հոգիս իմ հույսի ափին՝
Ճախրում է Արազի ափին:

Թխավարս մի աղջիկ տեսա,
Աչքերը սևորակ էին,
Սևորակ, սև լճակ էին,
Հոնքերն ամպի տակ էին:

Նա օտար ափերի վրա
Երբ հետո խոսեց հայերեն,
Թվաց, թե մայրս մեղմորեն
Օրորեց օրոցքս նորեն...

Թվաց, թե մայրիկիս տեսա,
Ու տեսա Մասիսն իմ հեռու,
Մասիսն իմ ու Սիսն իմ հեռու:
Արազն իմ, ազիզն իմ հեռու:

1945 թ.

ԷՔՍՊՐՈՄՏ

Դու երազիս պես բարձր ու անարատ՝
Ինձ այսքան մոտիկ և այսքան հեռու.
Հայացքս է սառել, ձյուն դառել վրադ՝
Ինձ այսքան մոտիկ և այսքան հեռու.

Մի՞թե շա՛տ պիտի մնաս, Արա՛րա՛տ,
Ինձ այսքան մոտիկ և այսքան հեռո՛ւն՝..

1948 թ.



Դյուցազն Բաղամյանին

I

Քո օրորանն այն է, ուր որ
Հողմերից է լսում օրոր
Արծաձագն իր քաղաքին,
Ուր ձյունների թագն է արփին:
Ուր վիշապ է մուկն՝ անդնդում,
Ուր որ մահիկն է զարգանդում...
Ուր կուրծք տված ամպ ու շանթին՝
Հճակներ կան գազաթների,
Որ քո հայոց հարսների պես
Ամպի քողից նայում են քեզ...
Ուր գետերից հրեղեն ձին
Ծառն է լինում լուսարացին...
Ուր ժայռերից վաբդ է կաթում,
Բայց ուր կայծակն է թրատում
Կաղնիները լեռան վրա,
Ուր անտառն է լեռանց զրահ:
Ուր մեղեդով մայրաբերան
Որոտանն էր քեզ օրորան,
Ուր մանուկդ՝ մութ անտառում
Վազրի բերանն էր պատառում...

ԴԵՊԻ ԲՆԾՐՐԱՆ

Գետեր են գալիս իրար խառնվում,
Խառնվում իրար ու ծով են դառնում,
Եվ այդպես բոլոր օտար ափերից
Վթար ծովերից,
Մթար դաշտերից,
Քար ապատներից,
Սնապատներից,
Աշխարհի բոլոր, բոլոր կողմերից՝
Ծածված աշխարհի բոլոր հողմերից
Ելնում ու քեզ են գալիս խառնե՞րամ
Քարավանները քո թափառական՝
Թողած անեծքի զիշերներն անտուն
Եվ հայ պանդուխտի կանթեղ լուսընկան.
Գալիս են դեպի դաշտերը քո ծով՝
Լեռներիդ նման խարիսխ ձգելու,
Եվ էլ չի հայ մեջքն հայ երգի լացով
Օտար գետերին կամուրջ դառնալու...
Եվ խառնում ես հրկուռ հայրենի
Իրար մեջք դարձող քո որդիներով,
Քանզի անտառը որքան խիտ լինի՝
Այնքան չեն անցնի հողմերն իր միջով...
Ու դու հին վերքից
Դառած սիրո երգ
Դեռ ավետում ես՝ ի լուր աշխարհի,

Թե Հոկտեմբերյան թնդունով բացվեց
Առաջին օրը քո ոսկեդարի,—
Թե հայոց ազգն էլ ահա բռնեցփվեց,
Ու բարձրանում է սանդուխքն աստղերի
Դեպի երազը, որ կյանքի փոխվեց,
Դեպի կառարներն իր երազներին...

1947 թ.



1.

-- Ո՞րն է, բաբս, մեր հայրենիք.

— Էն, որ ունի բանձր երկինք,

էն, որ ունի կարմիր արև՝

Յուր կապուտակ գլխի վերև.

Էն, որ ունի մեջ աստղերուն՝

Լեռն Ալադյադ՝ ձյունը գլխուն՝

Հա՛ կկաթի ձմեռ-դարուն.

Էն, որ տեսքով իր Սևանի

Մազերն արձակ ու գեղանի

Նստած հարսի կնմանի.

Էն, որ ունի աշխարհի թագ՝

Քանց թագավոր՝ Մասիս ճերմակ,

Ճերմակ Մասիս՝ սիրտը մոմուռ,

Գլուխը վեր՝ դրախտի դուռ.

Էն, որ ունի Մասիսն ի վար

Հին-հին բերդեր, վանքեր մթար,

Որ ավերակ, բայց դեռ դարեր

Լուռ կաղոթեն երկինքն ի վեր.

Էն, որ ունի Արսղ, տղմուտ

Եվ ավերը մամուռ ու մութ


Գերեզմաններն են պապերուդ...

— Ո՞րն է՝ տղա մեր հայրենիք,

— Էն որ ունի բարձր երկինք,

էն, որ արե կհորհորա՝
Իլիլի աչքն է մեզ վրա,
էն, որ Ղաղբէկն ու Արագած
Արտերու մեջ ախպեր կանդնած՝
Չեռ կզանեն գինով թասին
Ու կձենեն ծեր Մասիսին
Թե, հե՛յ, բա՛բո, ե՛ր ես մենակ
Պանդուխտ մնում ամպերու տակ...

1940 թ.





ՔԱՐԱՎԱՍՏԻՏ

«Ի գարուններէ իմո՛ւ ու շփունքս...»





Ջյունը լալիս է, ձմեռն է մեռնում,
Զյան անցած ճամփով, զվարթ ու անվիշտ,
Գարունը գալիս աշխարհն է բռնում:

Երանի՜ մեռնող ձյուներին, որ միշտ
Նտեկից կանաչ գարուն են թողնում...

1940 թ.

ՎԱՅՐԷՋՔ

Անսալով ահա իմ հոգու ձայնին,
Որ ամեն քայլիս նույնն էր շշնջում,
Մենակությունս թողած լեռներին,
Իմ լույս գանձերով աշխարհ եմ իջնում,
Ու թող վայրէջքս իմաստուն լինի,
Ես կիջնեմ ինչպես ձյուները լեռան,
Կհալվե՞մ, կիջնե՞մ...

Հալ է իմ ճամփին

Սպիտակ պահեմ ջաղացի ճամփան,
Քան թե ձյուն մնամ մենության ժայռին,
Իսկ կյանքի հովտում ծարավեն նրան...
— Օ՛, սիրտ իմ, իջի՛ր, սո՛ւրբ է այս ճամփեդ՝
Քանզի ինչ պահես՝ հենց ա՛յն է կորած,
Ինչ տաս աշխարհին՝ այն քո՞նն է հավետ—
Քոնն է դարունը՝ ձյուներից ծնված...

1946 թ.

ԳԱՐՆԱՆԱՄՈՒՏ

Մանուշակներ ոտքերիս ու շուշաններ ձեռքերիս
Ու վարդերը այտերիս ու գարունը կրծքիս տակ,
Ու երկինքը հոգուս մեջ ու արևը աչքերիս
Ու աղբյուրները լեզվիս՝ սարից իջա ես քաղաք...
Ու քայլեցի խայտալույս ու շաղ տալով մայթերին
Մանուշակներ ու վարդեր ու շուշաններ ձյունաթույր,
Ու մարդիկ ինձ տեսնելով՝ իրենց հոգնած աչքերին
Տեսան ուրիշ մի աշխարհ, գարուն տեսան նորաբույր:
— Ի՞նչ թարմություն, ասացին, ի՞նչ թարմություն, ու բացի
լուսամուտներն իմ առջև ու ես իմ սիրտը բացել
Անցնում էի երգելով ու շաղ տալով մայթերին
Մանուշակներ ու վարդեր ու հասմիկներ հոգեթով,
Կարծես մի ողջ բնություն մի պատանի էր դարձել
Քաղաք իջել լեռներից, կանցներ զմրուխտ հեքիաթով...

1940 թ.



Գարունն արևով ժպտաց ամենքին,
Բացվեցին բոլոր դռները դարնան,—
Իմ դուռն էլ խուժեց գարունը կրկին
Բայց սիրտս այսպես ողջունեց նրան:—

— Գարո՛ւն, արևդ տա՛ր աշխարհներին,
Ինձ մի մանուշակ թող մնա միայն...

1940 թ.

ՃԱՆԱՊԱՐՀՍ՝ ԴԵՊԻ ԾՈՎ...

Մանուկ ոգիդ կախարդվեց հովիտներին հեռավոր,
Հեղեղի պես իջար ցած գարնանագեղ լեռներից,
Հեղեղի պես իջար ցած հազարագոչ ու պղտոր՝
Խոտեր պոկած ու քարեր, վարդեր պոկած քո ճամփից,
Տիվմ ու ոսկի հույզերով հեղեղի պես իջար ցած՝
Քո կարոտած հեքիաթի հովիտները մտնելով,
Ուր այս կյանքի դարունքվա հասակը նոր բողբոջած
Քեզ կանչում էր մորդ պես, ճամփիդ կանգնած լույսերով,
Ու դու իջար՝ հեղեղված երազներով ու սիրով,
Ճամփաներիդ խայտալով, համբուրելով հող ու քար,
Մերթ խմաստուն ու մերթ խենթ, ու ճամփեքիդ պարզելով
Կրկած գանձերդ ոսկի, տիղմը թողած՝ դու անցար,
Հասար հավերժ կարկաչով ու մտնում ես արդեն ծով,
Որպես աղբյուր, որ ծնվեց հեղեղներից այն խելառ:

1945 թ.



Ժայռից ջրվեժը փշրվում է ցած՝
Անդնդում մահով կապում ծիածան...
— Քանի որ կյանքս մի վայրկյան է լռի
ել իմ դեմ աշխարհն՝ հավիտենական,
Մի բան է տենչում սիրտս անամոք՝
Թեկուզ մի վայրկյան
Հիներ ծիածան,
Որ ծայրե ի ծայր՝ աշխարհը գրկե՛ր,
Ու գեղեցկությա՛մբ աշխարհը լցնե՛ր,
Թեկո՛ւզ մի՛ վայրկյան...
Թեկո՛ւզ մի վայրկյան,

1945 թ.

ԲԱՆԱՍՏԵՂԾԻ ՍԵՐ

Հորդ են գետերն այս գարնան, խենթ են գետերն այս գարնան,
Ու գետերի պես գարնան՝ իմ քնարը խենթ է դեռ,
Ու լարերը երգ են դեռ այս գետերի պես գարնան,
Սրտիս հեղեղն է ելնում ու ծածկում է ձոր ու լեռ:
Այս լեռներն են երկնային ակունքները իմ երգի,
Եվ աչքերդ, որ վրաս երկնքի պես կբացվեն,
Երգ եմ, ինչքան ինձ ալրես, երգ է կրակն իմ վերքի,
Հողեղեն եմ առանց երգ, ես երգում եմ հրեղեն:
Ու քեզ համար՝ իմ սիրով՝ հորդ են գետերն այս գարնան,
Ու գետերի պես գարնան իմ քնարը խենթ է միշտ,
Հազար գանձեր եմ բերում քեզ գետերի պես գարնան՝
Հազար ու մի գիշերվա երազներս մարգարիտ,—
Դեպի քո սիրտն է հաղերժ ծիածանված իմ ճամփան՝
Հազար ու մի գանձերով պիտի փարվեմ ոտքերիդ...

1946 թ.



Իմ բարի՛, իմ ջե՛րմ, հալազա՛տ իմ մայր,
Իմ բարի՛ արև, ես քե՛զ եմ սիրում,
Քե՛զ եմ երազել կարոտով անծայր
Իմ խեղճ մանկության անլույս օրերում:

Դու անհուն բաժակ, իմ անհաս կարոտ,
Ես վայրկյան, իսկ դու՝ հավիտյան ճամփորդ:

1935 թ.



Երբ միշտ սիրատարի գարունն է գալիս,
Երբ հողն արևին իր կուրծքն է բացում,
Երբ բողբոջում են վարդեր ու նարգիզ,
Երբ խնձորենիք ծաղկում են, ցնծում,
Երբ խենթ ջրերն են ընկնում իրար գիրկ,
Երբ համբուրվում են երկիր ու երկինք,—
Ես էլ նրանց հետ, չգիտեմ ինչու՝
Ուզում եմ մեկին ծաղիկներ նետել,
Զքնաղ է թվում աչքիս ամեն բան,—
Ու կուզեմ կրծքիս սեղմել կյանքը ու՛ր,—
— Օ՛, սիրտ լմ, ա՛յս է խորհուրդը գարնան,
Ա՛յս է աշխարհը միշտ սկսում բողբոջ...

1940 թ.



Տուն վերադարձան հնձվորներն հանդից
Մայրամուտ իջնող արևի նման,
Ծագեց լուսինը մանուշակ սարից,
Ինձ մենակ դտավ դաշտում անսահման:

Ձե՛մ դառնա ես տուն, ո՞ւմ թողնեմ դաշտում
Արցունքն ու խինդը իմ քույր ջրերի.
Գիշերահավի մեղեդին խնդուն,
Գիրկն ու համբույրը կույս ծաղիկներին:

Ո՞ւմ թողնեմ երազն անուշ դաշտերի,
Մեղմիկ թուլչանքը խորհող լուսթյան,
Ո՞ւմ թողնեմ ղեփյուռն այս հովիտներին,—
Ս՛խ, ո՞ւմ են այրել աղջիկներն այնքան:

Լուսթյունն ինչպե՞ս թողնեմ մեն-մենակ,
Ո՞ւմ հետ մտորի լուսթյունն անհուն,
Լուսթյունն ինքն էլ շարժում է ու կյանք,
Լուսթյան մեջ է երազը ծնվում...

Գիշերն ո՞ւմ հարսը դառնա լուանյակով,
Գաղտնիքն ո՞ւմ հայտնեն կույս սոսողերն իրհնց,
Թե աշխարհի հետ դու էլ գիշերով
Տուն վերադառնաս, անքուն բանաստեղծ...

1940 թ.

ԹԱԳԱԴՐՈՒՄ

Հոգիս արթնացաւ հարաւի բուրից,
Ինձ է դուրս կանչում զեփյուռը նրա,
Ձյունն էլ արևի ջահել համբուրից
Ուրախ լալիս է դաշտերի վրա:
Ելնե՛մ, ծաղկումն է ձնծաղիկների.
Ձյունից ինձ նայող աչերն համբուրեմ,
Գնամ հտեից ծիծեռնակների,
Նրանց հետ ետ գամ՝ դարունը բերեմ,
Բարձրանամ կապույտ դահլ լեռների,
Արևն իբրև թագ իմ գլխին առնեմ,
Հագնեմ ծիրանին արշալույսների,
Գարնան թաղավոր ինձ թագադրեմ,
Եվ հրովարտակ արձակեմ մի խիստ,
Որ աղբյուրները հավերժ կարկաչեն,
Որ ծաղիկն լեռներն իմ արևանիստ,
Որ ծով գաշտերը հավերժ կանաչեն,
Որ դարունները գան ու չգնան,
Որ հավերժանան զմրուխտ դրախտով,
Որ բեկվի իմ դեմ խորհուրդը մահվան,
Որ մարդը ցնծա հավերժի բախտով:
Եվ ես երջանիկ կլինեմ այնժամ,
Եվ գուցե այնժամ ես մահը սիրեմ,
Երբ անմահ լինեմ, երբ հավերժանամ,
Երբ դարունները ողջ թագավորեմ...

1940 թ.

ՋԱՀՆՆՈՒԹՅԱՆ ԵՐԳԸ

Սչքերիս մեջ դարնան օրեր,
Ճամփիսս՝ բախտիս սարերն ի վեր,
Ելնում եմ ես քարերն ի վեր,
Ելնում եմ ես սարերն ի վեր,
Քարե՛ր, սարե՛ր, դարե՛րն ի վեր:

Բախտս աստղերն են վեր պահել,
Ջահն՛լ եմ ես ու ձի՛ս ջահել,
Չե՛մ նկատում քարեր ճամփիս,
Չե՛մ նկատում սարեր ճամփիս,
Քարե՛ր, սարե՛ր, դարե՛ր ճամփիս:

Շանթն է բեկվում ճակտիս վրա,
Մահ՝ չգիտեմ՝ կա՞, թե չկա,
Ելնո՛ւմ եմ ես ահերն ի վեր,
Ելնո՛ւմ եմ ես մահերն ի վեր,
Ահե՛ր, մահե՛ր, դահե՛րն ի վեր:

Աչքերիս մեջ դարնան օրեր,
Ճամփիսս դեպի աստղերն անմեռ՝
Ինձ ելնելու քարեր կան դեռ,
Ինձ ելնելու սարեր կան դեռ,
Քարե՛ր, սարե՛ր, դարե՛ր կան դեռ...

1943 թ.



ՏԱԼԻ

Եւ Եւ աշխարհ Երբ բաշտ





Ասում են թե մեռածն հողից
Դուրս է դալիս ծաղիկ դառած,
Կյանքում քեզ շատ ուրնեցի՝
Արցունքների շաղիկ դառած,
Բայց թե ես էլ դուրս գամ հողից՝
Ինձ կրկնակի մահ կլինի՝
Թե շտեմնեմ, իմ նազելի,
Քեզ էլ կողքիս՝ ծաղիկ դառած...

1947 թ.



Հոսում է իմ Գանգեսն հանդարտ...

Հ. Հայնե

Հանգիստ չէ Գանգեսն հեռավոր, հեծում է իր մառ ափերին,
Իր երկրի հերարձակ մոր պես՝ գլուխն է քարե քար զարկում,
Ախ, նորից հողմերը նրա հառաչունն իմ հոգուն բերին,—
Հանգիստ չէ Գանգեսն հեռավոր, աշխարհով մեկ է հեկեկում...
Հեծում են ու ծառս են լինում ջրերը նրա արտասվող,
Հողմակոծ անապատն անցնող առյուծի բաշերի նման,
Եվ սիրտ է կտրատում ողբը՝ ինձ հեռու ափերից հասնող,
Հանգիստ չէ Գանգեսն ահավոր, նա բողոք ունի անսահման,
Նա քեզ է երազում, Վոլգա, նա մոռնչ ունի խելահեղ,
Հանգիստ չէ Գանգեսն աղեկեզ, հանգիստ չեն գետերն հեռավոր՝
Ախ, նրանք դիերն են տանում սովատանջ որդոց վիրավոր,
Ու ճամփին դեռ ծառս են լինում՝ որդոցը փնտրում գերեզման,—
Հանգիստ չէ Գանգեսն հեռավոր, հանգիստ չէ և իմ սիրտն այստեղ,
Որ անտուն դիեր են տանում այսօր էլ սուրբ գետերն այնտեղ...

1943 թ.

ՀԱՅՐԵՆԻՔ ԵՎ ՍԵՐ

Երկրիս վրա մարդ ու ծաղիկ արեգական շողն են ընկել,
Սեր են առնում, սեր են տալիս, ուրախության լողն են ընկել,
Հուսինն անգամ շուտ է ծագում՝ աստղերն ուսին օղ են ընկել,
Արի ծաղկենք, իմ սիրեկան, մենք էլ սիրո դողն ենք ընկել...

Սիրտս առա ու ման եկա հազար երկիր, հազար մի հեղ,
Բայց չգտա հայրենիքից անուշ մի հող, անուշ մի տեղ,
Ուր բացվում է ձմեռ գարուն ազատ սիրո վարդը շքեղ,—
Արի ծաղկենք, իմ սիրեկան, սիրո ազատ հողն ենք ընկել:

Երկնքի պես մաքուր սերը երբեք ոսկի դահ չի սիրել,
Նոր կյանք մտած մանուկի պես՝ ոչ մի վայրկյան մահ չի սիրել,
Սիրող սիրտը՝ սիրող սրտից, սիրուց բացի՝ շահ չի սիրել,—
Արի ծաղկենք, իմ սիրեկան կյանքի արևկողն ենք ընկել:

Նշան սիրուդ՝ եթե երկրիս ծաղիկներ տաս՝ լավ կլինի,
Սիրո որսորդ սրտիս համար համբույրդ հազար ավ կլինի,
Նոր քո սերը ծով կդառնա, սիրտս ոսկի նավ կլինի,—
Արի ծաղկենք, իմ սիրեկան, հարսանիքի քողն ենք ընկել:

1939 թ.



Ոտքը դարնան դրախտի մեջ
Սարն Արարատ՝ դլուխը ձյուն՝
Բարձր բռնած՝ ժպտում է պերճ,
Ինչքան բարձր, էնքան սիրուն:

Դու էլ, սիրտ իմ, քո երգերով
Բարձր եղիր և իմաստուն,
Բարձր մնա երազներով՝
Ինչքան բարձր, էնքան սիրուն:

Բայց գլուխդ, գլուխդ միշտ
Թե ալեհեր թե իմաստուն՝
Ցածրը պահիր՝ ամենքի՛դ դեմ,
Ինչքան ցածր, էնքան սիրուն...

1947 թ



Ես էլ աշխարհ տաղով եկա... Բայց դու իմ սար Սայաթ-Նովա,
Երևք շուրթերս իրար բերող Կովկասի յար Սայաթ-Նովա,
Իմ Կովկասի մարգարտաշար լեռնապարս շող մատանի՝
Դու մատանու անպին քարը, դու երկնաքար Սայաթ-Նովա:

Ա՛խ, թե գայիր՝ քեզ կտայինք՝ փառքի հաղար դարեր վրան՝
Մասիս սարը՝ քեզ քյամանչա՝ ձյունը՝ սաղաֆ քարեր վրան,
Արծաթ Զանգու, ոսկի Արազ՝ միշտ հայախոս լարեր վրան,—
Դու դարդիման իմ հայ սրտով՝ հայոց քնար Սայաթ-Նովա:

Քո աչքերից ակունք տվիր Արազ ու Քուռ գոչ-դետերին,
Կյանքդ մարմար կամուրջ արիր յարիդ ճամփի ուղջ գետերին.
Երգդ սիրո բանալի է նորաբողբոջ բերդ սրտերին,
Սիրով ամեն դուռ կբանառ դու դարեդար, Սայաթ-Նովա:

Այն մայրը, որ քեզ է ծնել, ուրիշ աստղեր դեռ կծնի,
Թեև փոքր է, ոսկու նման՝ ինչ ծնեց անմեռ կծնի,
Նա մի քարվան, բայց դարե-դար անմահության բեռ կտանի,—
Դու մի խարխուլ հայ խրճիթից ծնված աշխարհ Սայաթ-Նովա:

1843 թ.



Շաղ-կղա՛
Կաղ-կղա՛
Շաղ-կղա՛
Կաղ-կղա՛
Կաքավը սև քարին
Կխաղա, կշողա:

Շաղ-կղա՛
Կաղ-կղա՛
Շաղ-կղա՛
Կաղ-կղա՛
Կհիշե սիրածին,
Ու սիրտը կդողա:

Շաղ-կղա՛
Կաղ-կղա՛
Շաղ-կղա՛
Կաղ-կղա՛,—
Հայացքը սև քարին
Որսկանը կսողա...

1941 թ.

ՀԱՅԱՍՏԱՆԻ ԱՂՋԻԿՆԵՐԸ

Հուր են սիրո, սևի սիրուն աղջիկները Հայաստանի,
Թրտիս վրա քայլող գարուն աղջիկները Հայաստանի,
Իմ սիրտն ի՞նչ է, ա՛խ, թե ուզեն բերդեր կառնեն մի հայացքով,
Անառիկ բերդ ու սիրո սյուն աղջիկները Հայաստանի:

Մեկը մեկից պարզ ու կախարդ, մեկը մեկից խոսքով քաղցր,
Ետ կբերեն ալևուրին, օձ կթուլեն աչքով քաղցր,
Մեկը աստղիկ, մեկը լուսնակ, մեկն արևի տեսքով քաղցր
Իմ Հայաստանն են զարդարում աղջիկները Հայաստանի:

Ախ, չգիտեմ որի՞ն սիրեմ, որի՞ն թողնեմ, անհագ սրտով,
Ամենքին է սրտիս աչքը արևի պես կրակ սրտով,
Երբ հուր ծովի պես են քաշում՝ ո՞նց դիմանաս վտակ սրտով,—
Ինձ աստղերից ցած են բերում աղջիկները Հայաստանի:

Առանց նրանց՝ երգս պաղ էր՝ արև բացին իմ երգի մեջ,
Նրանց սիրո ձեռագործը ծիածանն է երկնքի մեջ,
Բայց քաջ կասեմ մեկին սիրես, լավին սիրես ու լավ սիրես,
Որ քեզ սիրեն բոլոր սիրուն աղջիկները Հայաստանի...

1947 թ.

ԱՐՁԱՆ ԱՐՈՎՅԱՆՈՒՆ

Ամեն անգամ, երբ նայում եմ մեր աշխարհին,
երբ նայում եմ մեր աշխարհին, Մասիս սարին,
Քեզ եմ հիշում, քո կարոտն եմ ես հեկեկում,
Քո կորուստն է սիրտս մզում:

Ամեն անգամ, երբ հայացքս Մասիս սարին՝
Քեզ որոնում ու չի գտնում սուրբ կատարին,
Թվում է, թե այն վարդապույն ամպն ես, որ դեռ
Բարձրանում է լանջերն ի վեր:

Ամեն անգամ, երբ այն պայծառ ամպն է կորչում,
Երբ Արազն է նայում լեռանն ու հառաչում,
Ինձ թվում է, թե սուրբ լեռան անդունդն ու ձոր
Քո մեծ սրտի խոցերն են խոր:

Ու կարոտով ամեն անգամ, բայց ցնծազին
Երբ նայում եմ մեր աշխարհին, Մասիս սարին,
Թվում է, թե Մասիս լեռն է քեզ աշխարհում
Իբրև արձան վեր բարձրանում:


1940 թ.



ԽՈՏԱԿԱՆ

տեսնաւ որ կանգնէ Հարաւի ճաւի
ու եւ կարծիք տալու եւ գետ...





ԼԵՆԻՆ

Տիեզերքն ու քո ոգին եկան մի օր չափվեցին
Թե որն է խոր ու անմահ, վկան արևն էր անդին,
Եվ արևը շշնջաց՝ տիեզերք է քո ոգին,
Եվ տիեզերքը կրկնեց արձագանքով ջնճագին՝

— Տիեզերք է քո ոգին,
Տիեզերք է քո ոգին...

1941 թ.

ԽՈՂ

Բնության առջև, նրա սրտում
Ես կամ, շնչում եմ, իշխում նրան.
Սիրտս մեկ ուրախ ու մեկ՝ տրտում—
Ասես պատկերն եմ ես բնության:

Նայում եմ նրան, նայում եմ ինձ,—
Ասես թե ես եմ հյուսել նրան.
Ասես թե նա է իր շիթերից
Հյուսել հողու ծովն իմ անսահման:

Օ, նա՛ է, նա ստեղծել ինձ,
Որ իմ մեջ տեսնի միշտ ինքն իրան,
Ինչպես որ ես եմ իր հյուսվում
Տեսնում էությո՞ւնն իմ անսահման...

1940 թ.



Հայրենախոս դաշտի վրա
Հերկում էի հողն հնօրյա,
Հանկարծ հողից իմ խռվիլ ժիր
Մի ժայռ հանեց բևեռագիր,
Ու ժայռն համր ծերուկի պես
Ու ես համր մանուկ մի հեղ՝
Շատ նայեցինք...

Բայց ճգնեցի,
Ժայռի համր լեզուն բացի
Ու կարդացի. «Ալամն իմ խալդ
Գերեց աշխարհն ու Այրարատ
Ու ես՝ արքան իր Արգիշտի՝
Հեղեղելով զետեր վշտի,
Ազգեր առա իմ տեգի տակ,
Արքաները ինձ դրին թագ,
Ու նիզակիս զարկից անմեռ
Հողագործնդը շարժվում է դեռ:
Կամա՛ց անցեք, մարդ ու աստված,
Թե չէ հողից կելնեմ հանկարծ...»
Հա՛, հա՛, հա՛, հա՛,
Ելար և ի՞նչ.

Մի բուռ փռելի՝
Ուրիշ ոչինչ...
Այն ինչ հայոց իմ խո՛րին անեղծ
Քեզ մոռացման հողից հանեց,
Խոփ, որ ինչ որ շար էր՝ վանեց...

1940 թ.

ՔԱՐԸ

Մարդկային աչքից ու ձեռքից հեռու
Լեռներում տեսա մարմարի մի ժայռ,
Որ ձյուների տակ, չար բախտին հըռ
Դարեր մոռացված մամուռ էր մռայլ:

— Մարմար ես, գիտե՛մ, տեսնում եմ ահա,
Բայց աղամանդ էլ լինելիք թե դու՝
Մամուռի պիտի՝ քանի քեզ վրա
Չէր իջնի ձեռքը ու ձիւրքը մարդու:

Լավ չէ՞ լինելիք աշխարհում ընկած
Հասարակ մի քար սրտերի ճամփին,
Որ վրադ թիկներ հնձվորը հոգնած,
Որ հանգիստ տայիր հոգնած ճամփորդին:

Ես աշխարհ կիջնեմ, ու կյանքս անբիծ
Թող որ սանդուղքի մի քարը դառնա,
Թող ինձ կոխոտե, մոռանա թող ինձ՝
Միայն թե մարդը միշտ վե՛ր բարձրանա...

1940 թ.



Իմ երազի մեջ՝ կանաչ դաշտի մեջ
Կոիվն անցել էր, մաճկալ էի ես,
Կանաչ դաշտի մեջ, դալար դաշտի մեջ
Խոփիս տակ ընկավ մանուշակ մի հեղ՝
Կանաչ դաշտի մեջ, դալար դաշտի մեջ
Կարծես թե սիրտս պոկեցին կրծքես...

1944 թ.



Այնպես խաղաղ է իմ սիրտը զարկում,
Խոսքիս հետ գործս՝ նժար ներդաշնակ,
Մեղքի ստվեր էլ չկա կրժքիս տակ,
Օ՛, ինչ հանգիստ է իմ խիղճը երգում:

Չեմ պոկել կանաչ հասկը ոչ մեկի,
Եվ անգամ հավքից մի փետուր անգամ,
Խիղճս հանգիստ է քնի պես մանկան,
Սիրտս ավազան գութ, կարեկցանքի:

Ու ճակատս հպարտ ու բաց է այնպես.
Չեմ ծծել դառը քրտինքն ուրիշի,
Սիրտս ծփանք է առյուծի բաշի,—
Բայց մեղքի մի մազ՝ չպիտի գտնես:

1947 թ.



Զյունեց քո էլ սև մազերին,
Զյուն՝ քո մատաղ երազներին,
Բայց դու այն վառ մանուկն էիր,
Որ բույր կուտար ծաղիկներին,
Որ բռնելով թիթեռներին
Պահ էր տալիս իր քույրերին՝
Իր քույրերին՝ շուշաններին...

Բայց ձյուն կիջնի քո մազերին,
Զյուն՝ քո դարձան երազներին,
Մինչ դու այն խենթ ջահելն էիր,
Որ ցնոթքի երկնքներից
Աստղ էր բերում աղջիկներին,—
Աստղ էր թվում իր սերն անբիծ՝
Գերված նրանց սեր-խաղերին...

Բայց ձյուն իջավ քո մազերին,
Զյուն՝ քո աշնան երազներին,
Մինչ դու այն խենթ կտրիճն էիր,
Որ սանձում էր հրեղեն ձին՝
Որ բերդի պես՝ աչքը փառքին՝
Գլուխ չէր տա հողմ ու շանթին,
Անպէս գրոհ կուտար վագրին...

Բայց ձյուն դիզվեց սև մազերիդ,
Ձյուն հավերժ քուն երազներիդ,—
Բայց մահին էլ մի՛ հավատա,
Տես՝ շիրիմդ էլ ծաղիկ կուտա,
Ետ նայիր՝ տե՛ս՝ մանուկդ անդին
Ծ՛տ է բերել դարձնդ անդին...

1946 թ.



Երբ ես էլ մտա համալսարան,
Ամեն ինչ այնպես պարզ էր թվում,
Կյանքն ինձ թվում էր մի երգարան,
Եվ միտքը՝ կղզի՝ սիրո ծովում:

Բայց երբ խորացա խոհերի մեջ՝
Իմ սիրո ծովը կղզիացավ,
Եվ ծովանալով իմ միտքն անվերջ
Սիրո կղզու շուրջն օվկիանացավ...

Տեսա, որ կյանքը հատակ շունի,
Ու ես կաթիլի ավին եմ դեռ,
Եվ սերունդները՝ այս անհունին՝
Մինչև գերեզման՝ ուսանողներ...

Եվ հիմա տիեզերքն է մշտահոս
Մայր համալսարանն իմ լուսաբեր,
Հուսինն էլ ճաղատ մի դասախոս,
Եվ աստղերն ինձ հետ ուսանողներ...

1948 թ.



Երբ օրերում իմ մանկության
Լսում էի իմաստության
Հեքիաթները իմ տատիկից,
Որ հեքիաթով թրծում էր ինձ,
Լսում էի ու զարմանում,
Ու բերանս բաց էր մնում,
Ու կուզեի անվերջ լսել
Ու չէր երբեք քունս տանում:

Երբ մեծացա դարձա ես էլ
Երիտասարդ մի դյուրական,
Ա՛խ, էլ չէի ուզում լսել
Հին հեքիաթներն իմաստության,
Անցնում էի բարձրադուխ
Գրքերն առած իմ թևի տակ,
Ու կթվար, թե ինքնաբուխ
Ես եմ հեքիաթն իմաստության:

Բայց ալևոր դարձա ես էլ,
Եվ ինչպես օրն իմ մանկության
Հիմա կուզեմ անվերջ լսել
Ոսկի հեքիաթն իմաստության,
Ու խոնարհում եմ մտախոհ
Ահա գլուխն իմ ալևոր
Իմաստության հեքիաթի դեմ՝
Ինքս էլ դառած հեքիաթ մի նոր..

1940 թ.

ԲՆՈՒԹՅԱՆ ՁԱՅՆՈՒ

Օ՛, ինչ անշարժ է, հավիտյան անդորր շուրջս ծաղկավառ,
կարծես հույներ ի նախահայրերը չէին ճշմարիտ,
կարծես չի հոսում շուրջս ոչ մի բան՝ կարծես ոչ մի ծառ,
կարծես ոչ մի ծիլ, կարծես ոչ մի ցուլ, կարծես ոչ մի շիթ...
Ես ծաղիկների բուրմունքի հետ եմ մտորում քնքուշ,
Այնպես անգո է շշուկը նրանց, օ՛, անհուն մեղմիկ,
կարծես երազ է, ու հարց է տալիս հովը մեղմանուշ՝
Թե ի՞նչ են արդյոք այս հովիտները, գառներ ու ծաղիկ...
Ու ես չգիտեմ՝ ի՞նչ պատասխանեմ, բայց հովն է անցնում,—
Ե՛ս եմ ամենը՝ ես թե մի վայրկյան, և թե հավիտյան,
Մերթ մա՛րդ, մերթ ծաղիկ, մերթ հո՛ւլ ու մերթ գա՛ռ, ես՝
մերթ մահանում,
Մերթ կյա՛նք եմ առնում... իմ մեջ, ինձնից դուրս գաղտնի՜քն է
շարժման...

1946 թ.



Ամպերն ուղեցին ծածկել արևին,
Բայց երբ հեզնանքով նրան մոտեցան,
Հանկարծ ամոթից լուռ կարմրեցին՝
Երբ որ հիշեցին, որ առանց նրան
Իրենք՝ ծովերից ինչպե՞ս կելնեին,—
Չէ՞ որ արևով երկինք բարձրացան...

1947 թ.



Արծի՛վ լեռների, արծի՛վ ինքնիշխան,
Ուզում եմ ես էլ քեզ հետ սալառնել,
Չունենալ իմ դեմ և ոչ մի սահման՝
Երազի բոլոր բարձունքներն առնել,
Ու ճախրել միշտ վե՛ր, օ՛, թևե՛ր տուր ինձ՝
Սլանամ դեպի արևներն անմար,
Կամ պոկի՛ր, արծիվ, սիրտս իմ կրծքից,
Միայն թե քեզ հետ բարձունքները տար...

1945 թ.



Իմ բույնը դրի երկնքում լազուր,
Իմ բույնը դրի լեռներում գարնան,
Բայց ինչքան ձեռքս մնաց առանց սուր՝
Ազուալն ու գայլը ձագերս տարան:

Իջա ծովերի խորքերը լազուր
Ու բույնս դրի գիրկը մենության,
Բայց ինչքան ձեռքս մնաց առանց սուր՝
Ծովերի մեջ էլ ձագերս տարան:

Իսկ երբ մարդացած ես բերդս դրի
Արևի ճամփին՝ ամենքի նման —
Երբ սուր կուրեցի ու մերկացրի՝
Ձագերս ապրեցին ու գարուն ելան...

1942 թ.



Հայրս ինձ ոսկի գանձեր է թողել,
Ե՛ս եմ ամենից հարուստն աշխարհում,
Օ՛, այսքան գանձեր չէին հեղեղել
Աշխարհի Շահերն իրենց քյոշքերում: —

Ու երկրիս թողած անկորնչելին՝
Տեր չեմ գանձերիս, ու դուռս փակ չէ,
Բայց վա՛յ ձեզ, գողե՛ր, վա՛յ ձեր գիշերին
Իմ հարստությունն իմ հողու մեջ է...

1941 թ.

ԽՈՂ

Սովետահայ Ակադեմիայի հիմնադրմանը

Դարեր ու դարեր հոգիդ տենչում էր
 Ելնել աստղերի սանդուխքն երազուն,
 Որ տիեզերական դադանիքը մեկնեւր,
 Որ աշխարհ բերեր աստղերի լեզուն...

Բայց սոսկ ամպին էլ թե ուզես հասնել՝
 Հողին պիտ դնես սանդուխդ նորից,
 Իսկ հողն ոտքիդ տակ տարուբերվում էր
 Դարե՛ր ու դարե՛ր՝ օտար հողմերից...
 Եվ ազգեր կորան. մինչ քեզ՝ դարերում՝
 Վառ պահեց լույսի երազանքդ վեհ,
 Մինչև խաղաղվեց քո հողն աշխարհում
 Քո իսկ ոտքի տակ ու՝ հանց մարգարե՝
 Դու իմաստության սանդուխք ես դնում
 Քո իսկ մայր հողին, որ դա՛ր ու դարե՛ր
 Բարձրանա՛ս խոհով ու երգդ իմաստուն
 Աշխարհին նետես բոլորանվեր...

Բայց թող աշխարհներն, աստղերն իմանան՝
 Որ չէր խաղաղվի հողդ երբեք,
 Որ չէր խաղաղվի թեկուզ մի վայրկյան,
 Թե Հոկտեմբերը հրաշքով իր վեհ
 Չդառնար և քո հողին պատվանդան...

1942 թ.



Արծիւը թառել կիսավեր վանքին,
Մտքում՝ նայում էր իր անցած կյանքին,
Բայց հանկարծ վանքի մի որմի վրա
Տեսավ քանդակված պատկերն ինքն իրա,
Ու շատ զարմացավ արքան ակհեր,
Ն՞րբ էր քանդակված՝ չէր տեսել դարեր,
Ինչո՞ւ չէր տեսել քանդակն երբեք՝
Շուրջը չէ՞ր նայում օրերում իր վեհ,
Երբ որպէս ճճի՝ մարդուն ցած թողած,
Ճախրում էր ինքը՝ աստղերին հասած...
Պոռո՞ղ էր, ի՞նչ է,—

Բայց, նո՞ր հասկացավ
Թւաթափ ոգին՝ երբ փառքից ընկավ,
Որ գոռոզ աչքը շուրջը չի՞ տեսնում,
Մինչ՝ խոնարհ աչքի հայացքն՝ աստղերից
Մինչև ծովերի հատակն է հասնում...

1945 թ.



Սիրտք եմ անում դետի ասիին,
Պառկած ասիին կանաչերազ,
Ինձ թողնելով ակնթարթին՝
Գետն հոսում է հավերժավազ.
Երթն ասում է իր ալիքին՝
— Ետ չնայես քա՛ր կդառնաս...
Ետ չի՛ թեքում թարթիչն անդամ
Ու միշտ առա՛ջ, առա՛ջ, առա՛ջ՝
Ասես գիտե ուր է վազում
Կուլյր տարերքով մշտաշառաչ.
Ու գնո՛ւմ է, գնո՛ւմ, գնո՛ւմ
Հավերժի հետ մշտագնա,
Լոկ ալիքն է ասիին մեռնում,
Նա ուր ետ է նայում մի պահ...
Այդպես դարե՛ր, դարե՛ր գալիս՝
Դարերին է համբավ տալիս
Իմ ժողովուրդն ու հավատա՛
Հավե՛րժ պիտի այդպես երթա
Դեպի երա՛զն իր դյուծական՝
Ետ չթե՛քած թարթիչն անգամ,—

Ետ չի՛ նայում,
Թե դառնա ետ՝
Կքարանա
Իսկույն հեթ...

1947 թ.

ԹԱՆԳԱՐԱՆՈՒՄ

Հոգիս ծարավեց խորհող լռության,
Եվ խող ժխորից մտա թանգարան,
Անհուն գեղեցկի անզուսպ ծարավով,
Եվ իմ մեջ իսկույն
Լռեց շշուկը շատախոս մահվան՝
Ես հավերժն անցա վայրկյանի նալով,—
Եվ միտքս հայացք, սիրտս՝ հիացք դարձավ,
Այն հուշաշխարհում մտախոհ ու սեգ,
Եվ մահը աչքիս այնքան փոքրացավ,
Որ շշնջացի՝ մահ չկա՝ երբեք,
Քանի կա արվեստն այս հավերժաթով,
Քանի երգը կա, հետքը կա վրձնի,
Քանի դեռ հազար ու մի հեքիաթով
Խոսում է ինձ հետ հանճարն իմ նախնի.
Եվ սերնդի հետ՝ ինձ նման ապրող՝
Ծնվում է նորեն և ինչպես գինի՝
Սերնդե-սերունդ՝ դառնում է դյուլթող...
Բայց կյանքը՝ դրսում՝ ուրիշ թովք ունի,
Քանի կա թեկուզ սիրած մի աղջիկ,
Կյանքն է, օ՛, կյանքն է անհուն գեղեցիկ,
Եվ սիրո գեթ մի պահը ծաղկավետ
Չեմ փոխի այս լուռ անմահության հետ,
Թեպետ երգս էլ է ձեզ հետ երազում,
Որ անմահության անհղծ արվեստի

Փռշին, գեթ փռշին իր վրա նստի...
Եվ այցում էի սրահները դեռ՝
Երբ մագաղաթներն իբրև դառնահուշ
Նախահայրերիս ուղեղի ծալքեր՝

Բացվեցին իմ դեմ ու սսկեմշուշ
Ցնդեց անցյալի երազանքս ծեր,—
Եվ ինձ դուրս կանչեց կյանքն իր թովչանքով,
Հազար ձայներով դուրս կանչեց, սաղայն՝
— Թանգարան մտնել շատ հեշտ է կյանքով,
Դժվար է մահով մտնել թանգարան:

1047 թ.




Երբ դեռ փոքր էի՝ ինձ առնում ծնկին՝
Հայրս շիբուխն էր անդադար ծխում,
Ես մերթ ձեռն տալիս շիբխի կրակին,
Մերթ շիբուխն էի բերանից խլում,—
Ա՛խ, ի՞նչ իմանար իմ մանուկ ոգին,
Թե հորս վշտի հետ էի խաղում...

Քանզի երբ անցան տարիքն աղեկեզ՝
Հայրս իր վերջին վշտի անկողնում
Իր վերջին շնչով շշնջաց այսպես,—
— Գանձ չունեմ, որդիս, այս եմ քեզ թողնում,
Մխիթ՝ երբ դու էլ վշտի մեջ ընկնես...

Ու ես ծխեցի՝
Երբ աշխարհով մեկ աչքերս բացի,
Ու ես ծխեցի ու ծխում եմ դեռ,
Ոչ թե հորս պես՝ իմ կարոտն հացի,—
Ա՛խ, ես ծխեցի ու ծխում եմ դեռ,
Որ թեկուզ դեռ կա մարդ մի կարևեր,
Որ դեռ քաշում է հին կարոտն հացի՝
Մովերից այն կողմ՝ ծովի մեջ լացի,
Ու դեռ իր սիրտն է մաշում դռնե դուռ՝
Հորս սրտի պես հազարամրմուռ...

Բայց վերջին շիբուխն ինձ հետ կտանեմ,
Թող թեթևա՛նա
Հողն հորս վրա,—
Պավաթս պիտի որդուս կտակեմ,
Դինո՛ւս գավաթը, որ սի՛բտս է վաղվա...
1948 թ.






ՄԵՂԷ

Եւ Տարբախորհոջ Հոյնն թնոյթան
Հոյնն զիբականն անսահմանորայն...





ԱՐԾԻՎՆ ՈՒ ՄԱՐԴԸ

Տխրեց արծիվը, իջավ երկնքից,
Իջավ, կուշ եկավ մի ժայռի վրա,
Նայեց երկնքին, կարոտեց նորից,
Իլ քամվեց կարծես ծեր սիրտը նրա:

— Երկինքն էլ մարդը խլեց ինձանից,
Երկիր ու երկինք չափեց թև առած...
Ասաց ու կարծես երկինքն՝ աչքերից
Ցած ընկավ մի շիթ սև արցունք դառած:

Ու վերջին անգամ նայեց արևին,
— Քեզ էլ կհաղթի, շշնջաց տխուր.
Վայնին՝ մարդն արդեն գերած աստղերին՝
Դեպի արևն էր թռչում մտասույր,—

1940 թ .



Այն օրից, երբ դու ինձ աշխարհ բերիր,
Դարեր են անցել այն օրից ահա,
Օ՛, մա՛յր բնություն, սակայն ինձ ների՛ր,
Թե քեզ առաքեմ բառերն այս անմահ,—

Դու անմահություն, ես անցորդ, ես մահ,
Դու հավիտյան բաց, ես փակվող մի դուռ,
Դու անմեկնելի, բայց ես եմ ահա
Իշխում քեզ վրա, ես՝ հողդ մի բուռ...

1940 թ.

ԻՄԱՍՏՈՒԹՅԱՆ ՄՆՂԵԴԻՆ

I

Ոչ թե աղջկա բախտն էս գուշակում,
Որպես մի գնչու ցնորք ափիդ մեջ,
Դու գիտես թե ծովն ինչ է մտորում՝
Ծովն իր կաթիլի՝ իր պատկերի մեջ:

II

Դու որ դուրս ելար ցավերի ծովից
Կանչես վար կիջնե գարունն արևից,
Եվ թե գետերի վրա սրոտաս
Գետերն հինավուրց հունը կփոխեն,
Քավ է ճակատիդ ադամանդը տաս՝
Անապատները մեղր կբխեն:
Կանչես՝ ժայռերի կրծքերից հանկարծ
Անտառներ կելնեն՝ դարուններ գրկած:
Մինչև կոկոններն աչքերը բանան՝
Կանչես՝ ծովերը պիտի միանան:
Լեռներին մինչև դայակ չդառնաս՝
Հղի լեռները չեն ծնի գանձեր,
Քանի պատվաստն՝ ձեռքդ՝ բնովյան՝
Կջահեղանան անտառները ծեր:
Քեզ դարեր սաստած կայծակները քեն՝
Մի փունջ երկաթի մեջ կբանտարկես:
Կկտրի, կանցնի օվկիաններն անվերջ
Քո շշուկն ահա՝ մի վայրկյանի մեջ:
Եվ ցած բերելով թևավորներին՝

Դու երկնքումն էլ բացիր քո ճամփին,
 Հրամայեցիր՝ քեզ առավ թևին՝
 Երկինք սլացավ բրոնզն անկենդան:
 Այն չես՝ ում սիրտը աչք էր վագրենի,
 Միրտդ՝ չար ծովեր ծածկող գթություն:
 Քնքշանքդ բացեց լեզուն դազանի,
 Եվ հավքերն ահա երդերդ են կրկնում:
 Եվ միակ խինդդ է՝ ոչ թե նմանիդ՝
 Այլ խոլ հողմերին գրաստդ կանես,
 Եվ օրոր կասես քեզ ծնած հողիդ,
 Դու հող, բայց հողից դրախտ կծնես:
 Զեռքդ կնիքն է կախարդանքներիդ
 Եվ մարդուց բացի՝ ամեն դո՛ւ՝ գերիդ՝
 Դու երկրե-երկիր պճնողն աստղերի,
 Դու դեռ խորտակողն անարգ թագերի,
 Խոսքդ— բնության ճակատագիրը,
 Գործդ— երազիդ գալոց երկիրը,—
 Դու մարդը՝ խորհող հյուսն բնության,
 Հյուսն՝ տիրակալն անսահմանության,
 Տիեզերանյութ շաղախից մի բուռ՝
 Բայց մի տիեզերք՝ քանզի բյուրաղբյուր
 էակաների մեջ քո հին զուգընկեր՝
 Լույս ծնելն հսկից՝ քեզ է վիճակվել,
 Եվ էգա դարը՝ կհրամայես՝
 Գիշերն արևն էլ կզարթնի քնից:
 Եվ քեզ կնայե նա էլ ապշադեմ,
 Եվ կշշնջա՝ «Այս դու ես որդիս»,
 Ով մարդ, բայց հազիվ քեզ ճանաչեցի,
 Այնքան լուսավոր թվացիր աչքիս՝
 Թվաց թե աչքս ես իմ դեմ բացի...
 Բայց ի՞նչ ես փնտրում անգամ գիշերով,
 Երբ բաց աչքերով աստղերն են քնել,
 Ինչո՞ւ ես մինչև աստղերը հանել
 Մտքիդ գլուխը, ի՞նչ վիշտ կա նորից,

Երբ մի բուռ հողից վայրի բնության
Դու քեզ հասցրիր կատարելության,—
Ինչու չես ննջում».

— Չեմ ննջի երբեք,
Քանի գաղտնալից տիեզերքն այս սեղձի
բացել իմ դեմ ծալքերն իր բողոք,
Քանի դեռ մութն է ու խորհրդավոր.
Քանի դեռ անդուռ առեղծված մնան
Գոյության գաղտնիքն ու քենը մահվան.
Չեմ ննջի երբեք՝ մահը կա քանի,
Քանի չեն դարձրել հավերժ պատանի
Ինձ հայտնություններն իմ իմաստության.
Քանի դործս՝ հավերժ, կյանքս է մի
վայրկյան».

Քանի լուսնին էլ ծաղիկ չեմ ցանել,
Քանի լուսնից էլ մահը չեմ վանել,
Քանի չի դիպել դեռ ոտքս Մարսին,
Քանի չեմ հասել լույսերիս լույսին՝
Անմահությանը մարդկային կենաց,
Որին արժան է մարդը տառապած...
Քանի մի ձեռքս մյուսիս համար
Կոթող է հղկում, կամ թե շիրմաքար.
Քանի ագուսին իսկ մարդուց շատ կապրի,
Կամ բառքաբը՝ յոթն հազար տարի,—
Մինչ մարդս... պիտի գերեզման իջնեմ՝
Չապրած փետրի չափ հավքի մի նստեմ,
Մարդը՝ խոհերի մի նոր աստղածով,
Ծանապարհորդը ծիր-կաթինների,
Մարդն էլ հողածին, բայց մարդն իր գլխով
Նժարն անհամար մոլորակների.
Մարդն՝ հավերժորեն չարի դեմ հաստված,
Մարդն՝ արարչությամբ՝ և աստծո աստված.
Բայց այս՝ իր խոհն է՝ գործն
հավերժական,—

Ժր կյանքով սակայն
 Մարդն հավերժի դեմ ինչ է՝ մի վայրկյան,
 Թիթեռի մի կյանք, մի բառ՝ մահվան դեմ՝
 Որ չարտասանած գերին է մահվան...
 Մինչդեռ մարդկային ծարավն առաջին՝
 Տիեզերասուղյղ տենչն է իմ վերջին.
 Հավիտյան ըմպել երկինքն աստղալից,
 Հավերժ վայելել գգվանքը կնոջ,
 Զհանգչի երբեք կիրքս մրրկալից,
 Ռտքիս տակ բացվի լուսինը բողբոջ,
 Նմանս ծնել և աստղերի մեջ,
 Անմահ վայելել տիեզերքն այս պերճ,
 Եվ սիրտս դառնա բերդն անմահությանց,
 Վայրկյանի սիրտս՝ դարեր տառապած...
 Ու թեև ինչպես կյանքն սիրալի՝
 Մահն էլ է շարժմանց պատճառն անհեղլի՝
 Առանցքը շարժմանց ներդաշնակության,
 Բայց կյանքն ինչքան շատ գեղեցկանա՝
 Մահն աչքիս ականքան կրտզեղանա,—
 Կդառնա վերջին ոսոխս ամենի
 Բայց ելնում ընդդեմ զառամյալ մահի՝
 Եվ կռվելու եմ այնքան ժամանակ,
 Մինչև ինչպես գահն իմ աստվածների՝
 Քափուր գահ դառնա մահն էլ ոտքիս տակ...

1947 թ.



Մենակ չեմ կարող ես հացի նստել,
Մենակ չեմ կարող ըմպել խինդ ու վիշտ,
Մենակ չեմ կարող ես հացի նստել,
Թող գա անցորդը՝ բաց է դուռս միշտ:

Աղքատ ձմեռ է իմ աչքին թվում
Իմ ճոխ սեղանը՝ առանց ընկերի,
Առանց ընկերի՝ ա՛խ, կույ չի գնում
Իմ հացի պատառն՝ առա՛նց ընկերի:—

Թող գա՛ն ամենքը ու թող հավքն էլ գա,
Բա՛ց է իմ դուռը՝ իմ բաց սրտիս պես,
Առանց ընկերի, ա՛խ, կույ չի՛ գնա
Իմ խնդությունը՝ իմ անհո՛ւն սրտես...

1947 թ.



ՊԵՅԵՐ

...Եւրոպայի կառն ի խնայման
Եւրոպայի ի խնայման...





ՀՐԱԶԴԱՆ

1.

էն Գեղամա սարերն ի վար,
էն շոր, ամա քարերն ի վար՝
Իմ դարերի մրմունջն անքուն,
Իմ վաշն,
Իմ հո՛ւշն,
Իմ հին Զանգուն՝
Քարափների ձյունից ծնված,
Փրփրաբարուր ձաղերն առած —
 Փախած ցավից,
 Դավ-անձաւից,
Հազար ցավի ձենով զալիս —
Մինչև Մասիս՝ ձայն էր տալիս,
Յաւն էր ուղում պատմել մեկին,
Հայոց հնուց ցամփն անմեկին —
 Մերթ ահագնած,
 Ու մերթ հոգնած,
 Մերթ փրփրահույս
 Ու մերթ անհույս,
 Մերթ մունջ,
 Շշունջ,
 Ու մերթ մոունջ՝
Հազար դռներ՝ հազար ժայռեր —
Մեկ ծեծելով, բյուր կոծելով,
Մեկ խլաձայն անիծելով,

Զարկվելով մեկ այս ափին,
 Զարկվելով մեկ այն ափին,
 Ծեծո՛ւմ, ծեծկո՛ւմ,
 Հեծո՛ւմ, դա՛լիս—
 Ժեռ ափերին ցավն էր լալիս,
 Սիրտն էր բացում այր ու ժայռին,
 Հորդում խռով ու մռայլին
 Անցնում գոշով մշտամրմռու
 Քարափներով ահեղալուռ,
 Որ միշտ խոժոռ, համր ու անշարժ
 Կիտում վրան հոնքն ապառաժ—
 Սեղմում էին, ճզմում նրան,
 — Դուն ի՞նչ կուզես, փրփրաբերան,
 Դուն ի՞նչ կուզես.
 — Տե՛ղ, տե՛ղ—
 Խուլ հեծում էր Զանգուն իմ հին,
 Ալիք թևը փշրում ժայռին,
 Մերթ խելահեղ, մերթ խեղճացած,
 Հառաչում էր՝ տեղս է նեղված
 Իմ սիրտն է խոց,
 Իմ երզն է կոծ,
 Իմ վերքն է բաց,
 Իմ աչքն է թաց...
 Ու չգիտեր
 Էլ ո՞ւմ պատմեր
 Իր հին ցավերն անդնդախոր,
 Ու հորդում էր գլխամուրր,
 Վազում վռազ, դառնում Արազ,
 Բախվում հազար ժայռ ու սարի—
 Թաթար, սելջուկ նժույզների
 Սմբակները դեռ լվալով,
 Պղտոթ լալով,
 Խոլոր գալով—
 Քարերից՝ սիրտը քրքրված,

Որդիքն՝ օտար ասիեր ցրված,
Շուրջը՝ սարեր,
Դեմը՝ դարեր,
Վերքն՝ անհունով,
Յավը՝ ձենով,
Լացը՝ մոռնչ—
Քանդում կամուրջ՝

Աչքը նետում հազար մի կողմ—
Բողոքում էր ու մշտահողմ
Ձենը ձգում աշխարհով մեկ—
Թռչում՝ դառած արցունքե տեղ—
Ցավից գոռում, պատռում սարեր,
Հազար ու բյուր դժար դարեր,
Մերթ ոսոխի ծունկը ծալում,
Մերթ իր տիրոջ թագն էր խլում
Ու գլորում իր ջրերին՝
Զանգուն իմ հին՝ իր հին ճամփին,
Հազար տեղով խոցված անցնում—
Աշխարհն Հայոց ողբով լցնում՝

Կանչում—Մասի՛ս,

Տեղ տուր, ազիզ,

Ճշում, կոծում,

Բաշն էր ցնցում,

Ցնցում այնպես,

Որ աղեկեզ

Արցունքի շիթն

Աչքից թռել

Քնկել Մասսին է դեռ սառել,
Ու դեռ պանդուխտ Մասիսն հեռվում
Այն արցունքն է աչքիս թվում՝
Դարը դարի վրա սառած՝
Հայոց վերջին վիշտը դառած...

Էն Գեղամա սարերն ի վար,
 Սարերն ի վար, քարերն ի վար
 Անցան լացի դարերն հանց գետ,
 Տարան գետի լացն իրենց հետ.
 Ու գալիս է Զանգուն էլի՝
 Բայց խաղաղված ու նազելի.
 Մայր վաղագոյն մուրազն առել —
 Առել՝ մորե մեկ է դառել.
 Հագել է հիր, կանաչ-կալմիր,
 Գլուխը ձյուն,
 Միրտը՝ դա՛րո՛ւն:

Շուրջն հավաքել որդիներին,
 Որպես ծաղկունքն իր ավերին,
 Գալիս՝ երգով
 Ու ալիքով

Իր նո՛ր ավերն է փայփայում՝
 Մտքո՛վ անգամ ետ չի նայում,
 Ի՞նչ է թողել, որ ետ նայի,—
 Վշտի օրոցք ձորն ամայի,—
 Ավե՛ր,
 Ավա՛ր,
 Դարե՛ր խավար...

Ու դեռ Մասսյաց միրաժն աչքին՝
 Որպես արցունք՝ իր մի աչքին,
 Հույսով գալիս՝ լուր է տալիս
 Այն սարերին դեռ անմուրազ.
 — Իմ լացն հո՛ւշ է, ձեր լացն՝ Արազ,
 Որ կարոտից մերթ հեկեկում,
 Մեկ հեկեկում, հազար երգում,
 Զայն է ձգում աշխարհով մեկ,

Թի իմացեք, որ դետն իմ հեղ՝
 Պատուել պատյանն իր ժայռենի՝
 Զեռքն է առել թուրն հավլունի,
 Վերքը մարել,
 Երգ է դառել
 Ականջի տակ Երևանի,—
 Երգ է դառել, դառել քնար
 Զրանցքներով իր յոթնալար,
 Ու գոշալով, խոխոջալով,
 Դեռ չմտած դաշտերը ծով՝
 Նոր բերդ առնում՝
 Հույս է դառնում
 Լցնում աչքերն Երևանի
 Ծիածաններն իր ծիրանի,—
 Իմ հորդացած, իմ նոր Զանգուն,
 Իմ խենթացած, իմ խուլ Զանգուն,—
 Երեկ՝ արցունքն իմ Սևանի՝
 Այտի վրա Երևանի...
 Այսօր՝ լույսի մեծ մի անտառ,
 Ամեն սյունը՝ լուսե մի ծառ,
 Ամեն ծառով
 Ամեն ձեռով
 Զահեր բռնած,
 Ծիածանած
 Իր վերա մայր Հայաստանի...
 Զանգուն իմ լույս,
 Որ մշտահույզ
 Մեջքին կապել գրանիտի
 Կամուրջն՝ իբրև փառքի գոտի,
 Հույսը տալով,
 Դուրս հորդալով,
 Կաթնաչրի ծով կտանի,
 Որ զմրուխտով, մեղրով լցնի
 Ղռերն՝ իբրև դատարկ սինի,—

Յինդո՞վ լցնի՝ վշտամատյան
Դարերի դաշտն Արարատյան—
Ու հորդ ու հաշտ

Մտնում է դաշտ՝
Քար ու քոլերն հարբեցնում
Ու քարե քար՝ վարդ է ծնում,
Փռում զմրուխտ
Արտեր ու տուղտ,

Պճնում հողի լայն կուրծքը կույս
Ստինքներով մեղրատողկույզ,
Զուգում դաշտերն իր հին երազ,
Դառնում դաշտի հավերժահարս՝
Զույգ ափերը՝ ուսերն իր շող,
Այգիները՝ վարսերն իր ճոխ,
Ձեռին գինին նոնազավաթ
Կանցնի՞, կերթա՞ դաշտերն ազատ,
Կերթա անդուլ,
Կերթա անվերջ,
Կերթա անքուն,
Կերթա հավերժ,

Իմ Հրազդանն, իմ նոր Զանգուն,
Մայր Վուգայի դուստրն անքուն,
Անվիշ,
Անվաշ,
Առյուծաբաշ,

Իր ճոխ մազերն ուսերն ի վար
Սանրել, հյուսել ու կենարար
Կերթա՝ ծիծ տա մեր դաշտերին՝
Կանաչ, մանուկ Հայաստանին,—
Որ է՛լ ծաղկի
Ու ծիծաղե,

Ինչքան խո՞րունկ
Որ ծիծաղե՛
Հին վիշտն
Այնքան
Պորունկ
Թաղե...

1947 թ.

ՅԱՂՁԱՆՔ

1.

Իմ կարոտի աղավնի, թռիր սիրտս քո թևին,
Հասիր Կրեմլ ու նրան, որ նման է արևին,
Հասիր իմ հորն իմ երգով ու շշնջա ականջին՝
Թե այս գիշեր սարերում,—

Երկրում իմ նոր նախրյան

Հասավ քո ձայնն աստղալույս ու պահում ենք քո ճամփան,—
Դու ես հայոց հույսերի պատգամավորն առաջին,
Ո՛վ չի ընտրի արեգակն այս աշխարհում իր ճամփին.
Եվ Մասիսը երկնամուխ, իբրև իր ձեռը պարզում՝
Ժողովուրդն է քեզ ընտրում, որ արևն էր երազում.
Ողջ երկիրն է քեզ ընտրում և այս գիշեր դյուլթական
Պարխանք է սրտե-սիրտ ու պահում ենք քո ճամփան,
Կուզենայինք ձայնիդ պես դու էլ գայիր այս անգամ,
Քո այցին է սպասում հայոց երկրի սիրտը ծով՝
Կարոտների ծփանքով...

2.

Դու մեր խորհող արեգակ, դու արևի նման պարզ,
Որ Կրեմլի բարձունքից գիշերն ու զօր լույս կտաս,
Մեր հույսերի ոսկե սյուն,—

Մեր լեռները երբ դու գաս,

Իմ ծերունի մոր սիրտն էլ ձնծաղիկով կլցվի
Թե ձյուն լինի՝ ձյան տակից վարդի աչքն էլ կբացվի,

Վարդի շուրթն էլ կբացվի, որ ճամփեքդ համբուրի,
Ուրք ուր էլ որ դիպչի հողից դարուն կբուրի,
Օրորոցի մանկիկն էլ՝ լեզու կառնի, կժպտա,
Թոթովանքով առաջին՝ քո սուրբ անունը կտա...
Փշրվելով քո ճամփին ջրվեժները խենթորեն
Վիհերն ի վար՝ ողջույնի ծիածաններ կկապեն.
Էլ ի՞նչ ասեմ քեզ կարոտ սրտի մաշին, իմ սրտի,
Երբ որ շա՛ղն է համբույրով սրբում փոշին քո ճամփի,
Երբ ջրերը, մանկանց պես, ծափ կվարկեն ավերին,
Մանկանց աչեր կդառնան ծաղիկները թիերին
Ու կնայեն քո ճամփին...

3.

Մեր իմաստուն Առաջնորդ, դու արեգակն աշխարհի,
Քո ձեռքի տակ ծիլ տվեց անգամ սիրտը ժեռ քարի,
Հյուր եկ, արև՝ այգեպան,—
Այգիներիս ոսկեծով,
Օ՛, երբ որ դաս, հավատա, հափշտակված քո սիրով՝
Խաղողներից ինքն իրեն՝ առանց հնձան մտնելու
Դուրս կպրծնի անհամբեր մեր սուրբ գինին, որից դու
Կզգաս համն ու հմայքը մշտագինի ու բուրյան
Արարատյան մեր դաշտի, որ սինին է խնդովյան...
Մեր նեղ օրին հասնում ես, լայն օրին էլ այցելիր,
Յրված պանդուխտ հայերիս բախտի դուռը դու բացիր,
Երանք էլ են քեզ կարոտ, բայց մտնելով Հայաստան՝
Քո իմաստուն աչքերը մեր լույսերի մեջ տեսան,
Նրանք էլ են քեզ կանչում,
Որդու սրտով անրջում...

4.

Դու կատարումն ու կյանքն ես մեր դարավոր հույսերի,
Հավերժաբուխ շատրվան դու լենինյան լույսերի,
Մեր հանձարեղ Առաջնորդ,—
Հյուր եկ մի օր Երևան,

Ուր շէնքերը հեքիաթի դրձակներ են դշտութեան,
 Ուր էլ չկա՞ն գետնախոր խրճիթները մթամած՝
 Ժայռերի սև հոնքի տակ կույր աչքի պես կուշ եկած.
 Ուր ապարանք է դարձել նաև սիրտը մարդկային՝
 Զահալորոված նորախոհ երազներով աստղային.
 Քեզնով հարցալ մեր ոգին ու մեր երգը, որ դարեր
 Որդեկորույս մոր նման հառաչում էր կարեւեր.
 Ինչպես ավին Նվրատի, որ լալիս է հեռվում դեռ՝
 Ա՛խ, հայ արնով են ներկւլած հնում հազար ձոր ու լեռ
 Տօն ավերում կարեւեր...

5.

Մեր հարազատ, մեր անգին, մեր խնդովյան ակնաղբյուր,
 Երկրից երկիր խնկարկւով ազատության ծողիլի բույր,
 Արդարության միակ դուռ,—

Լույս խղճերի բանալի,

Մեր սարերն են քեզ կանչում՝ բարձր պահած քո անդրին,
 Կարոտիս պես ծառս եղած՝ դեռ նայում են քո ճամփին.
 Քեզ մեր մուրազն է կանչում, ե՞րբ ես գալու, մեզ աչքի.
 Արագածին քո որդի, ուր վարդ է հետքն իր լացի.
 Արարատին իմ դերված, որ հայացքն է քեզ հառեչ,
 Նվ կարոտի արցունքը թարթիչներին է սառել.
 Նրան մեր հին օրերի բախտի հողմը շարաբաստ
 Ռւզնց դեպի մահ քշել, որպես մի որբ առագաստ...
 Ն՛րբ ես գալու, երբ դաս՝ մեր սարերը բարձր ու վեհ
 Կցածրանան ժպտալով՝ կանաչ ճամփա կտան քեզ,
 Ե՛րբ ես գալու, որ սարի խնկածաղիլի բույրի պես
 Մեր համբույրը բերենք քեզ...

6.

Ծով է աշխարհն հեղհեղով ու ծովի մեջ անասան
 Նորից կանգնած է մեր սեզ հայրենիքը քեզ նման,
 Մեր դյուցազուն, մեր անգին,—

Ե՛րբ ես գալու, սյուն սրտի,

Մենք ծաղիկներ, դու արև՝ խփենք գավաթ գավաթի,
 Արի հայոց վարդակերտ լեռնաշխարհը բյուրավան,
 Բռնած Զանգուն՝ սարն ի վեր՝ ելնենք Սևանն հոտեմլան,
 Որ կարոտիս գինու պես սպասում է քո ճամփին,
 Զանգվին ղրկում սուրհանդակ՝ ձայն է տալիս Մասիսին,
 Թե երբ որ դա՝ ձայն տուր ինձ, դու ինձնից շուտ կտեսնես,—
 Բայց Մասիսը լուռ է դեռ ու կսպասե աղեկեզ.....
 Ն՛րբ ես գալու, ա՛խ, գիտեմ, որ աշխարհում մեր շքեզ
 Կանմահանա՝ ով քեզ հետ հացի նստի դեթ մի հեզ,
 Ոտքը քարի չի դիպչի՝ ով քեզ հետ է դարումն այս,
 Դու հաղթության բանալի, երբ հայերիս այցի գաս,
 Մեր Սևանա ծովը լույս որպես մի թաս, գինուլ լի՝
 Կբարձրացնենք ձեռքերով մեր Գեղամա լեռների,
 Կբարձրացնենք աշխարհում քո կենացը ոսկեղեն,
 Քո կենացը ու մեզ հետ աստղե՛րն անգամ կխմեն
 Քո կենա՛ցը ոսկեղեն...

Դու աշխարհի փրկիչը, դու պաշտելի մարդկության,
 Սերունդներին հայր-արև՝ հավիտենից հավիտյան,
 Մեր հանճարեզ Ստալին,—

Ամեն սիրտ է քեզ կանչում,
 Թեև ամեն ծաղկի մեջ քո ժպիտն է բողբոջում,
 Թեև ամեն սրտի մեջ քո երազն եմ տեսնում ես,
 Թեև երկրիս լույսերով քո հայացքն է հասնում մեզ,
 Թեև ամեն մի հոգում քո պատկերն է ճառագում,
 Թեև գործդ աշխարհն է, բայց սրտիս պես անդադրում,
 Քեզ է կանչում իմ կամքով հայ ժողովուրդն անթառամ,
 Քեզ է կանչում իմ կանչով զմրուխտ երկիրն իմ հայոց,
 Քեզ է կանչում Արարատ գերված կայմը քո որդոց,

Քեզ են տենչում աչքերս՝ Սեանա ծով, Վանա ծով,—
Մեկը լցված խնդովթյամբ, մեկը դեռ լի իմ արցունքով...
Քեզ են կանչում իմ կանչով կտրիճները տուն եկած,
Քեզ է կանչում իմ սիրտը, որպես երկրիս դուռը բաց,
Քեզ եմ կանչում, ե՞րբ կգաս, քեզ եմ կանչում սրտատրոփ
եմ բանաստեղծ մի նոր զանգ՝ Հայաստանից զոդանջող...

1939—16 թ. թ.

ՍԻԱՄԱՆԹՈՒ ԵՎ ԽԱՋԵԶԱՐՆ

ՆԱԽԵՐԴԱՆԵ

1.

Քո ծառաված սրտի համար երգիս ոսկե սափորով
Ժողովրդի զուլալ սրտից պսոլ ջուր առա ջերմ սիրով,
Աչքս բացվեց շուշանի պես և աստղերով այս գիշեր
Լցվեց մատաղ երկինքն հուզուս, սիրտս դարձավ մի ծով սեր,
Սիամանթոն այցի եկավ, խաջեղարեն՝ երկուսով
Լույսերի պես կուրծքս մտան իմ աչքերի դարբասով,
Բայց ա՛խ, նրանց սիրո լացով ու կարոտով համբույրի
Իմ սափորում արցունք դարձավ ցողն հուշերիս աղբյուրի.
Եվ արցունքի միջից վհատ ինձ նայեցին կարոտով
Սիամանթոն, խաջեղարեն՝ դարեր լացած աչքերով:
Նրանց անհույս աչքերի մեջ անբախտ մի սեր կարդացի
Եվ իմ երգի արցունքներով նրանց սերը ես լացի,
Կարծես սիրուս ծաղիկները սրտիս վրա չորացան,
Ու ես ընկա մովթ գիշերի փշերով լի մի կածան,
Ուր դեռ կռկռն սիրտը թռչնում, սերն էր մեռնում սարվորի.
Կյանքն էր նման սև գերանդու բերանն ընկած մի լորի,
Ուր, որ ջահել մի հայ չորբան և քուրդ աղջիկ մի չքնաղ
ճրագներով իրար գտան սուրբ սարերում ցողաշաղ,
Համբուրվեցին հովերի պես գաղտնի սիրո շղարշով,
Բայց պսակեց բախտը մռայլ՝ նրանց սերը լոկ փշով,
Եվ դեռ ծաղիկ, իրար ծառավ, կորան անդարձ ու անտես՝
Անապատի բերանն ընկած երկու կաթիլ ջրի պես...

Բայց թե եկեք, ով աղջիկներ, եկեք ինձ հետ ձեզ տանեմ,
Գեթ երգի մեջ աստվածային սիրո ճամփան ձեզ հանեմ...

ԵՐԳ ԱՌԱՋԻՆ

2.

Սիրիան սարը հագավ դանդաղ գիշերվա թուփ յափուռնջին
Ու մակաղեց Սիամանթոն հոտը սարի մի լանջին,
Վրան քաշեց այծենակաճն ու մուշ-անուշ մտավ քուն.
Գլխին աստղերն հայտնվեցին երազներով իր ժպտուն.
Երազի մեջ Սիամանթոն սարից ահա իջավ ցած,
Մինչև աղբյուր՝ ճամփա տվին ծաղիկները արթնացած.
Բայց աղբյուրին դեռ չհասած՝ տեսավ կանգնած մի եղնիկ,
(Որ իրեն էր նայում անթարթ աչիկներով գեղեցիկ)
Ուզեց զարկել, բայց եղնիկը հանկարծ դարձավ մի աղջիկ.
— Մի՛ սպանիր, ես քո բախտն եմ, քեզ խնայիր, իմ սիրած.
Ասաց աղջիկն ու տղայի ձեռից ազեղն ընկավ ցած...
— Դու ո՞ր սարի եղնիկն էիր, քեզ ո՞ր ճամփան ինձ բերեց,—
Ասաց հովիվն ու աղջկան երազի մեջ համբուրեց:
— Սիրո ճամփան,— ասաց աղջիկն ու հանելով իր մատից
Իր մատանին հովիվին տվեց, որպես սիրո խոսքն անբիծ:
Ու երազով հովիվն ինքն էլ՝ իր մատանին կուսական,
Որպես իրա բախտի աստղը, անխոս տվեց աղջկան...
— Արի տանեմ քեզ իմ սարը,— հովիվը մեղմ շշնջաց,
Եվ ուզում էր գրկել նրան ու համբուրել, բայց հանկարծ
Նորից եղնիկ դարձավ աղջիկն ու ծիծաղով իր անդին
Թռավ կորավ քերծերի մեջ՝ շվար թողած որսկանին:
Սիամանթոն ուզեց վազել, ոտքը դիպավ մի քարի,
Եվ արթնացավ՝ երազն անցավ, տեսավ լուկ բուլն աստղերի...
Նորից փակեց աչքը շվար՝ նորից տեսավ երազն ա՛յն,
Նորից եկավ եղնկատոտ ա՛յն աղջիկը տեսլական,
Նորից բռնեց, նորից փախավ ու յոթն անգամ նույն խաղով
Նույն երազը հովիվին թուլեց՝ նույն աղջկա ծիծաղով...

Այն, երազ են համբույր ու սեր, երազն էլ կյանք է թվում,
Բախտավորը նա՝ է միայն, ում երազն է կատարվում:

Չ.

Սխիան սարի գլուխն արծաթ՝ ահա ոսկու փայլ առավ,
Արեն հագավ իր ծիրանին, դեպի երկինք բայլ արավ.
Ջորերի մեջ մառախուղը հողմի թևին հանց դերի՝
Օրորվելով դոնազ գնաց կատարներին լեռների.
Գյուղերն ասես ծխի ամպով, ձիու թամբով հանդ ելան,
Սարերն ելան դաշտից հոտերն ամպերի պես վաղորդյան.
Սիամանթոն հոտը քշեց, ելավ կանաչ սարն ի վեր,
Յրիվ եկան ուղերն, ինչպես ծաղիկ քաղող մանուկներ.
Ու վաղորդյան շաղերի մեջ, լանջերն ի վար դով սարի՝
Սարի սուսան հարոսներին դերվեց հոտը ոչխարի:
Սիամանթոն թիկնեց ժայռին ու ցած նայեց աղբյուրին,—
Ջորում գրկեց նրա պատկերն՝ աղբյուրի ջրնջ հայելին,
Կարծես ընկավ աղբյուրի մեջ մի կտոր թուխ արեգակ
Եվ աղբյուրը ջրահարսի ծիծաղ դարձավ ժայռի տակ...

Այդ աղբյուրից, տարին մի հեղ, ամեն ուխտի առավոտ,
Ջուր են առնում աղջիկները, ուխտ են կապում նրա մոտ,
Ջուր են տանում իրենց զանգակ, կարապետավիզ կժերով.
Ու ջրի հետ համբույր յարին՝ նոր վարդացած թշերով.
Ու մորաղին է մեկն հասնում, մեկն հառաչում՝ «ա՛խ, չկա».
Եվ աղբյուրն է միշտ գողանում ծիծաղն ու լացն աղջկա...

Սիամանթոն սրինգն առավ ու նվագեց, նվագեց,
Սրտի արցունքն՝ իր սրնգի աչիկներից դուրս բխեց.
Իր երազն էր նա դեռ լալիս ու կարոտը եղնիկի,
Մանանա էր կարծես իջնում անուշ լացով սրնգի,
Ու դյուրվելով ոչխարները մեղեդիով սրտախոտ՝
Գլուխ գլխի մնչում էին՝ անդիտությամբ բախտավոր...

Ու երբ ինքն էլ հարբեց, հոգնեց ու ցած նայեց մի վայրկյան՝
Չորում կարծես աչքը դիպավ իր երազի աղջկան...

Ա՛խ, չէ՛ր, նա չէ՛ր, երա՛զ էր նա...

Ու աղջիկներն աղբյուրի

Երազի պես երգում էին իրենց կտրտոն համբույրի:

Արևը պաղ աղբյուրին

Ընկել՝ կդողա.

Ծարավ եմ քո համբույրին,

Աչքի լույս աղա:

Տղա, դու ո՞ւր ես, չկաս,

Եկել եմ, արի,

Իմ սիրտը ծարավ մի թաս:

Դու աղբյուր սարի:

Ցերեկը՝ սիրտս լալիս,

Լացս չես լսում,

Երազիս մեջ ես գալիս

Ու երազ դառնում...

Ու ալլալվեց Սիամանթոն ժայռի վրա շուռ եկավ,
Ժայռից քարի մի փերթ պոկվեց ու աղբյուրի գիրկն ընկավ,—
Աղջիկները վեր նայեցին...

Այն ինչ տղան վերստին

Նվագում էր՝ իր կարոտի լեզուն տված սրնդին,

Իր երազն էր ասես պատմում՝ անուշ լալով իր մասին,

Իր երազն էր նա ետ կանչում՝ հավատալով երազին...

Ու երբ սրինդն հովվի շուրթից արցունքի պես ընկավ ցած՝

Մեկ էլ ձորից վեր նայեցին աղջիկները կախարդված:

Հովիվն այնքան էր գեղեցիկ ու մեղեդին այնքան խոր,

Որ մոռացան աղջիկները սիրածներին հեռավոր.

Ու երբ անցավ սիրտ ցնորքն իրենց սև-սև աչքերից,

Ամենքն անխոս առան կժերն ու ջուր լցրին աղբյուրից.

Բայց դեռ մեկը աղբյուրի դեմ, աղբյուր ու կուժ մոռացած՝
ժայռին հենվել միտք էր անում՝ անուշ վշտի մեջ ընկած:
Նա էր, իմ վիթխաջեղարեն, բեկի դուստրը վարսասաթ,
Երեսը կաթ ու բերանը այն կաթի մեջ ընկած վարդ:
Կուրծքն հասակի ծառը ղուզող՝ զույգ խնձորի էր նման,
Ու ոչ մի ձեռ, ինչպես տերև, չէր դուրդուրել դեռ նրան:
Բարակ մեջքը վանա ծովի կարապի վիզն էր կարծես,
Մեջ այն շուշան աղջիկներին՝ նա վառվում էր վարդի պես:
Նրա՛ն գերվեց Սիամանթոն ու շշնջաց զվարթուն.

— Ախ դու չէի՞ր իմ երազում՝ եղնիկ դառած՝ ինձ խաբում...
Ու կարծես թե հովվի աչքից պոկվեց աստղի պես մի բան,
Ցուաց ընկալ կույսի սիրտը ու այլայլեց աղջկան...
Ու վեր նայեց աղջիկն հուշիկ, ինչպես ծաղիկն արևին,—
Այսպես՝ սրտի հայացքներով իրար սիրո խոսք տվին.
— «Թե դու էիր, մի ջուր տուր ինձ»...

Ու ձեռն ահով մեկնեց ցած,

Ու կարկամեց խաջաղարեն, շուրջը նայեց կարմրած,
Ու վեր ելավ բաղեղի պես, ու ջուր տվեց իր կժով...
Իջավ անխոս, հոգին լցված մի անսովոր մշուշով,
Ու կթվար թե սիրտն արդեն ուրիշ տեսակ էր բախում,
Սիրո հավքը իջավ աչքին, ու սրտի մեջ դրեց բույն:
Ու կթվար՝ կեղներ, կիջներ ինչ-որ ահով մեղրածոր
Կուրծքն՝ հասակի ծառից կախված արևելքի զույգ խնձոր:
Ու գյուղ իջան աղջիկները կարոտների կժով լիք,
Զորում սիրտը տված հովվին՝ դեռ մնչում էր մի եղնիկ:
Խաջեն էր նա, որ աղբյուրից ջուր առնելը մոռացավ՝
Լիքը կժով, լիքը սրտով երազներով տուն դարձավ.
Ու հետևից մեկ էլ նայեց Սիամանթոն սիրարբած,
Մինչև զարկած իր եղնիկը սարի ուսով իջավ ցած...
Հովը եկավ ու գուրդուրեց գանգուրները շոբանի,
Ախ, նա այրող համբույր կուզե, հո՛վ, քո խաղերն ի՛նչ անի:
Ու նվագեց սրինգն էլի, որ լալիս էր ու կանչում,—
Սիրահարի նվագի տակ ժայռն էլ սեր էր անըջում:

Տարի բոլոր ձյուն կշողա Սիփանա սեղ սարերին,
Բայց շատ այրվեց սիրտը հովվի՝ գանգատվելով ձյուններին...

— Ախ ինչ քար սիրտ պիտի լինի, որ սիրող սիրտը կոտրի:
Մտածելով՝ Սիամանթոն թողեց Սիփանն իր բարի,
Ու գյուղ գնաց, հանեց խենշարն ու յափուռնին, սիրտը՝ հեղ,
Ձեռքը կրծքին՝ գնաց կանգնեց իր սիրածի հոր առջև.

— Ի՞նչ կա, սարի Սիամանթո, խոսեց բեկը մեղմագին,
Գայլը սարից ոչխար տարավ, թե շոր չունես քո հագին...
Հովվին ասաց, թե ծաղկում է սարի վրա ամեն բան,
Միայն ինքն է թռչնում սիրուց՝ հարս է ուզում աղջկան...

— «Դուրս կորի, դուրս», գոռաց բեկը ու վեր թռավ նա ոտքի,
Ասես հովազը դուրս նայեց որջի միջից մութ աչքի...
Բայց շնչաց հովիվն ահով «Աստված է մեզ պսակել,
Երազի մեջ՝ Խաջեի հետ՝ մատանի եմ ես փոխել...»

Հանկարծ մոտիկ դուռն ճեղքից դեմքը ցուաց աղջկա,
Կարծես լուսինն ամպից նայեց, բայց չբացավ նորից նա,
Երբ դուրս արավ հայրը հովվին՝

— «Էլ չերևաս սարերում,

Ո՞վ է լսել, որ չոբանը փեսա լինի բեկ մարդուն...

Երևում է՝ կտրիճ էիր, դուռս եկար քո ոտքով,—

Գնա... ու տե՛ս իմ աղջիկը մե՛կ էլ չանցնի քո մտքով»:

Եվ նույն գիշեր Սիփան սարը հովիվ տեսավ ուրիշին,

Սիամանթոն իջավ սարից, աչքը սարի մշուշին...

Վշտով ամպեց Սիփանը ծեր, աշնան թուխպերն իջան վար,
Երբ հեռացավ հով-գոգանից Սիամանթոն վշտահար:



Գնաց տխուր Սիամանթոն, գնաց ուրիշ մի աշխարհ.

Թողած գյուղում եղնիկն իրա, թողած բեկի սիրտը քար,

Ու դեռ հայրը դեյլան ծխում, հորդորում էր աղջկան,

— Ի՞նչ ես էլի գլխիս ամպել՝ բաց երեսիդ լուանկան,
Ու ձգելով վիզն աղջկա նորից մի շար հակինթի՝

Ասաց—«Խեղճն է բախտի ճամփան, սերը ճամփան չէ՝ բախտի...
 Հանիր փուշը քո վարդ սրտից, Ազիզ բեկի որդուն առ,
 Որ հոտ ունի՝ ինչպես Առնոս սարը ծածկող մի անտառ»:
 — Ա՛խ, չէ, բաբո, թեկուզ ոսկով սարեր ծածկի, չեմ ուզում,
 Բաբո, ինձ մի մալուկ թողնի, բաբո իմ սիրտն է մրսում.
 Բաբո, դարնան ծիծեռնակի ձագը բնից մի հանի,—
 Մի սպանի քո աղջկան, յարին մալուկ մի անի...»
 Բայց քարի պես, ժեռ քարի պես բեկի սիրտը անզգա՝
 Ասես չէր էլ ուզում լսել լացն ու մորմոքն աղջկա.
 — Վերջը ստեղծ քարին կգա, հորդ խոսքից մի անցիր,
 Հոր անեծքը մոր անեծք չէ, հոր անեծքից վախեցիր...
 — Ա՛խ, չէ՛, բաբո՛, կանչիր ետ դա, նա արծիվն է Սիփանի,
 Կանչիր ետ դա իմ գարունը՝ սիրո գետ դա ինձ տանի...».
 Ու լալիս էր աղջիկն անհույս ու միշտ ձեռքը ծեր բեկի
 լուռ սրբում էր, բայց չէր զգում բոցն աղջկա արցունքի.
 — Լո՛ւ, լո՛ւ,— ողբում խաջեղարեն ու տեսնում էր երազում՝
 Սիամանթոն էր խռոված, իր մատանին ետ ուզում...
 Մինչ օրն ի բուն խաջեղարեն աղբյուրի մոտ թափառում՝
 Տուն էր գալիս ու խեղճ կժով սրտի արցունքն էր բերում:

Ա՛յ աղբյուր, սա՛րի աղբյուր,
 Ա՛յ անուշ, բա՛րի աղբյուր,
 Ա՛խ դու էլ լալո՞վ կերթաս,
 Իմ կորած յա՛րի աղբյուր:

Ա՛յ հավքեր, սա՛րի հավքեր,
 Ա՛յ նախշուն, բա՛րի հավքեր,
 Ա՛խ, ձեր էլ սիրտն է սգում,
 Իմ կորած յա՛րի հավքեր:

Ա՛յ Սիփան, սարի՛ Սիփան,
 Ա՛յ բանձր, բա՛րի Սիփան,
 Դու էլ ես դամանի մեջ,—
 Ի՞մ կորած յարի Սիփան:

Բայց աղբյուրը լուր չէր տալիս ու թլուժ էր, թե լալիս՝
Հեռւում լացող իր սիրածի սև աչքերից էր դալիս:

ԵՐԴ ԵՐԿՐՈՐԴ

Ա.

Ձմեռն անցավ. բացվեց նորից վառ կարոտի մի դարուն,
Կարապնեքը ծովերն իջան՝ ինչպես ափից փլվող ձյուն.
Քոչվորների սիրո երգը նորից սուրաց սարն ի վեր,
Դարունը սեր, արեք սեր, երկիր երկինք դարձան սեր:
Մեռած սերերն հողից ելան՝ ծաղկի փոխված աչքերով,
Սարերն ելան ապրողները, որ պսակվեն վարդերով...
Բայց ա՛խ, սարի Սիամանթոն մնաց վշտի անձամբում՝
Լալով հուշերն իր Սիփանի՝ թափառում էր պաղ հեռւում:
Կամ տեսնելով եղնիկներին՝ հառաչում էր մեղմակի,
Չէ՞ որ չքնաղ Խաջեղարեն շատ էր նման եղնիկի:
— Ա՛խ, երանի՞, հավք ու հովեր, երանի ձեզ, եղնիկներ,
Որ ման կուգաք մուրազն առած ու ցավ չունի սիրտը ձերձ.
Ու մերթ գիշերն իր սրնգով հեկեկում էր դալկահար,
Աչքը ձգում ճամփաներին՝ չէր իմանում ուր գնար:

Ճամփա կա՝ ծով է տանում,
Ճամփա կա՝ այգի,
Ճամփա կա՝ ափ է հանում
Նավակը կյանքի:

Ա՛խ, ո՞րն է սիրտու ճամփան,
Յույց տվեք, աստղե՛ր,
Առանց սեր ի՞նչպես մնամ,
Կմեռնե՛մ անսեր:

Ու մի գիշեր երազ տեսավ, բայց այս անգամ շար երազ,
Տեսավ իբր Խաջեղարեն հարսնացել է անմուրազ...
Ի՞նչ իմանաս երազն ի՞նչ է, որ նման է գիշերի,—

նաւարի մեջ չկա՞ն կայծեր ճշմարտության աստղերի.
Ու վեր թռաւ Սիամանթոն, նժուզն հեծաւ գիշերով,
Յոթը գիշեր ճամփա կտրեց՝ երազի սև հուշերով։—

Ամպեց. կորաւ լուսնկան,
Սարեր, մտեք քուն,
Սարով կանցնի իմ ճամփան՝
Կերթամ յարիս տուն։

Սերս գաղտնի թող մնա,
Սերս յարիս պես,
Ճամփեն պիտի շիմանա
Թե ո՞ւր կերթամ ես...

Ու մրմունջով յուրդերն հասաւ, լսեց տրտունջն աղբյուրի,
Մոր պես դեմից ձեռքով կանչեց նրան Սիւլանն իր բարի,
Ու աղջիկներ հայտնվեցին, ինչպես ծանոթ ծաղիկներ,
Բայց նրանց մեջ վարդը չկար, ու փուշ թվաց սարն անսեր...

Աղջիկներ, ա՛խ, չե՞ք տեսել
Շվաքն իմ յարի,
Ինչո՞ւ է պղտոր գալիս
Աղբյուրն իմ սարի։

Ո՞ւմ աչքն է յարիս տեսել՝
Է՛ն աչքին մեռնեմ,
Է՛ն աչքը թող ինձ նայե՛
Կարոտս առնեմ։

Ա՛խ, Սիւլան սարը տեսա,
Տեր չկա սարիս,
Երազիս չարը տեսա,
Ո՞ւր տարան յարիս։

Բայց տխրեցին ծաղիկները ու նա վարդից լուր չառավ,
 Եվ կարտտի կայծը սրտում մի հրդեհի բոց դառավ,
 Ու ձին քեցեց ձորերն ի վար՝ մտամուռոր մտամուլ գլուղ,
 Երբ տխրաբեր իրիկունն էր կտուրներից քաշում ծուխ,
 Եվ հյուր մնաց մի պառսավի ու վարդավառ, վաղ ծեգին
 Լսեց հեռվից դհուլ զուռնի հունչն ու թինդը ցնծագին,
 Ականջ դրեց, ասաց «Մամիկ, այս ի՞նչ ձայն է, որ կուգա,
 Ծովասարի հովերի սկես մեկ շնկում է. մեկ չկա»:
 Ու պառավը խոսեց մեղմով. «Ա՛խ, ի՞նչ ասեմ, որդի ջան,
 Հեռվից եկել հարս են տանում Զարեհ բեկի աղջկան,
 Բայց լալիս է խաջեզարեն ու քողի տակ հառաչում,
 Քուն թե արթուն, երազ դառած՝ Սիամանթո է կանչում...
 Բայց թե չուղեց Զարեհ բեկը հարս տալ աղքատ իր դուլին,
 Ու կորցրեց վարդ աղջիկը սրտի մալուլ բլբուլին...»
 Լռեց պառավն ու ամպի պես Սիամանթոն մռայլեց,
 Ու աչքի մեջ անհույս մի միտք՝ մի արցունքի պես փայլեց.
 Ասաց. «Մամիկ, ա՛ռ մատանիս, ինձնից հարսին տար նվեր,
 Բող երազը մուրազ լինի, թող ողջ մնա հայրը ծեր»:
 Ու մնաց հյուրն արցունքի մեջ՝ աչքը ուրախ մի դարձի.
 Պառավն առավ սիրո գաղտնիքն ու մատանին սիրածի,
 Ու պահելով քիշմիշի մեջ շող մատանին հանց մի հույս՝
 Ելավ՝ հարսին ի տես գնաց, գնաց հույսի աչքալույս...

2.

Ուր գառնարած հովվի հանդեպ՝ վագր են դռները բեկի,
 Լուռ մտավ ներս պառավն անտես՝ ինչպես զեփյուռն օբեքի,
 Դեռ հուզվում էր հարսանիքը հանց դինեդեռ մի պղտոր,
 Բայց գետափին հարսը լացող մի ուռի էր գլխիկոր.
 Ու դեռ կոկոն թասերի մեջ վարդ գինին էր փթթում,
 Միայն հարսի սև բաժինն էր՝ արցունք դառել դավաթում.
 Նստել էր նա կակաչի պես՝ կարմիրն հագին, սիրտը սև,
 Ինչպես թռչնակը վանդակում՝ թևերը կախ, սիրտը թև...
 Ու շիթ առ շիթ արցունքները հասնում էզրը շուրթերի՝
 Կարծես փնտրում էին լալով հետքը՝ հովվի համբույրի...

Ու թախծո՞ւմ է նա գլխիկոր ու չէր նայում ոչ մեկին,
 Երբ մոտեցաւ պառաւն հուշիկ, մի թաշկինակ իր ձեռին.
 Ու շնչաց՝— «Բարի ծաղկես, այս էլ ես եմ քեզ բաշխո՞ւմ».
 Ու քիշմիշը դողը ձգեց թաշկինակով իր նախշուն.
 Հարսը բացեց համր ու անփույթ, բայց քիշմիշի մեջ հանկարծ՝
 Ինչպես լուսինն աստղերի մեջ՝ իր մատանին շողշողաց...
 Ու կայծակող հույսի թափից հաջեղարեն դալկացաւ,
 Բարակել էր սիրտը վշտից՝ խնդովյունից ուշքն անցաւ:
 Պառաւն ահով բարձրացրեց ընկած գլուխն իր ձեռին.
 Շոյեց այրվող ճակատն հուշիկ ու ջուր ցանեց աչքերին:
 Ուշքի եկաւ հաջեղարեն՝ «Ո՛ր սարից ես գալիս դու,
 Քեզ ո՞վ տվեց այս մատանին, նրան էլ չե՞մ տեսնելու.
 Ինձնից պաղել՝ ե՞տ է տալիս, էլ չի՞ պահում իմ ճամփան,
 Ասա, մամիկ, ի՞նչ հնարով, ի՞նչպես տեսնեմ ես նրան»...
 Ու պառավը մայրաժպիտ՝ այսպես խոսեց գլխիկոր՝
 — «Իմ ղոնաղն է, մի գեղեցիկ, մի թուխ ջահել ձիավոր,
 Երբ նա լսեց քո հարսնառի ուրախ ձայնը մեր կոնից,
 Կարծես մահվան խոսքը լսեց՝ գույնը թռաւ երեսից...».
 Ու անհամբեր՝ խոսքը կտրեց հաջեղարեն սրտադող.
 — «Իմ չսիրած մարդն է գլխիս հորս ձեռքով գցել քող,
 Գնա, մամիկ, ասա նրան, հաջեղարեն քո սերից՝
 Այս էլ քանի՜ ծարավ գարուն՝ աղբյուր հանեց աչքերից.
 Ասա՝ հիմի մնացել է մեկ օր միայն ու մի ճար՝
 էզուց մորս գերեզմանին ուխտ եմ գնում՝ Ծովասար,
 Կանուխ կերթամ, ասա թող գա, ասա թող գա՝ ինձ տանի,
 Ասա թող գա՝ որսը տանի, թե արծիվն է Սիփանի»:
 Ու դուրս ելաւ պառաւն ուրախ ու անմրմունջ իջաւ վար
 Ու լուրն իբրև ճրագ բերեց մթնած սրտին սիրահար:

3.

Գիշերն իջել Ծովասարին ու հովն անգամ չէր հևում,
 Նվ լուսնյակի մայր ձեռի տակ՝ գիշերն օրոցը էր թվում,
 Ու նրա մեջ լեռ ու ամրոց, օբա ու կոն ու խրճիթ՝
 Օրորվում են՝ սուզված պես-պես երազների մեջ վճիտ.

Բայց դեռ արթուն ու անլուսին մթնած սրտով՝ երազուն՝
Սիամանթոն Ծովասարին իր լուսնին էր սպասում...

Լուսնկան նոր է, նոր է,
Իմ լուսնակ յարն է կորե,
Սիրտս աստղերի նման
Հազար ու մի կտոր է...

Ա՛խ, նա շատ էր հոգնել վշտից ու նինջն իջավ աչքերին,
Ու չիմացավ ինչպես քնեց գերեզմանի պաղ քարին:
Երազի մեջ հաջեզարեն մեռած մոր հետ երևաց,
Ու մայրն ասաց. «Սիա՛մանթո, լույս աղջիկս քեզ մնաց,
Առ քո թևին, թառվան ես դու, ու թոցրու, տա՛ր Սիփա՛ն»...
Ու համբարձավ մայրը նորից՝ հովվին թողած աղջկան.
Ու մուրազի վարդը պսկած Սիամանթոն չոր թիկից՝
Երազ ձիով փախցնում էր նրան կյանքի ափերից...



Արեն ելավ Ծովասարից՝ բռնեց կապույտ իր ճամփան,
Սիամանթոն աչքը բացեց ու չդատավ աղջկան.
Մի զույգ ոսկի ճաներ տեսավ ու վերցրեց նա իսկույն,
Իջավ սարից ու ձեռնունայն որսկանի պես մտավ տուն,
— Մամիկ, հեյ վախ, հաջեզարեն չեկավ մթնով թե լուսով,
Քնել էի, զարթնա՛ չկար ու մնացի քո հուշսով.
Այս վեգերը գտա, մամիկ, ընկած էին ծաղկանց մեջ,
Առ՝ քո բախտն է: Լոեց տղան, ու պառավը կռահեց՝
— Նա եկել է, Սիամանթո, ետ գնացել խռոված,
Նա՛ է ձգել այս վեգերը՝ երբ տեսել է քեզ քնած...
«Դեռ մանուկ ես», — ա՛յս են ասում քեզ այս վեգերն աղջկա,
Խակ ծիրան է քո սիրտը դեռ՝ այսօրվա քունդ է վկա...
Գնա ու ճան խաղա գյուղում, սիրո ճամփեն մի բռնի,
Դեռ մանուկ ես, սիրո մարդ չես, թառվան չես Սիփանի,
Սիամանթոն ամոթահար՝ շիկնեց ինչպես մի խնձոր,
Ու պառավից՝ իր հույս մորից նորից խնդրեց դլխիկոր.

— Գնա, մամիկ, վերջին անգամ՝ թող իր խոսքը տա վերջին,
Քո քաջն, ասա, քո կարոտն է լալիս ձիու աղանձն... »

5.

Գնաց պառավն ու ետ եկավ ու վերջին ճարը բերեց,
Ու լուրն ինչպես սիրածի շունչ՝ հովվի հոգն համբուրեց.
— Խաջեղարեն աշապես ասաց. «Եթե սիրո մարդ է նա,
Եվ թե ինքն է Սիամանթոն, թե սեր ունի ինձ վրա,
Էզուց սլիտի յարին տանեն հարսանիքի հանդեսով,
Թող գա ձիով՝ ինձ փախցնի, թող չմնա ինձնից սով...
Թե չէ, ասա, էլ ճար չկա ու թող մեկ էլ չքնի,
Բախտը, ասա, մարդու չեն տա, թող իր բախտը փախցնի...»:

ԵՐԿ ԵՐՐՈՐԻ

1.

Լեռներ, լեռներ իմ հայրենի, ի՞նչ եք խորհում, ա՛խ, լեռներ,
Քար աշխարհից դուք խռոված, հեռու քաշված հովիվներ.
Յած են նայում, ա՛խ, ի՛մ Սիփան, ուսիդ ամպե յափունջին,
Ասես բան ես ուզում ասել Գրկուռ սարի աղանջին,
Բայց չե՛ս կարող ու տխրում ես, ու Գրկուռը թախծալից
Աչք է պահում Առնոս սարին, որ դուրս կուգա անտառից...
Հազար ու մի աղբյուրները՝ որպես մանյակ իր կրծքին՝
Ծովասարն էլ հարսի տեսքով դուլթել կուզե Վարազին:
Բայց վանքն առած իր շրթունքին՝ իբրև աղոթք ու մրմուռ՝
Սաղմոս կասե երկինքն ի վեր Վարազա լեռն ահա լուռ,—
Այսպես իրար փարվել կուզեն լեռներն իրար կարոտած,
Ու չեն կարող ու թախծում են կարոտներով՝ քարացած...
Բայց Սիփանը ամպի տակից որդու վիշտն է կռահում,
Որ ձին հեծել ու դեռ վշտի երգով՝ ճամփա էր պահում,—

Քու հեր՝ ոսկի քամար կապեր,
Իմ հեր՝ շունեք տրեխ ոտի,

Քու մեր՝ լուսնակ՝ աշխարհ խաբեր,
Իմ մեր՝ աստղիկ՝ մեջ սև ամսի.

Դու՝ հոր ու մոր ձեռին ծաղկած,
Ես ծիլ՝ ելած քարի տակեն,
Ախ դու կրակ, դու հարսնացած,
Ու ես կերվեմ քու կրակեն...

Հանկարծ աչքը նա վեր թեքեց՝ կոխն լսեց արծվենի,
Տանում էին անգղները մի սպիտակ աղավնի:
Բայց արծիվը թռավ՝ զարկեց ու խափանեց նրանց շուն՝
Ետ խլելով անգղներից՝ երկինք տարավ աղավնուն...
Զիավորը ժպտաց մի պահ, բայց ժպիտը լուռ հանգավ.
— Ախ մի հավքի շա՛փ էլ չկամ,— ու հին մշտի մեջ ընկավ.
Զին սմբակով հողը փորեց ու վրնջաց հանկարծ ձին,
Հեռվից կարծես ձիեր ելան ու նիզակներ- ճոճվեցին,
Հեռվից ճամփի փոշին ելավ, ձիեր ելան սանձաթող,
Ու երեաց հարսնահանդեսը՝ գլխին փոշին՝ հարսնաքող...
Զիավորը մեկից թռավ դեպի ձիերն ակնդետ,
Ու ետ կանգնեց հարսնառն ահով՝ ինչպես ժայռին դիպչող դետ,
Ու մխրճվեց ձիերի մեջ Սիամանթոն աննկուն,
Որպես արծիվն իր այն աեսած, որ փախցրեց աղավնուն.
Ու ծառս էին լինում ձիերն հարսնառի լաց-կականում,
Հուր ու տապից, կուլի թափից օդն էր շուրջը շիկանում,
Եվ շիկացած օդում կարծես դաշույնները հալվեցին՝
Միայն կոթերը փղոսկրյա՝ ձեռքերի մեջ մնացին...
Եվ ընկրկեց մահախուճապ խառնամբոխը հարսնառի,
Բայց զարկում էր Սիամանթոն, ինչպես շանթը մի ծառի,
Ու կոտորտեց, մեկդի վանեց նիզակ ճուղքերը մեկ-մեկ,
Մնաց բունը՝ բուն թշնամին՝ մնաց բեկը սրտաբեկ.
Ու սիրածին Սիամանթոն տեսավ թարթին այն բեկի,
Ու կրծքի տակ սրտի զարկը թվաց հարված մի տեղի.
Ու մոլեգնեց Սիամանթոն, մահով բացեց իր ճամփան,
Թռավ, խլեց բեկի գրկից իր երաղի աղջկան,

Ու ձախ ձեռով գրկեց ամուր, աջով զարկեց թշնամուն,
Զգեց ձիու ոտներն տակ ու խթանեց իր ձիուն
Ու արծվի պես իր աղալնուն իր գիրկն առավ ու թռավ՝
Երեք օրվա ճամփեն մի սանձ, մի զարկ ու մի շունչ արավ...

Շ.

Վերջին շողերն էր շռայլում հոգնած արևն ու անփույթ
Լեռնաշխարհն էր արդեն հագնում մշուշ կապան իր կապույտ.
Ծաղկանց միջով, լեռանց լանջով, մուրադ ձիով անվեհեր
Սիամանթոն սիրածն առած՝ կելներ Սիփան սարն ի վեր,
Կարծես սիրո հավերժական աստծո մոտ էր բարձրանում,
Որ վերջալույսն իբրև ոսկի հաբսնաքող էք ծածանում...
Եվ հասնելով ակն աղբյուրի՝ ձիուց իջան շունչ առած,
Իրենք ասես երկնքի մեջ, երկիրն, էյ հե՛յ, ցած մնաց...
Եվ աղբյուրի կանաչ գլխին վրան զարկեց բախտավոր,
Երբ աստղերը ցած նայեցին՝ աչքերի պես իրենց մոր,
Ու շշջաց մի համբույրով Սիամանթոն սիրակեղ,
— Զեմ հավատում, խաջեղարե, մի՞թե դու իմ գրկումն ես.
Ու համբույրից շիկնեց աղջիկն՝ ինչպես կոկոն բացվելիս,
Կույս աչքի տեղ այտի փոսն էր «աչքով անում» ժպտալիս.
Հանկարծ ինչպես հավերժահարս՝ լուսինն անցավ աղբյուրից.
Ընկավ աղջիկն հովվի կրծքին, ասես հալվեց համբույրից.
— Խաջեղարե, սարը սեր է, էլ չե՞ս ուզում իջնել ցած...
— Սիամանթո, սերը սարն է՝ մեռնենք սարը քո տիրած...
— Խաջեղարե, սիրուց բացի ուրիշ դրախտ էլ չկա,
Ու համբույրով թերթեր պոկեց վարդ շուրթերից աղջկա.
— Ախ, այս գիշեր ինչ անուշ է՝ համբույրները շրջացին,
Ու գգվանքից կույս կոկոններն իրենց վարդերը բացին...
Սարի գիշեր, սիրո գիշեր, մեղրագիշեր Սիփանի,
Միրո գիշեր, տարի դարձիր, համբույրները մի տանի...
Հովե՛ր, հավքե՛ր, ծաղկո՛ւնք, ջրե՛ր, ժայռե՛ր, աստղե՛ր,
Եղնիկնե՛ր.

Դուք էլ, դո՛ւք էլ համբուրվեցեք, պսակվեցե՛ք այս գիշեր,
Ա՛խ, անուշնան թող համբույրով սիրո վշտերն ու աշխարհ,

Ու հալվեցին սիրո բոցին՝ աշխարհն ասես էլ չկար...
Սարի՞ գիշեր, սիրո՞ գիշեր՝ աստղաշարը ճակատին,
Ծրագն առած, մուրազն առած հանգան սարի դագաթին...

3

Ա՛խ, մարդն ի՞նչ է, որ երկնքի ճակատագիրն է կարդում,
Բայց թե ի՞նչ կա իր ճակատին՝ դեռ չգիտե աշխարհում...

4

Արդեն սաղմոսն էր ավարտում ամեն կաքավ իր քարին,
Արդեն արևն էր արթնանում, ոսկի ցանում սարերին.
Բայց սիրահար սիրտը սրտին՝ քնած էին դեռ անդորր՝
Հովվի հաղթած նիզակի տակ, յափուռնու տակ բախտավոր...
Հանկարծ քամին ագռավի պես նրանց դլխով անց կացավ,
Ու նրա պաղ թևի զարկով խաջեղարեն արթնացավ,
Ու թվաց թե աղբյուրի մոտ՝ ամպը ամպին ձայն տվեց,
Ու բուղագոռ մի աղմուկից խաջեղարեն գունատվեց՝
Սիրտը քամվեց ու սև աչքից մի տաք կաթիլ ծանրացավ
Զնկավ քնած քաջի դեմքին ու նա իսկույն արթնացավ.
— Ի՞նչ պատահեց, խաջեղարե, ա՛խ, ինչո՞ւ ես գունատված.
Ու գունատված իր ծաղիկը քաջին այսպես մրմնջաց.
— Զարթնել էի, երբ որ հանկարծ ձորից եկան աղմուկով՝
Այս աղբյուրից ջուր խմելու՝ քառասուն ցուլ ու մի կով.
Բայց ջրի մոտ խառնվեցին ու բուղագոռ ու վայրի
Կռիվ բացին, կովի համար, աղեղ-նետով պողերի.
Գլուխ գլխի՞ եղջյուրներով իրար ուսեր ուրբին,—
Շատի եղջյուրը փշրվեց, բայց մեկն հաղթեց բուրբին,
Քեզ հիշեցի Սիամանթո...

Բայց սև բաշտին ահագին

Շատ էր նման քո սպանած սև-ծխավոր այն բեկին,
Բայց նա, ախ, նա զարկեց, հաղթեց այն ցուլերին անվեհեր,
Խլեց կովը ու աղբյուրից ելան, կորան դարն ի վեր...
Ու չիմացա էլ ինչ եղավ, սիրտս չարն է գուշակում,
Ախ էն բեկն էր ժպտում աչքիս՝ էն սև ցուլի սև աչքում»:

Լոնց գունատ հաջեղարեն, Սիամանթոն մռայլեց,
 Լարեց աղեղն իր հոնքերի և աչքի նետը վիայլեց.
 — Մի՞թե իմ սերն հարամ է ինձ ու չի ժպտում ինձ խուղան,
 Սյսպես ասավ շարագուշակ՝ Սիամանթոն ինքն իրան,
 Ու խելահեղ ցած սլացավ՝ որոնելով սև ցուլին,
 Ճակատագրի ձորերն իջավ, սարին թողած մարալին...
 Բայց մեկն ասես փախավ ժայռից... այն ինչ՝ հովիվն քարայրի՝
 Դունչը կովին՝ որոճում էր ցուլ մի անգեղ ու վայրի:
 — Սրա մեջ է մտել ոգին իմ սպանած այն բեկի...»
 Ու մթափնած Սիամանթոն բռնեց բաղուկն իր տեգի
 Ու շանթի պես թռավ, դարկեց, խոցված ընկավ ցուլն անհույս՝
 Ու հանց լեզուն իր անեծքի՝ արյան բոցը թռավ դուրս...
 Ու կտրիճը դաշույնն հանեց ու ժտպալով մոտ գնաց,
 Որ այն ցուլի սիրտը հանի, յարին տանի, բայց հանկարծ...
 Ախ, ցուլն հանկարծ մի եղջյուրով այնպես խփեց թավով թունդ.
 Որ քարափից Սիամանթոն ընկավ. մթին մի անդունդ,
 Ընկավ՝ մի շոր ու ծեր ծառի, կուրծքը մտավ ոստը ցից՝
 Սև թրի պես կուրծքը ճեղքեց ու դուրս ելավ թիկունքից...



Հանկարծ ինչպես պատշանից թուր՝ ցուլաց կորավ ձորն ի վեր՝
 Ինչպես տեսիլ շարագուշակ աղեղնավոր մի ստվեր...

5.

Բառաչում էր մեռնող ցուլը, բառաչում էր հառաչում,
 Իսկ անհանգիստ հաջեղարեն՝ սարից յարին էր կանչում.
 — Լո՛ւ, լո՛ւ, ո՛ւր ես, Սիամանթո՛ւ, ո՛ւր մոռացար քո յարին...»
 Ու հովն հեծեց. «Հանգավ լո՛ւ-լո՛ւն, դու մնացիր պաղ սարին».
 Ու սիրտը դող՝ հաջեղարեն, արագ իջավ դարն ի վար,—
 Տեսավ որսը՝ տեգը կրծքին, բայց ա՛խ, որսկանը չկար...
 Ու ահն իսկույն սիրտն ընկավ, ծռեց ճամփեն աղեկեղ,
 Դիմը բացվեց անդունդը սև՝ սև ցուլի սև աչքի պես.
 Ու ցած նայեց՝ գլխին տալով. գոռոցն ընկավ սար ու ձոր.

— «Սիւսմանթո՞ն, քեզ ի՞նչ եղաւ, ո՞ւր ես ընկել վիրավոր։
Սիւսմանթո՞ն, վե՛ր ել, ասլան, քեզ ո՞վ զարկեց, ո՞վ գցեց»։

— «Բա՛խտս, բա՛խտդ, խաջեզարե՛», ձորից մի ձայն հառաչեց—

— Սիւսմանթո՞ն, ո՞ւր է որսդ, լուռ է լեզուդ քաղցրախոս,

— «խաջեզարե՛, լաց մի լինի, որսկան էի՛ դարձա՛ որս»։

— «Սիւսմանթո՞ն, ցաւի ժեռը ինչպե՛ս պահեմ իմ կրծքին»։

Ու քար վշտից ձերմակեցին ջահել մազերն իր գլխին...

— Ո՞վ է՛ լսել՝ զարկված որսը ետ՝ որսկանին սպանե,

Ո՞վ է՛ լսել վայրի ցուլը սիրող սրտեր բաժանե,

Լո՛ւ, լո՛ւ, վա՛յ, լո՞ւ, քո սրինգը էլ ո՞վ պիտի նվագե,

Ծակծկվեցի սրնգիդ պես ու երգս արուն-արցունք է»։

Ու գոռում էր, գլխին տալիս, ձորի շուրջը ման գալիս,
Ասես մեռած որդու վրա մի մայր լիներ ուլբալիս։

— խաջեզարե՛, անձայն ողբա, ձայնդ նետ է սրտիս մեջ,
Բայց խաջի արցունքն ասես ծովից կուգար՝ չուներ վերջ։

— Խո՞րն է վերքդ, խո՞ր կտքաս, ի՞նչպես կանգնեն աչքերն իմ,—
Սիւսմանթո՞ն, մի՛ հառաչե, Սիւսմանթո՞ն, կմեռնիմ...

Սիւսմանթո՞ն, վե՛ր ել, ի՛մ սեր, տես՝ մազերս են ձերմակել,
Կուգե՛ս՝ մազերս վա՛ր կախեմ, Սիւսմանթո՞ն, բռնի՛ր, ե՛լ»։

Եվ հշուտքերից մեկը կտրեց՝ իրար կապեց՝ կախեց վար՝
Բայց չհասաւ... ու լալի՛ս էր, ու գոռո՛ւմ էր խելագար...

Ու դեռ ձորից նվազ մի ձայն՝ հեծեծում էր՝ մի՛ մնա,
խաջեզարե՛, արե՛ս քեզ, խաջեզարե՛, տո՛ւն գնա...»։

— «Սիւսմանթո՞ն, գի՛րկդ կուգամ, էլ ինձ համար տուն չկա՛,
Սինամ հավքի թևերս ընկան, էլ ինձ համար բուն չկա...»։

Ու սև ժայռի հոնքերի տակ, որ կախվեցին ահավոր,
լալիս էին աղբյուրները՝ աչքերի պես նրանց մօր...

— «Ո՞վ է տեսել գարուն օրով, կանաչ սարին ձյուն դնի,
Սիւսմանթո՞ն, գիրկդ կուգամ, առանց յարի մի քնի»։

Ու մոտ կիջներ սարե ի սար, կիջներ նրանց վշտի պես,
Լացով իջնող դումանը պաղ նրանց պատանքն էր կարծես։

Դուման կիջներ Սիւսմանն ի վար ու ձյուն կիջներ ու քամի,
Ու լցվում էր ձորը լացով այն որբացած աշծյամի։

«Քամիներ, իջեք
Մաղերս պոկեք,
Ա՛խ, էլ մաղերս գուրգուրող շունիմ.
Ագռավնե՛ր, իջեք,
Աչքերս հանեք,
Ա՛խ, էլ աչքերս համբուրող շունիմ...»:

Հանկարծ ինչպես սլատյանից թուր՝ ժայռից մեկը թռավ դուրս,
— Դու համբուրող ունիս, հաջե, լաց մի լինի էլ անհույս.
Լուսի կտոր իմ հաջեղար, բաժին չէիր շոբանի,—
Նա իմ նետով բաժինն առավ ու քո մահը թող տանի...
էն՝ սև ցուլի եղջյուրի հետ՝ էն իմ նետն էր սրընթաց,
Ե՛ս էի որսն՝ որսկան զարկող՝ ժայռի ետև թաքնված,
Նա քեզ խեց իմ եղբորից՝ Աղիզ բեկի մեծ որդուց,
Բայց պատժվեց փոքրի ձեռով, ետ մի՛ կանչե կսկծուց,—
Ով է տեսել, որ շոբանը փեսա լինեք բեկ մարդուն,
հաջեղարե, մի հառաչե, ետ մի կանչե, դնանք տուն՝
նա քեզ կառնեմ...»

Բայց խոլ ճչաց հաջեղարեն իմ անբիծ,
Ետ չնայեց ու կռացավ պոկեց մաղերն իր գլխից,—
Ու ձայն տվեց անդունդն ի վար՝ «Քո հաջեն եմ, նայիր, տես,
Սիամանթո՛ն, ինձ էլ տեղ բաց, Սիամանթո՛ն, կուգամ քեզ...
Հովե՛ր, ծաղկանց խոունկը վստեք, մեզ թաղեցեք առանց քար»:
Կանչեց հաջեն ու աչքը խոսի՝ նետովեց ձորը գլխիվայր,
Ժայռին փլվող ալիքի պես նազով կուրծքը փշրվեց,
— «Ա՛խ, ինչ արիր»՝ վերջին շնչով Սիամանթոն ձայն տվեց.
Ու հեծեծաց հաջեղարեն՝ վերջին շնչով իր անձայն՝
— «Սիամանթո՛ն», ու փշրված սիրտը՝ սրտի՛ լո՛ւռ հանգան:
Վերջին անգամ հովն հեծեծաց՝ սուսն շո՛ւնչն էր տղայի՝
— հաջե՛ղա՛րե՛սս... ու հավիտյան լռեց անդունդն ամայի...

Իսկ այն ձորում, սոմեն տարի, ամեն դարնան բացվելուն՝
 Երկու ծաղիկ են հայտնվում՝ երկու կակաչ տխրանուն,—
 Ասում են, թե չկար երկրում ոչ մի ծաղիկ՝ սիրտը սև,
 Այն օրվանից աշխարհ եկան կակաչները սրտասև,
 Երբ որ հաջեն, Սիամանթոն ընկան սիրո կես ճամփին,
 Ընկան, հանգան, բայց չկորան ու կարոտով սրբագին
 Աշխարհ եկան՝ կակաչ դարձած, որ բացվում են դեռ այսպես՝
 Իրենք՝ կարմիր, սրտերը՝ սև՝ իրենց էն սև բախտի պես:
 Բայց թեքելով գլուխ գլխի՝ հավերժ իրար են նայում,
 Մահվան մեջ էլ՝ հավերժ սիրով՝ հավերժ իրար փայփայում...

1035—43 թ. Թ.

ՊՈԵՄ ԱՆԵՈՐԱԳԻՐ

Ցավը տվեց սարերին՝
Սարերը շտարան...
Ցավը տվեց մարդուն՝
Մարդը տարավ.
(Մորս խոսքերից):

I

Երբ անհայտ ոգին՝ աշխարհն արարող,
Որ աստված կոչվեց դարեր ու դարեր,
Ստեղծեց երկինք, արև, ծով ու հող,
Ստեղծեց համայն տիեզերքը մեր,
Եվ աշխարհ բերեց բիրտ հողից մարդուն,
Բաժանեց բոլոր իր բարիքն անհուն.

II

Լույսի հրճվանքը տվեց երկնքին,
Կապույտ ծիծաղը ծովին ծավալեց,
Ճերմակ ժպիտը սփռեց ձյուններին,
Վեհության խինդը լեռներին տվեց,
Դաշտերին՝ կանաչ ժպիտը գարնան,
Դալարայլը տվեց հավք ու հովերին,
Հողին՝ բերկրանքը տվեց մայրության,

Սիրո խայտաճաշքը տվեց ամենքին,
Ու բոլոր վարդերն իր ուրախության
Շաղ տվեց այսպես նորաստեղծ երկրին:

III

Բայց վշտի փուլը իրեն մոտ թողեց՝
Ու չէր իմանում ում բաժին հաներ,
Ով ուներ մի սիրտ այնքան լայն ու մեծ,
Որ վշտի խայթը անխռով տաներ:
Ու խորհեց խորին արարողը մեծ
Եվ անտեսորեն երկրում թափառեց.
Տեսավ ցնծում է սիրտը հավքերի,
Խենթ համբուրում են գաղաններն իրար,
Ու նրանց տվեց խայթը ցավերի՝
Ջրելով նրանց խինդը խելագար:
Եվ իսկույն աշնան տերևների պես
Յավից սգացին հավք ու ծաղիկներ
Ու կակաչների սիրտը սևացավ,
Այն օրից իրենց լեզուն կորցրին
Ու դեռ նետում են կաղկանձով անբառ
Գաղաններն իրենց անեծքը լուսնին:
Եվ դժաց նրանց արարողն ասես
Նայելով երկրի խրոխտ լեռներին,
Լեռները, ասաց, հզոր են ու վեհ,
Գոռոզ է նրանց կեցվածքն իմ աչքին,
Թող քիչ խոնարհվեն ու խորհեն ինձ պես,
Ասաց ու վիշտը տվեց լեռներին:
Եվ հառաչեցին լեռները ցավից,
Անեծք ժայթքեցին հրաբուխներով,
Յավից լանջերին խոցեր բացվեցին
Դարձան անդունդներ ու խորանալով
Այն սեղ լեռների տանջանքը լացին,
Եվ արցունքները գետերի փոխված՝

Իբրև լեռների լեզուն փրփրած՝
 Նոցված լեռների անեծքն են լալիս,
 Իսկ գաղաթներին ձյունն հավերժացած
 Սառած արցունքն է, որ ցած չի գալիս:
 Գթաց լեռներին ալարողն ու մեծ
 Ցավն առավ՝ անհոգ դաշտերին տվեց,
 Վերքեր բացվեցին դաշտերի կրծքին,
 Եվ հառաչեցին դաշտերը դարեր
 Ու դեռ մնում են նրանց վերքերից
 Անապատները որպես սպիներ:
 Գթաց դաշտերին ալարողը մեծ՝
 Մռայլ նայելով ծովի ծիծաղին,
 Առավ վշտի շանթն ու ծովը նետեց,
 Ու ծովն անդնդից ելավ կատաղի,
 Մինչև աստղերը ծառս եղավ ցավից,
 Այնպես ծառս եղավ, որ ալիքների
 Մատները կարծես աստղերն հանեցին՝
 Որպես երկնքի աչքերը անգութ,
 Որ նույնպես լացին...
 Այնպես ծառս եղավ, որ հաստակներից
 Քարացած արցունք՝ ավազն երևաց,
 Դարեր մոլեգնեց ու հետքը ցավի
 Ալիքների մառ կնճիւղ մնաց՝
 Եղծելով չքնաղ կրեսը ծովի:
 Ծովին էլ գթաց ալարողը լուռ,
 Ցավն առավ ծովից՝ երկնքին տվեց,
 Ամպերով գոռաց երկինքը զարհուր,
 Ցավից անձրևը կարկուտի փոխվեց,
 Անեծք կայծակեց ու լացեց անհույս,
 Ու մնաց լուսինն աչքում երկնքի
 Որպես մի շիթր սառած արցունքի.
 Իսկ հավերժական ցավից հալածված
 Աստղերն այն օրից ասուպներ դարձած
 Թռան ու մեռան իրար գրկի մեջ,

Եվ դարեր ցավը երկնքում մնաց՝
 Յրեց աստղերի դաշնությունը պերճ:
 Ու ցավն առնելով արարողն էլի
 Խորհում էր՝ ո՞ւմ տար, որ դեթ մի դիշեր
 Անխռով տաներ պարգևն ահալի,
 Որ, ավա՞ղ, ինքն էլ չէր կարող տանել:
 Սոսկաց, թե ցավը կմնա իրեն...
 Ո՞ւմ տար այս անգամ՝ խորհում էր, նայում,
 Երբ տեսավ մոտիկ հովտում՝ տարուրեն
 Ժպտում էր մարդը՝ վագրի ճանկերում...
 Տեսավ խաղաղվեց խռովյալ ոգին,
 Եվ ասաց՝ լոկ սա՛ կարող է տանել,
 Ու մարդուն տվեց վիշտը երկրային
 Եվ ինքը թեթև սլացավ եթեր...

IV

Եվ ծնվեց մարդու դեռ վայրի սրտին
 Ցավի զգացումն և ահը մահվան,
 Եվ մարդն այսուհետ խեթ նայեց վագրին՝
 Սրելով աչքը ժանիքի նման:
 Այդ ցավն էր մարդու աչքերը բացեց,
 Եվ մերկ ուղեղը զգեցած ահով՝
 Զգաց, որ մա՛հն է վիշտն ամենամեծ
 Եվ կռվի ելավ մահվան դեմ մահով,
 Գերեզմանի դեմ դնելով մանկան
 Ոսկի օրոցքը՝ իր հույսն օրորեց,
 Իր մահը դարձրեց գոյի հոլովում
 Ու սերնդաշար ապրեց վերստին՝
 Տանելով դժնի վիշտը մոր մահվան,
 Դիմացավ որդոց անհետ կորստին,
 Տարավ դառնանուշ տանջանքը սիրո,
 Տոկաց բնության խուլ աղետներին,
 Ու լցված կյանքի ծարավուտ սիրով՝

Դիմացալ այրող վերքերի ցավին,
 Բայց իր թույնի հետ վիշտն էլ մեղր ունեցի:
 Եվ առագաստը բացեց մտածման
 Վիշտը՝ մեծ դայակն իր մանուկ մտքի,
 Վիշտը, որ դարձավ հույսի օթնան...
 Ու երբ նորախոհ մարդը մի վայրկյան
 Առաջին վիշտը հույսի մեջ խեղդեց,
 Ոգին հիացքով հայտնվեց անձայն՝
 Գոյության կովի ցավերն էլ տվեց.
 Բայց մարդը կրա՛կ պոկեց ժայռերից՝
 Լույսի ծնունդով ցավերը մեռցրեց,
 Ու կենաց պտուղն հանապազօրյա
 Իր տառապանքի անտառում գտավ,
 Ու ոգորանքով հաղթեց ա՛յն վշտին,
 Որից խուկիան մամոնտը կորավ...
 Եվ դարեր ծխաց սիրտը մարդկային,
 Լցրեց տիեզերքն իր վշտի ծխով,
 Բայց չկորցրեց իր հույսն աստղային
 Եվ իմաստությամբ իր նորաբողբոջ
 Դարեր գուպարեց իր նմանի դեմ,
 Որ լուծ էր դարձել իր բյուրո ուսերին....

V

Բայց անագորույն ոգին նորից նոր՝
 Մարդու մեջ քամեց գետերով պղտոր
 Իր տիեզերքի ցավերը բոլոր,
 Եվ հրամայեց ապա մայր հողին,
 Որ մարդու առջև բարիք չփռե,
 Եվ անապատի փոխվեց տխրագին
 Մարդու աչքի դեմ՝ դաշտը զմրուխտե...
 Բայց ինչքան շատ է մարդն իմաստնանում՝
 Իր ցավերն այնքան հեշտ է դարմանում:
 Ու մարդը խորհեց և մառ դաշտերից

Փախած գետերը ձորերից հանեց
 Եվ անապատված դաշտերում սփռեց՝
 Եվ գինի քամեց դաժան դաշտերից
 Եվ մեղրագետեր քրտնքով քամեց,
 Եվ դժնատեսիլ հոգսերով ելավ
 Պեղեց ծովերը, լեռները պեղեց,
 Աստծո թաքցրած գանձերը գտավ
 Ու մտքի ձեռքը աստղերին մեկնեց՝
 Եվ լուսնի վրա մահեր նշմարեց
 Եվ կյանք նշմարեց աստղերի վրա,
 Եվ մահվան ահից՝ իմաստնանալով՝
 Գտավ հյուլեի հոլովումն անմահ,
 Շարժմունքն անընդմեջ ու դարե՛ր խորհեց,
 Զգաց, որ երկու անգամ չի կարող
 Անցնել նույն ջրով նույն գետի՝ անցնող,
 Զգաց, որ մահը և կա և չկա,
 Որ նյութն ինքնագո շարժվում ինքն իրեն
 Մեռնում, և հրա՛ջ՝ ծնվում է նորեն,
 Որ ոչ թե աստված ստեղծեց մարդուն,
 Այլ մարդն է ահից ստեղծել աստծուն,
 Դարերի միջևում իր խարխափանքի
 Նյութին անգլխակ՝ նա երկնեց ոգի,—
 Մարդը, որ ծնվեց ծովափնյա տիղմից
 Ու դարձավ միակ խոհը բնության,
 Կռահեց, որ հողն է աճյունն արևի
 Եվ եղե՛լ է, կա՛, անստեղծելի՛,
 Ու անեղծելի՛ ու դարեր խորհեց
 Եվ իմաստությամբ իր լուսաբողբոջ՝
 Իր արցունքի պես սրբելով ընկճեց
 Իր ցավերի հետ ցավերն ընկերոջ,—
 Եվ կործանելով իր մեջ գաղանին՝
 Նա իր մեջ զգաց երազներ վսեմ,
 Հույսը դարձնելով իր սպեղանին՝
 Անցավ ցավերի ճամփեքը դժխեմ,—

Եվ աստծուց հզոր՝ ինքն էլ արարեց
Չեղած հրաշքներ աշխարհի վրա,
Իր արարչության խնդությամբ խեղդեց
Մարդը բոլոր դարեր բոլոր ցավերն իրա,
Մարեց կրակով իր ստեղծագործ՝
Ցավերի ծովը իր մի բուռ սքողում
Եվ տիեզերքում լույ մարդը՝ անեղծ
Վշտին հաղթելով՝ դարձավ իմաստուն։—
Այդ աշխատանքն էր, որ ինչպես դարբին
Կռեց ու կռփեց հոգսերի սալին
Բիրտ անբանից մարդ ու մարդուց աստված՝
Գազանի ճանկից մինչ աստղերն հասած...

VI

Եվ վերջին անգամ ոգին հայտնվեց
— Դու, ասաց, մարդուն, վշտին հաղթեցիր
Ժառանգիր ահա տիեզերքն իմ մեծ,
Քո մտքի թագով իր արքան դարձիր.
Վշտին հաղթողը՝ իշխա՛ն է՝ խինդի,
Իշխիր գաղտնալից տիեզերքն համայն,
Ինքդ ստեղծիր հողը դրախտի
Եվ սնիր, որ հա՛ր վայելես նրան,
Որ վշտիդ գետերն էլ չծովանան.
Եվ ինչ որ քո դեմ գաղտնիք թողեցի՝
Պեղիր տիեզերքն՝ հայտնություն դարձրու,
Դու՝ հրաշքներիս հրաշքն իմաստուն,
Թող վիշտ ու խինդդ անբաժան լինեն՝
Ինչպես կակաչի կարմիրն ու սևը
Եվ թող հավիտյան ախոյան՝ բախվեն
Վիշտն ու խինդը քո՝ քո մահն ու սերը
Եվ թող հույսերս քեզ ապավինեն
Եվ թե արտասվես՝ թող քո արցունքից
Գոհար խաղողի ողկույզներ ծնվեն,

Թող նո՞ր հրաշքներ ծնվեն քո ձեռքից...
 Եվ իմաստնացած կգնաս այդպես
 Դարերի անտես սանդուխքով կենես
 Դեպի կատարը կատարելության,
 Որ քո՛ նմանի վիշտն էլ ճաշակես
 Ու նոր լինես մարդ ու ծաղկես որպես
 Ագնիվ խտացվածքն ահեղ բնության՝
 Հասնելով ոգու ներդաշնակության:
 Իսկ ծաղիկներից՝ շունչն անմահության,
 Որպես նոր գինի, իցիվ դու գտնես,
 Ըմպես, որ չիջնես ձորը ծերության,
 Որ կյանքով լցվես ու նորից ելնես
 Կանաչ սարերը քո պարմանության,
 Որ տիեզերքում լուկ ինքդ լինես
 Հավերժ տիրակալն հավերժ բնության...
 Եվ լոեց հավետ...».

Ու մարդու սրտի

Հովիտներն իջավ, ընկնող աստղի պես,
 Մարդո՞ւն թողնելով սանդուղքն աստղերի...
 Ու մարդն հասկացավ անբարբառ լեզուն
 Մե՞ծ իմաստության ու տիեզերքի:
 Ու ողջ բնությունն ապշեց մարդու դեմ,
 Ծովերն աչք դարձան մարդու դեմ ապշած:
 Որ դարեր ահա մնացել են բաց,
 Երկնակամարն էլ հոնքն է վեր քաշված
 Հավիտյան ապշած մայր տիեզերքի
 Արեգակնաբիբ կապուտակ աչքի...

VII

Բայց իմաստնացած մի պարմանի պես
 Մարդն էլ իրենուլ հիացավ կարծես,
 Ու մեծ տենչանքի ու կրքի ճամփով
 Ելավ փնտրելու իր ստեղծողին,

Տիեզերախուլզ մտքով թափառեց,
Հյուսիսից հարցրեց, հասավ աստղերին,
Հաղար մի չեղած հրաշքներ երկնեց
Ու ձգտեց հասնել իր ստեղծողին,—
Պեղելով նրա առեղծվածը մեծ...
Կանխածեց, հուսաց ու դարհր փնտրեց,
Ու աչքն աստղերից ուղղեց արևին՝
Դեպի լուսեղեն հրաշքը ձգտեց՝
(Իր վայրի քարայրն հավիտյան թողած
Այն վաղնջական խավարի հովտում
Անբան գաղանին՝ լեզուն կորցրած...)
Իսկ բարձունքներում՝ լույսերով լցվեց
Դեռ վշտի սափոր սիրտը մարդկային
Սրևի ճամփին, ուր դարեր փնտրեց,
Ու երբ չդտավ՝

Այն բիբլիական

Հարդազողն արած իր մտքի ճամփան,
Ու երբ չդտավ՝ ելավ նորախոհ՝
Էլ չապավինեց նա ոչ մի աստծո
Ու ոչ մի հոգու, սր իբր ահի
Տեսիլն էր անգո՝ այս տիեզերքում.—

.

Այն ինչ նիրհում է աստված՝ իր հոգում...

1944 թ.



ՄԱՐԿԱԿԱՄԱՆ



ՆԱՊՈԼԵՈՆԻ ՓԱԽՈՒՍՏԸ ՌՈՒՍՍՍՏԱՆԻՅ

(Վ. Հյուգոյից)

Ձյուն էր գալիս և հաղթության երեկվա երթը *փլվեց*,
եվ առաջին անգամ գլուխն արծիվն ահով խոնարհեց,—
Օ՛, ի՛նչ օրհաս, շարժվում է կայսրն ահա գլխահակ՝
Թողնում Մոսկվան բոցերի մեջ...

Թափուր թողնում փառք ու թագ,—
եվ ձմեռն է իջնում երկրին, ոռնում է բուքն ամեհի,
Դեմը դաշտերն ալեկոծվող, նորից դաշտեր ամայի.
Յրվել է զորքն ու չկա թև, չկա կենտրոն, զորասյուն,
Մարշալները չեն երևում և դրոշներ չեն ծփում,—
Երեկ բանակ էր ահռելի, այսօր՝ նախիր մի ցրված,
Ընկնող ձիու փորն է մանում զինվորը խեղճ ու սառած,
Ձյունը գալիս համր և հորդ՝ լքված ճամփեքն է ծածկում,
եվ քայլում է զսրավարը՝ իր մահն սառած հայացքում,
եվ մերթ ընդ մերթ պահակները ելնում էին դեմն իրա՝
Սառել էին շրթունքներին շեփորները պղնձյա,
Դեռ ձյունի մեջ շաչում էին ումբերը մեկ առ մեկ,
Փախչում էին կայսրի հետ իր համհարզներն ահաբեկ,
Կրծում էին սառած բեղերն ու սովատանջ՝ հառաչում,
Ընկնում էին գրենադեր հեգ զինվորներն ու սառչում,—
Խուճապում էր կայսրն այսպես ու փախչում էր տխրագին,
Ձյունը ծեծկում դեմքը դալուկ, մորեզնում էր ցուրտ քամին՝
Փախչում էին ցաք ու ցրիվ՝ կարոտ շունչին հարավի,—
Ռազմիկներ չէին արդեն՝ ելած ահեղ արշավի,

Այլ անծանոթ երկնքի տակ սև տեսիլներ լողացող,
 Կամ թե ամպեր հալածական՝ խավարի մեջ խարխափող.
 Փախչում էին, չէր վերջանում տափաստանը ցուրտ ու մութ՝
 Հետևում էր կայսրին՝ որպես վրիժառուն իր անգութ...
 Եվ ամպադեմ ձյունն էր իջնում ու ձեռքերը խոլ բուրի՝
 Սեղմում էին կոկորդը դեռ այն ահաբեկ բանակի.
 Ու ամեն ոք՝ ձյունների մեջ՝ մահն էր զգում մոտալուտ
 Եվ մենակ էր զգում իրեն հորդայի մեջ հորձանուտ,—
 Կարո՞ղ էր գեթ մեկն ազատվել այս դժոխքից տարածամ,
 Թշնամիք են ցուրտն ու ցարը, ցուրտը ցարից էլ դաժան,
 Կո՛րչի գեներ... ու խարույկի կրակի են կարոտում,
 Ձյուն գալիս, քաղցը նրանց կորովն ու կամքն էր լավում,
 Եվ հյուծվում են, ծունկն է ծալվում, բայց կանգնողը կկորչի,
 Ինչպես տերև՝ սառույցի տակ՝ մինչև գարուն կսառչի...
 Փախչում էին ու խժռում էր որովայնը անհուն ձյան՝
 Արդեն բեկորն այն բանակի՝ գոռ դնդերը ոռնածայն,
 Եվ աստ ու անդ ձյունի տակից ցցվում մի ձեռք մարդկային՝
 Կարծես անհույս հրաժեշտն էր տալիս փախչող արքային,
 Կամ զորքին էր կանչում դեպի մահ հովանին իջնող ձյան,—
 Օ՛, դու օրհաս հաննիբալյան, դու Աթիլի դատաստան...
 Զարկվում են՝ իրար բախվում փախչող կառքերն ու մարդիկ,
 Անցման պահն է, դժոխքն է դա՝ ամենքին մահն է մոտիկ,
 Ֆուրգոնները փշրվում են՝ հանկարծ իրար բախվելով,
 Բուքն է իսկույն նրանց ծածկում՝ ինչպես ամփին ելնող ծով,
 Եվ հազարներ՝ ձյան մեջ սուզվում, ելնում հարյուր սուվերներ,—
 Օ՛, դու օրհաս հաննիբալյան, ո՞ւր երեկվա փառքը ձեռ...
 Իրբեմն ահա մարշալ Նեյր ճեղքում ձյունը դաշտերի՝
 Փրկում ժամերն ու իր կյանքը, նահանջում է օր-օրի,—
 Մակայն ահ կա ամեն դիշեր՝ տափաստանը ցուրտ ու մութ
 Զի վերջանում նրանց առջև, նա թշնամին է անգութ,
 Եվ փախչում էր զորքը ցրվով, համհարզները թև-թևի՝
 Ձգած զենքերն արյունաժոր՝ մոռացած փառքը կովի՝
 Տանում էին կայսրին հոգնած...

Այն ինչ՝ մթնում՝ մերթ ընդ մերթ

Պայթում էին դեռ կարտեզներն ուսական արկի հետ,
Տեսնում էին փախչողները՝ հետապնդող թշնամու՝
Մորուքները անտառներից, կաղակի տեգն ահարկու,
Ու թվում էր՝ գալիս էին անտառները դեռ բուքով՝
Ու փախչում էր մահախուճապ գորքն ահավոր շշուկով,
Ետ չէր նայում կայսրն ահից և չէր դրոշ ծածանվում,
Օ՛, հիրավի, որ մահազարկ գոռ բանակն էր կործանվում...

1941 թ.

ԴԱՇՈՒՅՆ

(Լեռնոց ուղից)

Քեզ այնքան եմ սիրում, օ՛, դաշույն իմ կեռ,
Լուսավոր ընկեր իմ, դու ընկեր իմ սառ,
Մտածկոտ վրացին քեզ սիրով կռել,
Չերքեզն է քեզ սրել՝ իր կովի համար...

Քեզ ինձ է նվիրել ձեռքն այն ձյունագույն՝
Իբրև վառ հիշատակ՝ բաժանման պահին,
Քեզանով դեռևս չի հոսել արյուն՝
Այլ սիրո արցունք ես տեսել տակավին:

Ու դեռ սև աչքերը՝ մերսված իմ դեմքին՝
Ինձ նման համակված վշտով աղեկեզ,
Ինչպես քո պողպատը՝ թռչող կրակին՝
Մեկ հանկարծ վառվում են, մեկ հանդշում կարծես...

Դու սիրուս ուղեկից, լուռ գրավական,
Թող չառնի օրինակ օտարը քեզնից,
Ես հոգով կմնամ դեռ անապական
Ինչպես դու, պողպատյա դաշույն իմ անբիծ:

1938 թ.



(Հատված)

Մոսկվա՛, Մոսկվա՛, սիրում եմ քեզ որպես որդիդ,
Որպես ուս, բոցավառված, քնքուշ սիրով,
Եվ գարո՛ւնդ և սրբազան հյուսքը ձյունիդ,
Եվ այս Կրեմլն ատամնաբուրգ ու անխռով:

Իզուր խորհեց Տիրանը չար՝ չափվել գլխով
Ռուսական հազարամյա հսկայիդ հետ,
Եվ քեզ ընկճել խաբեությամբ իր նենդավոր,
Բայց նա ընկա՛վ, դու խոյացար որպես մի բե՛րդ,
Տիեզերքը լոեց և դու նո՛ր վեհությամբ
Մեր փառքերի ժառանգորդն ես ու կենդանի,
Եվ սրբազան ամեն մի քարդ՝ ցողված արյամբ՝
Սերունդներին նվիրական ավանդ է մի...

1942 թ.

ԿԱԼԱՇՆԻԿՈՎԻ ԵՐԳԸ՝

Էյս, դու, էյս, ահեղ Իվան թագավոր,
Թող որ այս երգը հյուսենք քո մասին,
Եվ համհարզներդ մասին քաջագոր՝
Որոնք արծաթյա վառ աստղեր էին,
Իսկ դու նրանց մեջ ոսկեթագ լուսին.
Ասլա հյուսում ենք քաջ վաճառական
Կալաշնիկովի ու նրանց մասին,
Ովքեր տաղերով մեր գուլամական
Քեզ փառք են մաղթում՝ մեզ հետ միասին,—
Մեր տաղն հյուսում ենք վաղեմի հանգով՝
Տավիղի հնչեղ լարերի վրա,
Եվ անմահ սիրո վաղեմի երգով,—
Ձվարճանում է ժողովուրդն ահա.
Իսկ աղնվազարմ այն Մոնղալսկին՝
Մեղը է մատուցում մեզ ոսկեգավաթ,
Իսկ նրա կինը փրփրամարմին
Ձեռին լուսնաձև սկուլթեղն արծաթ՝
Մեզ սրբիչ տվեց՝ նախշը մետաքսյա,
Եվ մենք երեք օր ու երեք գիշեր
Տավիղներն առած մեր կրծքի վրա՝
Նրդենք պիտի փառք, և արցունք, և սեր...

ԵՐԳ ԱՌԱՋԻՆ

Ձի շողում դեմքը ալ-արեգակի
Եվ չեն նրանով ամպերն հիանում...

Ահա դնելով իր թագը ոսկի՝
 Ահեղ այն արքան սեղան է նստում,—
 Եվ համհարզները շարվում են կողքին,
 Դեմը բազմեցին բոյարներն ամեն
 Եվ քեֆը բացեց արքան ցնծապին՝
 Որ փառքի փայլով գավաթներ քամեն։
 Եվ հրամայեց ահա սեգ արքան,
 Որ լիքը լցնեն անապակի գինով,
 Եվ խմեն՝ երգով հին գուսանական՝
 Առաջին գավաթն աստծո անունով։
 Եվ լցնում էին ամենքն ու խմում
 Ի փառս աստծո և ի փառս իրա,
 Եվ խմում էին ու փառաբանում
 Իրենց այն ահեղ արքային անմահ։
 Բայց միայն մեկը այն համհարզներից՝
 Կատաղի կտրիճ մի ջահել ու պերճ
 Հեռու էր կանգնել ոսկյա գավաթից,
 Զէր թըջում բեխը կարմիր գինու մեջ՝
 Նա սև աչերը գցել էր գետին,
 Գլուխը թեքել լայն կրծքի վրա,
 Եվ սրտում գաղտնի մորկվում էին
 Ամենքին անհայտ տենչերը նրա։
 Բայց ահեղ արքան նրան նկատեց,
 Կիտեց հոնքերը՝ կտրիճի վրա,—
 Ասես երկնքից սև բազեն նայեց
 Վայրի դեռահաս աղավնու վրա։
 Կտրիճն անտեղյակ մնաց գլխիկոր,
 Եվ մութ աչքերը չբարձրացրեց,—
 Երբ որ զայլացած արքան մեծազոր
 Կուռ գավազանով հատակին խփեց,
 Խփեց ու ճեղքեց հատակը կաղնյա,
 Ահեղ որոտաց ամպի պես մթին,
 Եվ բարի կտրիճն շթափվեց ահա,
 Բայց թագավորը մոռաց կրկին.

— Հէ՛յ, հավատարիմ, իմ բազկի ծառա,
 Հէ՛յ դու իմ կտրիճ կիրիբէկիչ,
 Ինչո՞ւ է չոքել ամպը քեզ վրա,
 Ինչո՞ւ չես խմում, թե՞ գինիս է քիչ,
 Թե՞ չար մտքով ես դու իմ դեմ թախծում,
 Թե՞ ձանձրացել ես զենք ու զրահից,
 Թե իմ փառքին ես դադանի նախանձում,—
 Փառքիս, որ երկրում բարձր է իմ գահից:
 Գիտե՞ս, որ երբ սեզ լուսինն է ծագում՝
 Ուրախանում են աստղերը համակ,—
 Զէ՞ որ աստղերին հեշտ է՝ երկնքում
 Կռվել մոլթի դեմ՝ լուսնի լույսի տակ...
 Իսկ որը ամպի մեջ է թաքնվում՝
 Կորցնո՞ւմ է ճամփեն իր պայծառահես,
 Ու դու իմ քեֆից հեռու ես փախչում,—
 Իմ բարի կտրիճ, անվայել է քեզ»:
 Եվ պատասխանեց այն կտրիճն ահա,
 Ահեզ արքային խոր գլուխ տալով.
 — Թագավոր դու մեր, հավիտյան անմահ,
 Սիրտս մի խոցիր ինձ նախատելով.
 Անբախտ է կտրիճ սարովդ անարժան,
 Եվ վիշտս երբեք չես խեղդի գինով.
 Քեզ զայրացրեց իմ տեսքը դաժան,
 Հրամայիր՝ ինձ գլխատեն կացնով:
 Կտրեն գլուխս, որ դյուցազնական
 Ուսերիս վրա կապար է դարձել,
 Եվ կոացել է դեպի դերեզման
 Եվ հույս ու աշխարհ, ողջը մոռացել»:
 Ապա հարցրեց թագավորն ահեզ.
 — Բայց ի՞նչ բանից է սիրտդ վշտանում,—
 Հո չի՞ ծանրացել քո զրահն շքեղ,
 Հո չի՞ քո դալար ձեռքը թուլանում,
 Հո չի՞ քո ամաստ սուրը կուրացել,
 Հո չի՞ վիրավոր՝ կաղում քո հուր ձին,

Կամ քեզ հո կուլում գետին չի* գցել
 Վաճառականի թափառիկ որդին...:
 Եվ կտրիճն այսպես տվեց պատասխան
 Շարժելով գլուխն իրա գանգրահեր.
 — Զի ծնված ձեռքը այդ կախարհական,
 Որ սուրս խլած՝ ինձ գետին զարկեր
 Դեռ սեղ արծիվ է հրեղեն իմ ձին,
 Եվ զրնգում է զրահն ինձ վրա,
 Սուրս շողում է՝ ինչպես ապակին,
 Դեռ վայելում եմ ես փառքը նրա:
 Կապում եմ դեռ իմ մետաքսյա գոտին.
 Թավջյա գլխարկը ճակատիս թեքում,
 Եվ հյուր եմ գնում Մոսկվա գետին՝
 Դեպի այն ափն եմ ձիս ասպանդակում
 Եվ ման եմ գալիս այն կանաչ արիւն,
 Ուր միշտ դուրս գալով դարբասների մոտ
 Աղջիկներն ինձ են նայում խնդազին
 Իվ փսփսում են, խոսում ծիծաղկոտ...
 Գիտեմ՝ ինձնով են նրանք հիանում
 Եվ ո՛չ նժույգով իմ եղնիկառտ,
 Բայց միայն մեկը՝ ճամփես չի պահում,
 Զի նայի, թեկուզ մեռնեմ նրա մոտ...
 Մեր հայրենիքում այս հնամենի՝
 Ռուսաստանում սուրբ ու սրբազան
 Նրա նմանը չկա, չես գտնի,—
 Դրախտի մեջ էլ տենչում են նրան:
 Քայլում է, սահում կույս կարապի պես,
 Նայում է քաղցր, ինչպես աղափնյակ,
 Իսկ երբ խոսում է, սոխակն է կարծես,
 Վարդ են այտերը և վարդ և կրակ:
 Ոսկե հյուսքերը ուներից իջնում
 Եվ համբուրում են կուրծքը սպիտակ,—
 Մնվել է նա մի ծեր ու դողդոջուն
 Վաճառականի հարուստ հարկի տակ,

Եվ Ալինա են ամենքը կանչում,
 Ու նա է, նա է, իմ վիշտս միակ,—
 Հենց որ տեսնում եմ հանկարծ ես նրան՝
 Ինքս իմը չեմ՝ սիրո մշուշից
 Հուռ սևանում են աչքերս վառման,
 Ծունկս թուլանում, ընկնում եմ ուժից,—
 Ահա թե ինչո՞ւ չեմ խմում գինին
 Ու ձանձրալի է թվում ամեն բան...
 Ինձ չեն կախարդում ոչ կայծակ իմ ձին,
 Ոչ էլ ծիրանին իմ իշխանական,
 Էլ հարկավոր չէ ինձ ոսկի դանձեր՝
 Ո՞ւմ հետ բաժանեմ ես դանձս ոսկի,
 Ո՞ւմ ցույց տամ բազկիս թափը անվեհեր,
 Ո՞ւմ առաջ սանձեմ հողմն իմ նժույգի,
 Ո՞ւմ համար քաշեմ սուրս կայծակող
 Եվ հալթող լինեմ կտրիճների մեջ...
 Արձակիր, արքա՝ աստվածակարող,
 Գնամ Վոլգայի տափաստանը պերճ,—
 Պարելու կյանքով մի կազակական,
 Կամ վայր դնելու գլուխս անահ
 Մահահրակաճնի նիզակի ծայրին,—
 Եվ թաթարները իմ գանգի վրա
 Կռիվ կսարքեն, կխլեն իմ ձին
 Մեկ մեկու ձեռքից և շերքեզական
 Իմ թամբի համար կկռվեն կարգին...
 Եվ այդպես հանդում անտեր կմնամ,
 Ուրուրն էլ՝ դեռ թաց աչքս կհանի,
 Պանգս անձրևը կլվա այն ժամ,
 Եվ կարոտ խնկած մի գերեզմանի՝
 Աճյունս պիտի ցրվի քամու հետ,
 Անունս էլ այդպես կկորչի անհետ...
 Բայց խոսեց արքան ծիծաղի ձայնով.
 — Հե՛յ, հավատարիմ իմ բազկի ծառա,
 Կտրիճն իր վիշտը կխեղդի գինով,

Զե՛մ ուզում վիշտը քո սրտին մնա,—
 Ահա, վերցրու իմ այս մատանին,
 Որ տվել էի ես իմ թագուհուն,
 Եվ այս մարգարտյա իմ մանյակն անգին՝
 Նախ զնա՝ խոսիր հարսնախոսուհուն,
 Նրա հետ գանձեր ուղարկիր նվեր
 Դու քո Ալինա աղջկան անսեր,—
 Եվ հենց որ առնի նա քո մատանին,
 Եվ հենց որ սիրեց՝ հարսանիք արա,
 Իսկ թե չսիրեց, է՛, քարը գլխին,—
 Հեծիր նոսրագու, ուրիշին զնա...»։

Էիս դու, Էլս, բարի Իվան թագավոր,
 Խաբեց խորամանկ քո ստրուկը քեզ,—
 Ճշմարտությունը թաքցրեց նա խոր,
 Նա քեզ շհայտնեց, որ գեղեցկուհին
 Մի վաճառական կտրիճ է սիրում
 Եվ հենց նրա հետ՝ օրենքով մեր հին
 Պսակված է քո աստծո տաճարում։

Զե՛յ, տավրիզները լարեք, գուսաններ,
 Զե՛յ, խմեք գինին, պարեք այր ու կին,
 Հասկացեք բանը, խմեք տղաներ,—
 Է՛յ, հե՛յ, գուսաններ, շունչ տվեք երգին...

ԵՐԳ ԵՐԿՐՈՐԴ

Հսկա խառնութում նստած է տխուր
 Զահել, թիկնավետ, բայց դալուկ դեմքով
 Պարամոնովիչ Ստեփանը լուռ,—
 Որին կոչում են և Կալաշնիկովի
 Կանգնեց, դուրս նայեց և ապա լռին
 Նա դասավորեց մետաքսները բաց,
 Քաղցր ձայնելով նա անցորդներին

Ուղեց իր դահձով կախարդել նրանց՝
Հաշվելով շուռլ արծաթն ու ոսկին,—
Բայց օրը չար էր, ու նրա դռնով
Չէր անցնում բարին ու ներս էր մտնում...
Եվ բոյարները անցնում անխռով՝
Ներս չէին մտնում ու օրն էր մթնում:
Արդեն հանգել էր սուրբ տաճարներում
Ժամերգությունը իջնող իրիկվա
Եվ վեհ Կրեմլի բուրգի ետևում
Վառվում է միդոտ վերջալույսն ահա,
Նրկինքն են պատում ամպերը մթին,
Եվ բուքն է նրանց քշում աղմուկով,
Եվ խանութները փակվում են լոին,
Եվ տուն են գնում տերերն անխռով:
Կալաշնիկովն էլ փակում է անձայն
Ահա խանութը իրա կադնեգուռ,
Մռայլ քրթմնջում մտքում ինչ-որ բան
Ու տուն է գնում ահա նա տխուր:
Այնտեղ դեռատի կինն է սպասում՝
Մոսկվա գետի այն ափի վրա,—
Եվ ահա, ահա նա տուն է հասնում
Ու ներս է մտնում դարբասից նրա:
Բայց դեմքին սառը զարմանքը պատեց՝
Այն ջահել ու քաջ վաճառականի՝
Չերևաց կինը, չդիմավորեց,
Չփռեց ճերմակ սուփրեն սեղանին,
Եվ մոմն էլ վշտից հազիվ է վառվում
Սրբի դալկադեմ պստիկերի առաջ,
Ու տունը մի լուռ դամբան էր թվում՝
Երբ չկար չքնաղ կինը կապուտաչ:
Կտրիճը կանչեց ծեր սպասուհուն,
Պառալն հայտնվեց ստվերի նման:
— Ո՛ւր է գնացել բարի հարսնացուն,
Ո՛ւր է իմ կինը, ո՛ւր է Ալինան:—

Նա այս ուշ ժամին ո՞ւր է թաքնվել,
 Որ մանուկները աղմուկ ու խաղից
 Հոգնել են վաղուց ու վաղուց քնել,—
 Եվ դուցե սոված՝ կարոտ մոր կաթից:
 — Տեր իմ,— պառաւլը ահով շշնջաց,
 Նա մի ժամ առաջ ժամ էր դնացել,
 Ահա տերտերն էլ վաղեց, տուն դնաց,
 Բայց իմ տիրուհին չի վերադարձել:
 Ու երեսեքը լալիս են, լալիս,
 Ու մայր են կանչում, ու մայրը չկա,
 Պառկեցնում եմ, քունը չի գալիս,
 Ախ, աստված, գլխիս ի՞նչ ձյուն սլիտի դա:
 Շփոթվեց մի պահ ու մթնեց մեկից
 Այն երիտասարդ վաճառականը,
 Եվ կյանքը կարծես չքացավ դեմքից
 Եվ սուգվեց նա մութ մտքի օվկիանը:
 Մռայլ մոտեցավ նա պատուհանին՝
 Դրսում չոքել էր գիշերը խավար,
 Թափվում էր ձյունը՝ ծածկում մարդկային
 Դաժան կրքերի հետքերն անհամար:
 Բայց ահա լավեց մի խուլ ոտնաձայն,
 Ասես հովն անցավ ու ջահը վառվեց,—
 Եվ ինչպես անհայտ վշտի ուրվական
 Սրահում հանկարծ կինը հայտնվեց:
 Կինը՝ ալլալված ու չկար դիտին
 Գլխաշարը խոս՝ մետաքսը նրա,
 Ինչպես արծվից փախած աղավնին
 Հետո էր ասես, ու դողում էր նա.
 Մազերը՝ ցրիվ, աչքերն ահառած
 Խելակորույս էր հայացքն ամեհի,
 Եվ շրթունքները ահա կարկամած,
 Շրշացին բռներ անհասկանալի:
 — «Ո՞ւր էիր, գոչեց մարդը զայրապին,
 Թափառում էիր, բայց ո՞ւմ հետ, ասա,

Որ տունն ես գալիս դու այս ուշ ժամին,
 Մազերդ քանդած՝ ուսերիդ վրա:
 Թե՞ ազնվական կտրիճներն առած
 Ման էիր գալիս, գուցե բա՛խտ ճարում,
 Դրա համար չէ՛ր, որ աստծո առաջ
 Մենք սլսակվեցինք աստծո տաճարում:
 Սակայն քեզ հիմի՝ հինց դրա համար,
 Կդնեմ մթին ղնդանը խավար—
 Կփակեմ նրա կաղնյա դռան տակ,
 Որ էլ աստծո լույսը չտեսնես.
 Կդնեմ վրան երկաթե փականք,
 Որ ազնիվ անունս էլ չմրտես...»:
 Եվ կինը ճշաց, աչքերն ամուսնու
 Թվացին՝ իր դեմ՝ դաշույններ սրված,
 Ի՞նչ նա ընկնելով ոտները մարդու
 Դռնն արտասուվելով խոսեց այլայլված,—
 — Տեր իմ, արև իմ, դու տեր իմ անդին՝,
 Սպանիր դու ինձ, կամ լսիր մի պահ,
 Խոսքիդ դաշույնով մի խոցիր դու ինձ,
 Չեմ վախում մահից, չեմ վախում դրսի
 Բամբասանքներից չար ու արնախում,
 Քո կլինն անմեղ է, ինձ մի բամբասի,
 Անողորմ ես դու, քեզնից եմ վախում:
 Բայց լսիր մի պահ, կարեկցիր սիրուց,
 Զի ստում լեզուն իմ անմեղապարտ,
 Տունն էի գալիս մայր եկեղեցուց,
 Երբ հտեիցս զիլ սուլեց մի մարդ,
 Ետ դարձա՝ ահից ծունկս թուլացավ,
 Ծածկեցի դեմքս իմ դլխաշորով,
 Բայց չարագուշակ նա ինձ մոտեցավ,
 Եվ այսպեմ ասավ՝ ձեռքս բռնելով
 — Ինչո՞ւ ես վախում, իմ դեղեցկուհի,
 Ոչ գող եմ ես չար, և ոչ մարդասպան,
 Բարի ծառան եմ ահեղ արքայի,

Կիրթիբեհիչն եմ ազնւրմական...»
 Բայց ես ամէլի վախեցա, իմ տեր,
 Գլուխս ահից պտտվեց, երբ նա
 Սկսեց բռնի շոյել, համբուրել,
 Եւ այսպես խոսեց համբուլորով իրա
 «Ասա, քեզ ի՞նչ է հարկավոր, ասա,
 Իմ սիրելի դու, դու իմ թանկագին,
 Ոսկի», մարգարիտ, ի՞նչ գանձեր, ասա
 Մետաքս ու ատլա՞ս և քարե՞ր անգին...
 Քեզ կզարդարեմ թագուհու նման,
 Ու թող բոլորը նախանձնն փառքիդ,
 Միայն՝ մի թողնի դառնամ մարդաստան,
 Մեռնեմ հանցավոր՝ սիրիւ ինձ, գրկիւ,
 Գեթ հրաժեշտի այս պահին անմեռ...»
 Եւ շոյում էր ինձ, և ինձ համբուրում,
 Այտերիւ վրա, կրակի պես դեռ
 Պիղծ համբույրների հետքերն են վառվում
 Իսկ մարդիկ, մարդիկ, թե ջահել, թե ծեբ
 Նայում էին մեզ ու չար ծիծաղում,
 Ահա հենց նրա ձեռքից եմ փախել,
 Եւ գլխաշորս, որ գլխիս չկա,
 Այն ավաղակն է իմ գլխից տարել,
 Թաշկինակի հետ քո այն մետաքսյա
 Անարգեց նա ինձ, ինձ խայտառակեց,
 Մրտեց շունը անունս անարատ,
 Հարեանները ի՞նչ պիտի ասեն...
 Էլ նրանց աչքին ի՞նչպես երեամ.
 Դու մի թողնի ինձ, քո հավատարմին,
 Պախարակելու և հայհոյելու,
 Ախ, բացի քեզնից, ուրիշ հույս չունեմ,
 Էլ ո՞ւմից խնդրեմ՝ գան ինձ օգնելու...
 Ես որբ եմ այս լույս աշխարհի վրա,
 Հարազատ հայրս հող է՝ հողի տակ,
 Եւ կողքին հիմա մայրս է հող դառնում,

Իսկ մեծ եղբայրս, ինքի լամ գիտես՝
Անհետ կորեւ է օտար աշխարհում:
Իսկ փոքր եղբայրս էլ փոքր է, երեխա,
Փոքր է, երեխա ու անհասկացող...»
Այսպես էր խոսում, ու կրծքի վրա
Գլուխը կախում, արտասովում էր նա:

Դրսում գիշերն էր խորացել լռին,
Բայց ահա մոռլլ վաճառականը
Կանչում է փոքր իր եղբայրներին,
Եվ եկան նրանք ու մեծ եղբորը
Իրենց կարոտած ողջույնը բերին.
— Հայտնի՞ր մեզ, մեր հայր՝ եղբայր մեր անգին,
Ի՞նչ է պատահել, ի՞նչ ցաւ-ուռեւ, էխ,
Որ մեզ կանչեցիր այս մութ գիշերին,
Այս մեջ գիշերին, այս բուքին ահեղ:

— Ահա, սիրելի իմ եղբայրներ,
Մի սև փորձանք է եկել իմ գլխին,
Անարգել է սուրբ ընտանիքը մեր
Կիրթեկիւ համհարզն արքայի,
Եվ այդ պիւղձ բանը հոգիս չի տանի,
Եվ չի պիմանա անգամ սիրտը քաջ,
Եվ հենց որ վաղը դռտեմարտ լինի,
Մոսկովայի ափին, արքայի առաջ,
Ես պիտի նետվեմ համհարզի վրա,
Եվ պիտի կռվեմ, խեղճ մինչև մահ,
Բայց թե նա հաղթեց,— դուք կռվի ելեք,
Հանուն սրբության՝ նրա՞ տապալեք,
Եվ մի վախեցեք, իմ արծվիկներ,
Ձեզ վրա մեղքը քիչ է սովելի,—
Աստված կների...»:

Ու եղբայրները
Պատասխանեցին զայրույթով լցված,

«Ուր եր քշում է երկնային քամին՝
Այնտեղ են շվում ամպիկներն հլու,—
Երբ թուխ արծիվն է կանչում ձագերին՝
Կուլի հովիտը՝ խնճույք սարքելու,
Լեշ հավաքելու... այն մեծի կանչին
Փոքր արծիվներն այնտեղ են գալու...
Դու մեր արծիվն ես, մեր երկրորդ հայրը,
Որոշիր դու մեր ճակատագիրը
Սրա՝ ինչ կուզես, և, ինչ էլ լինի՝
Մեր հարազատին չենք դավաճանի...»:

Հե՛յ, տավիղները լարեք, գուսաններ,
Հե՛յ, խմեք, տղերք, հասկացեք բանը,
Զվարճացրեք բարի բոյարին
Նվ բոյարուհուն իր ձյունամարմին...

ԵՐԳ ԵՐՐՈՐԳ

Նվ ոսկեգմբեթ հսկա Մոսկվայի
Նվ վեհ Կրեմլի բուրգերի վրա
Խոլ անտառներից, հեռու լեռներից,
Տանիքի տակից երկնքի՝ ահա
Ցրելով այն դորշ ամպերը, լուին
Ալ արշալույսն է շքեղ բարձրանում—
Դառնում ոսկե թագ Մոսկվայի գլխին,
Շաղ տալով ոսկի գանդուրներն իրա,
Լվացվում է լուռ ձյանով բյուրեղի
Երկնքին նայում ու ժպտում է նա՝
Ինչպես հայելուն՝ մի գեղեցկուհի:
Բայց դու, արշալույս, ի՞նչ վաղ արթնացել
Ի՞նչ մի խնդության համար ես բացվել...

Ինչպես քիչ հետո կայծակող ամպեր
Ահա Մոսկվա սուրբ գետի վրա

Լուռ հավաքվում են քաջերն անվեհեր՝
 Բռնցքամարտի և կիրականօրյա
 Տոնը խնդովթյամբ թնդացնելու...
 Եվ ահա խրոխտ ժամանեց արքան,
 Վառ շքախմբով իր համհարզների,
 Եվ հրամայեց՝ «արծաթե շղթան
 Շրջանցել միջով ոսկյա օղերի»—
 Եվ շղթայեցին, սեգ արքայի դեմ,
 Քսանհինգ սաժեն մի հրապարակ,
 Ուր մտնեն պիտի ու մենամարտեն
 Մմբոխից ելած գյուղացիներն սնհագ.
 Եվ ահա կանչեց արքան սիրաջեր,
 — Հե՛յ, հայտնվեցեք, իմ երկրի քաջեր,
 Զվարճացրեք ձեր հայր արքային,
 Հալա՛ դուրս եկեք մենամարտեցեք,
 Ես՝ գանձ ու պարգև կտամ հաղթողին,
 Իսկ հաղթվողին՝ թող աստված փրկե...»:
 Դուրս եկավ ահա Կիրիբեևիչն՝
 Ահեղ արքային խոր գլուխ տալով,
 Ցած դրեց մուշտակն հսկա ուսերից,
 Աջ ձեռով խրոխտ կողքին հենվելով,
 Ձախտով նա ուղղեց գլխարկը կարմիր,
 Եվ... սպասում էր հակառակորդին...
 Եվ երեք անգամ բարձր ձայնեցին,
 Բայց չչարժվեց և ոչ մի մարտիկ,
 Միայն հրում էր մեկը մյուսին:
 Եվ շղթայի մեջ համհարզն էր քայլում
 Եվ կտրիճների վրա ծիծաղում.
 — Է՛յ, է՛յ վախեցաք, մտքի տա՛կ ընկաք,
 Ի՛նչ ուռաներ եք, որ ետ քաշվեցիք,
 Բայց կխոստանամ՝ սուրբ երկնքի տակ՝
 Ձեզ ծառա լինեմ՝ եթե հաղթեցիք,
 Իսկ եթե ընկաք, ձեզ բան չեմ անի,
 Նորից կենդանի կթողնեմ զնաք,

Մեղքերդ քաղեք հանուն այս տոնի.
 Միայն թե մեկը ինձ հետ կույի գա՝
 Զվարճացնենք մեր սուրբ արքային.—
 Եվ լոեց քաջը, բայց շուրջը նրա
 կուռ է, նայում է մեկը մյուսին...
 Հանկարծ ամբոխը ճեղքեց, դուրս եկա՜լ
 Վաճառականը այն երիտասարդ,
 Այն քաջը վսեմ, այն կտրիճն ահա
 Կալաշնիկովը այն մռայլազարդ,—
 Կայծկլտում էին աչքերը նրա,
 Բազեի պես էր նա շուրջը նայում,
 Եվ հայացքն հառեց համհարզի վրա՝
 Ահա դանգրամազ մորուքն է շոյում:
 Եվ այսպես խոսեց Կիրիբեկին.
 — Դե, ասա, տեսնենք, ով բարի կտրիճ,
 Դու ի՞նչ ցեղից ես, ի՞նչ տոհմից ես դո՞ւ,
 Ի՞նչ են քեզ կոչում, ասա իմանամ,
 Ո՞ւմ դեմ եմ ձեռքս բարձրացնելու,
 Ում հոգեհանգիստն եմ ես անելու...
 Եվ պատասխանեց քաջը զայրալից.
 — Մարդիկ կանչում են ինձ Կալաշնիկով,
 Ծնվել եմ բարի ու ազնիվ հորից,
 Ապրում եմ արդար աստծո օրենքով,
 Ուրիշի կնոջ չեմ խայտառակել,
 Չեմ եղել մթին գիշերն ավազակ,
 Եվ աստվածային աչքից չեմ ընկել,
 Վաճառական եմ, բայց հոգով կազակ,
 Եվ ճշմարտութունն ասացիր հենց դու.
 Մեր այս երկուսից մեկն է ընկնելու,—
 Մեկիս պիտի գա մեծ հոգեհանգիստ՝
 Ոչ ուշ, հենց վաղը, այսօրվա ժամին,
 Ու մեզանից մեկն էլ պարծանքով հանգիստ
 Խնճույք պիտի տա իր ընկերներին...
 Լուս ծիծաղեցնել չեմ ուզում մեկին,

Քեզ նման, դու շար մահմեդի տուա,
Քո դեմ՝ առաջին կռիւն է՝ վերջին,
Եվ տես, ոտիս տակ հողդ կդողա...»
Կեսց ամենը Կիրիբեկին
Ու գոչնը դցեց, ինչպես աշնան ձյուն,
Դող առավ կարծես թիկունքն առնական,
Մռայլեց, մթնեց կրակն աչքերում,
Եվ թաց շուրթերին բառերը սառաւ...

Առյուծն էր հանկարծ իր բաշը ցնցեց,
Բո՛ւքն էր վրդովեց կանգնած ամբոխին,—
Ոչ, հսկաների կռիւն սկսվեց,—
Ամբոխն աղմուկով շունչ տվեց կռիւն,
Համհարզը ձեռքը վեր բարձրացրեց
Առաջինն ինքը խփեց մոլեգին
Ուղիղ կրծքի մեջ Կալաշնիկովի,—
Եվ հսկան կարծես դողաց ցավադին՝
Կալաշնիկովը օրորվեց մի սլահ,
Եվ կրծքին կախած իր խաշը ծովեց
Եվ դանակի պես խաշը պղնձյա
Ցուլաց մի վայրկյան ու կուրծքը խրվեց
Եվ խաշի տակից կաթեց ինչպես ցող
Կարճիւր ու ազնիվ արշունը նրա,
Սակայն դշուցազնը ծանր հառաչով
Սի վայրկյան այսպես շշնջաց ահա,—
«Ինչ վիճակված է՝ այն էլ կլինի,
Մինչև վերջ պիտի պատիվս փրկեմ,—
Ճշմարտությունը ինձ չի կորցնի...»
Եվ ոստնեց հանկարծ և ուժը պրկեց,
Հալաքեց կիտեց մկան մկանի,
Եվ ամբողջ ուժով հարձակվեց, զարկեց
Ուղիղ ձախ քունքին հսկա համհարզի.
Ջահել համհարզը հառաչեց թեթև
Օրորվեց, մեռած տապալվեց գետին:

Սառը ձյան վրա հասակը պարթև
Մեկնվեց, ինչպես անտառում սոճին
Հենց իր արմատից հանկարծ կտրված...

Եւ ահեղ արքան կանգնեց մթագին,
Յասկոտ զայրույթով պետինը դոփեց,
Խոժոռեց, կիտեց հոնքերը մթին,
Եւ որոտընդոստ նա հրամայեց,—
— Բռնեցեք վայրագ վաճառականին:
Կտրիճը գնաց նրա դեմ կանգնեց,
Եւ այսպես խոսեց ուղղափառ արքան.
— Պատասխան տուր ինձ, ճշմարիտ, խղճով,
Ազատ ցանկությամբ, թե չո՞ւզենալով,
Թե՞ քեզ կորցրած զարկեցիր նրան,—
Իմ հավատարմին, կտրիճին իմ քաջ,
Իմ քաջ ծառային իմ աչքի առաջ...
— Ես կասեմ ամենն, ազնիւ թագավոր,
Խփեցի նրան ազատ ցանկությամբ,
Բայց քեզ չեմ ասի թե ինչ պատճառով,
Միակ աստծուն կասեմ լռությամբ...
Հրամայիր տեր, թող կառափնարան
Տանեն մեղսպարտ գլուխս անգին,
Միայն թե զթաւ, ողորմած արքա,
Իմ փոքր ու կտրիճ որբ ելբայրներին,
Եւ արդեն այրի կնոջս և այն
Իմ երկու ծաղիկ խեղճ մանուկներին...

— Լավ է, օ, լավ է, ով երիտասարդ,
Վաճառականի դու կտրիճ տղա,
Որ շատեցիր... կթողնեմ ազատ,—
Քո ջահել կնոջն ու մանուկներին,
Նրանց ես գտնձեր, պարգևներ կտամ,
Կհրամայեմ՝ քո եղբայրներին
Թողնեն՝ առևտուր անեն ինքնակամ,

Առանց մի վաշխի և առանց հարկի
Քաղաքների մեջ ողջ ոռոտական,—
Բայց դու, ով կտրիճ, բարձրաճառ պիտի
Եվ քո կատաղի գլուխը դնես
Կաղնեկուռ ծնկին կառավինաբանի...
Եվ ահա ելնում ու կոչում եմ ես,
Որ քո դահիճը ալ կարմիր հագնի,
Սրի կացինը մի անգղի պես,
Եվ իմ երկրով մեկ զանգը հնչեցնի՝
Որ ողջ Ռուսիան իմանա, որ ես,
Թողած սրբազան օրենքն արքունի,
Քո դաժան մահով գթացել եմ քեզ...



Ծով է ժողովուրդն հրապարակում,—
Մահագուժ զանգն է զողանջում բեկ-բեկ,
Դեգեբրում է լուրն ու մռայլ սգում,—
Նա ամենուրեք ու սրտակեղեք,
Եվ լուռ բարձունքին կառավինաբանի,
Կարմիր, արնագույն շապիկը հագին
Մեծ, սրած կացնով,
Սև դահիճն ուրախ քայլում է լոին
Իր մերկ ձեռները իրար շփելով.—
Լուռ սպասում է նա մեղապարտին.
Իսկ այն ջահելը, այն կտրիճն ահա
Կարծես ցող անգամ սիրտը չի լալիս,
Քարադեմ, մռայլ շշնջում է նա՝
Հարազատներին հրաժեշտ տալիս.
— Դե, եղբայրիկներ իմ արյունակից,
Համբուրվենք վերջին բաժանման համար,
Իմ Ալյոնային ողջունեք ինձնից,
Ասացեք թող՝ քիչ, թող քիչ վշտանա,
Իմ մասին՝ ասեք՝ երբեք չպատմի

Երեխաներին իմ կիսաբողբոջ,—
Բարեկամ, ծանոթ և թե թշնամի
Թող ողջույնս առնեն ու մնան միշտ ողջ,
Իսկ դուք՝ աղոթեք մայր եկեղեցում՝
Իմ հոգուն, որ չէ, շունի մահացում...»

Սարսեցին հանկարծ մարդիկ խմբովին,
Դահճի կացինը կայծակեց ահով,—
Եվ այսպես կտրիճ Կալաշնիկովին
Պատժեցին մի շար, մի դաժան մահով:
Եվ լուին տարան թաղեցին նրան
Մոսկվա գետի այն ափի վրա՝
Ամայի դաշտում՝ երեք անսահման
Ճամփաների մեջ,—

Տուլովյան,

Ռյազանի,

Վլադիմիրյան...

Եվ խոնավ հողից բուր կանգնեցրին,
Լոկ մի խաչ գրկեց բուրը նրա,
Շուրջը ոռնում էր կատաղի քամին,
Լալիս անանուն բուրի վրա
Եվ՝ բարի մարդիկ, երբ ամեն անգամ
Անցնում են երեք ճանապարհներով՝
Կանգնում են մի քիչ, հիշում մի վայրկյան
Լցվում են, լալիս թախծոտ հուշերով
Եվ այսպես տարիք և գուցե դարեր
Կանցնի ծերունին՝ կխաչակնքի,
Կտրիճը կանցնի՝ լուռ կպատկառի,
Կանցնի աղջիկը՝ լուռ կվշտանա,
Եվ տխրադալուկ գուռանը կանցնի
Ու կերգի ազնիվ անունը նրա...

Հե՛յ իմ սոխակներ,
Գուսաններ ջահել,
Հալ սկսեցինք, — լալ կվերջացնենք, —
Թող նրանք գինի, մենք արցունք խմենք,
Փառք առատաձեռն բարի բոյարին,
Փառք գեղեցկուհի բոյարինային,
Փառք ժողովրդին...

4910թ.

Դ Ե Վ Ը

Հառվածներ

1.

Տխրագին դեր, վտարանդ ոգին
Թռչում վրայով մեղապարտ երկրի,
Եվ նրա մտքում խոնվում էին
Հուշերն աստղավառ իր լավ օրերի,—
Օրերի, երբ ինքն հրեշտակ էր դեռ
Անմեռ ու մաքուր ողջ տիեզերքում,
Երբ դեռ ճախրում էր աստղերից աստղեր,
Եվ դեռ գիսաստղ էր նրան ողջունում.
Երբ դեռ սիրում էր, երբ դեռ հավատում⁵
Առջընեկն իբրև մեծ արարչության,
Երբ անսահմանի մթին ոլորտում
Անհագ ծարավով մեծ իմաստության⁶
Լուռ հետևում էր համր աստղերի՝
Մթնում թափառող քարավաններին.
Իբր դեռ անբիծ էր, մաքուր ու բարի,
Կասկած ու չարիք երբ դեռ չգիտեր,
Երբ չէին լլկում դեռ իր միտքը վառ
Ունայն դարերի շարքերը հլու,
Ու շատ այլ բաներ, բայց դեն հիշաչափ
Ուժ չունեի այլևս ամենն հիշելու...

ԳԵՎԸ ԹԱՄԱՐԻՆ

Ծա նա եմ, որին ուշք էիր դնում
Խոր լռության մեջ կես գիշերային,
Որի պատկերը երազով տեսնում
Եվ միտքն ահերդ գուշակում էին.
Նա եմ, ում հայացքն հույս է կործանում;
Ես նա եմ, ում դեռ չի սիրել ոչ ոք,
Օրհասն երկրային արարածների,
Ում նզովում է աշխարհն անողոք.
Ես ազատության և իմաստության
Արքան յոթնաթև,
Բնության չարը, ոսոխն երկնքի.
Եվ լոկ մի քայլն են ինձ համար՝ անհուն
Անսահմանություն, հավիտենություն,
Բայց ես, տեսնում ես՝ քո ոտքն եմ ընկել,
Ու քեզ իմ դարձի իսանդադատանքով
Իմ մեղսոտ սիրո աղոթքը բերել,
Եվ թե երկրային տանջանքս առաջին՝
Բերել առաջին իմ արցունքներով,—
Գթա, ահանջ դիր և կարեկցիր ինձ,
Դու կարող էիր մի հատիկ խոսքով
Ինձ դարձնել բարուն և թե երկնքին,
Եվ քո սուրբ սիրո պատմուճանն հագած,
Որպես նորակերպ հրեշտակ մի նոր
Կհայտնվեի ես այնտեղ հանկարծ,

Օ՞, աղերսում եմ՝ դեռ լսիր միայն,
 Ես սիրում եմ քեզ ու ճորտն եմ քո,
 Երբ որ քեզ տեսա առաջին անգամ՝
 Այսպես գեղեցիկ մեղմ ու մտախոհ՝
 Իմ սրտի ձայնով անհաշտ ատեցի
 Մենաթափառիս անմահությանը
 Եվ ակամայից ես նախանձեցի
 Երկրի անկատար երջանկությանը,
 Ինձ այժմ ցավ է չապրել քեզ նման,
 Մահ է ապրելս քեզնից անբաժան ,
 Ամայի սրտումս՝ անսպասելի
 Մարված կայծն էլի սկսեց մխալ,
 Եվ թախիծն ինչպես օձը մեխսալի
 Սկսեց իմ հին վերքի տակ սողալ,—
 Առանց քեզ ինձ ի՞նչ հավերժությունը,
 Իմ իշխանության անծայրությունը,—
 Օ՞, լուկ բառեր են, հնչուններն ունայն,
 Առանց քեզ՝ սին է իմ ողջ անհունը,
 Տաճար է՝ առանց մի աստվածության:

ԴԵՎԻ ԵՐԴՈՒՄԸ

Երդվում եմ ահա
Ստեղծագործության առաջին օրով,
Երդվում եմ նրա և վերջին օրով,
Եվ անարգանքով իմ ոճիրների.
Քո դեմ ծնրադիր մեղապարտ ողիս,
Նշավակությամբ երդում է տալիս.
Եվ ճշմարտության հաղթության դափնով,
Երդվում եմ անկման դառը տանջանքով,
Եվ հաղթանակի ցնորքով վաղանց,
Երդվում եմ ինձ հետ քո հանդիպումով
Եվ բաժանումով դալոց մեր անդարձ:
Երդվում միաբան իմ եղբայրների
Ճակատագրով,
Երդվում եմ ահա բազմությամբ անքուն
Իմ ոգիների,
Երդվում սրերով հրեշտակների,
Ու հավերժ արթուն
Իմ ոսոխներն են միակ իմաստուն:
Երդվում երկնքով և թե դժոխքով,
Երկրի սրբությամբ և թե քեզանով,
Երդվում առաջին քո արցունքներով,
Երդվում եմ և քո վերջին հայացքով,
Անշար բերանիդ շնչով եմ երդվում,
Երդվում վարսերիդ մետաքս ծփանքով,

Նորդվում հաճույքով և տառապանքով,
Երդվում եմ սիրով, երդվում, որ ահա
Հրաժարվեցի իմ հին վրեժից,
Հրաժարվեցի հպարտ մտքերից,
Հրաժարվեցի, և էլ չեմ թովի...
Շողոքորթության սև թույնն այսուհետ
Ոչ մեկի միտքը էլ չի վրդովի,—
Ես կամենում եմ հաշտվել երկնի հետ,
Ես կուզեմ սիրել և թե աղոթել,
Զղջման արցունքի ցողով կսրբեմ
Այս՝ քեզ արժանի իմ հեգ ճակատից
Հետքերն երկնային կրակի դժխեմ,—
Ու երկիրն՝ հավետ ազատված ինձնից,
Թող անդիտությամբ ծաղկումն ավարտի:
Օ՛հ, հավատա ինձ, միակն եմ ես դեռ,
Որ քեզ հասկացա, գնահատեցի,
Եվ քեզ ընտրելով սրբությունս անմեռ՝
Իշխանությունս ոտքիդ տակ դրի:
Միրուդ վաչրկյանի փոխարեն ահա
Հավերժությունն եմ քեզ նվեր բերում,
Ես սիրո մեջ էլ կլինեմ բարձրագահ՝
Ինչպես շարության մեջ էի անհուն:
Ես, որ որդին եմ ազատ՝ եթերի՝
Կտանեմ ես քեզ աշխարհն աստղերի,
Եվ դու՝ առաջին իմ ընկերուհին՝
Կդառնաս աստղե երկնի թագուհին,
Եվ անդ անտարբեր դու քո բարձունքից,
Կսկսես նայել այս երկրի վրա,
Ուր երջանկության չկա հետքն անբիծ,
Եվ ուր գեղեցիկ հավերժը չկա,
Ուր ազահությունն ու ոճիրն են միշտ...
Ուր կյանքն անցնում է փոքրիկ կրքերով,
Որտեղ առանց վախ՝ երբեք ճշմարիտ
Ոչ ատել գիտեն, ոչ սիրել հոգով,

Չգիտե՞ս գուցե թե ի՞նչ է արդյոք
Մարդկային սերը՝ մի վայրկյան է լոկ,
Լոկ երիտասարդ արյան վառ մի խաղ,
Օրերը կանցնեն՝ կհանգչի խաղաղ...
Եվ անջատումին ո՞վ կդիմանա,
Կամ հրապույրին նոր գեղեցկության,
Ծանր ձանձրության, կամ հոգեհմա
Երազանքների երթին ինքնիշխան,—
Օ՛, ո՛չ, իմ ոգու դու նոր զուգընկեր,
Ճակատագիրը քեզ չի սահմանել
Լռին թառամել այս անձուկ հովտում,
Սառը մարդոց մեջ, խանդի ոլորտում,
Փոքրոգի ընկեր-բարեկամների,
Եվ թե թշնամի նենգ վտառի մեջ
Անպտուղ հուսո և կույր ահերի,
Անլույս տքնության ու ոգորումի
Որմերի ետև՝ քո այս մենությանմբ
Ձե՛ս հանգստանա՝ առանց կրքերի՝
Աղոթքների մեջ՝ հավասար անջատ,
Դու մարդուց և թե աստվածությունից,
Օ, ոչ, դու չքնաղ, անզույգդ իմ էակ,
Ուրիշ բախտի ես վերուստ սահմանված,
Քեզ սպասում է ուրիշ մի բերկրանք,
Ուրիշ խնդության մի շտեմնված,
Ուրեմն ձդիր երկրային բախտին,
Ցանկություններդ, հուշերդ նախկին,
Եվ նրանց խղճուկ լույսը մոռացիր,
Նրանց փոխարեն կբանամ քո դեմ,
Մեծ իմաստության անդունդներն անժիր,
Ու ոգիների ամբոխս հպատակ,
Կվխտա այնտեղ քո ոտքերի տակ,
Եվ նաժիշտներս թովիչ ու թեթև,
Քեզ, ով գեղուհիս, կբերեմ պարգև,
Եվ արևելյան աստղերի գլխից

Կիւլեմ ոսկյա թագը քեզ համար,
Եվ ծաղիկների ցող աղամանդից
Գինդեր կպճնեմ քո թագին, Թամա՛ր.
Եվ վերջալույսներն իմ վարդափթիթ՝
Գոտի կհշուսեմ քնքուշ խրանիդ,
Եվ թող քեզ համար՝ նեկտարով բուրյան՝
Մաքրվի, լցվի օդը եթերյան.
Եվ հրաշալի, քնքուշ նվագով
Կշռեմ միշտ քո լսելիքն հոգով,
Եվ կկառուցեմ՝ ի տեղ այս բերդի՝
Քեզ ապարանքներ փիրուզ ու սաթի,
Ու ծովի խորքը կսուզվեմ ես մերթ
Եվ մերթ աստղերից էլ վեր կսուրամ,
Ո՛ղջ երկնայինը քեզ կտամ հավետ,—
Միա՛յն թե սիրի՛ր, ինձ սիրի՛ր միայն։

ՋԻՆՎՈՐԻ ԿԻՆԸ

(Լիրաի — պո-ից)

Սպիտակ վարդ էր ասեղնագործում
Հուսամուտի դեմ զինվորի մի կին,
Եվ ասեղն ահա իր մատն է ծակում՝
Արյունն է թափում սպիտակ վարդին:

Ախ, ուշքն ու միտքը հեռու էր թռել՝
Այնտեղ ուր հիմա իր մարդն է կռվում,
Ու թվաց մի պահ թե մարդը խոցվել
Ու հիմա նրա արյունն է թափվում:

Ոչ, ձեռագործը ցած նետեց ահա,
Նա ոտնատրոփ լսեց նժույգի՝
Իր քաջն է գալիս... Ախ, ոչ, այդ նրա
Սիրուն էր արուից վանդակում կրծքի:

Ու նորից ուզեց ասեղնագործել,
Բայց կարմրել էր վարդը սպիտակ,
Եվ արցունքներն են մարգարիտ դարձել
Այն վարդի վրա՝ կարմիր ու ճերմակ:

ՄԵՐԱՆԻ

(Բարաթաշվիւոց)

Անուղի և անդարձ սլանում, անցնում է իմ նժույգ Մերանին,
Ախ, առաջ, հալածված իմ սրտի փախուստին սահմաններ էլ
չկա՛ն,

Սլացի՛ր՝ խռովյալ ու տխուր մտքերս տուր համա՛յն հողմերին,—
Ազոավը շարագույժ՝ իմ հետքից տազնապով կոնչա թող ունայն...

Հեծեծող հովի պես հեռացիր ոսկեղեն հեռուներն երազիս,
Մի՛ նայիր թե հոգնած, բեկված է իմ հոգին, սլացիր անխռով,
Քեզ համար ոչի՛նչ են վիհերի պես բացվող խութերը ճամփեքիս,
Օ՛, թո՛ւր, իմ Պեգաս, հեռացիր Նառի պես խոհերիս քարվանով:

Հալածված ամպի պես՝ տար անօգ ստվերս անապատ ու ծովեր,
Տա՛ր քեզ հետ հեծվորիդ, տա՛ր վհատ իմ հոգին, տա՛ր սիրտս
վիրավոր,

Հայրենի իմ երկրից դեռ լույսը չբացված՝ հեռանա՛մ կարեւր,
Հեռանա՛մ ընկերից, ծանոթից դավադիր ու սիրուց նենգավոր...

Իմ սրտի գաղտնիքը, իմ ցավերը բոլոր՝ կպատմեմ աստղերին,
Որոնք ինձ ուղեկից՝ կարեկցող հայացքով վշտերս կցրեն,
Սլացիր, Մերանի, հեռացիր՝ թող անդարձ իմ բոլոր ճամփեքին
Չարատանջ իմ սիրո հուշերի հո՛ւշե՛րն էլ կյանքի հետ մոռացվեն:

Սլացիր՝ կարճելով քո ամեն մի քայլով սև օրեր՝ իմ կյանքի,
Հեռացիր աննահանջ ու պատիր հույսի դեմ մի պահ էլ չկա՛նդնես,

Եվ ուր էլ սեանա, մթազնի իմ գլխին վրանը երկնքի՝
Այնտե՛ղ է իմ տունը՝ հայրենիք չունեմ ես...

Օ՛, թո՛իւր, մի գթա հոգնատանջ հեծվորիդ, սլացի՛ր, տա՛ր նրան,
Չթաղվեմ թող կողքին հարազատ իմ մասունք վշտահուշ պապերիս,
Յինների երամբ թող փորե ինձ համար մի անհայտ գերեզման,
Չտեսնեմ օձեղեն ժպիտը մտերիմ, նենգ լացը սիրածիս:

Թող բախտից նզովված՝ չքանամ հավիտյան մոռացյալ մի հեռվում,
Թող վրաս սիրածիս արցունքի փոխարեն՝ սև ամպի աչքը լա,
Սլացիր՝ հեռանանք, իմ խաբված հույսերի սև ճրագն է մարվում,
Սահման չէ ճակատագիրն, իմ սիրտը խելահեղ՝ էլ ստրուկ չի
մնա...

Ունայն չէ իմ փախսը, իմ հոգու տազնապը արահետ կբանա
Իմ հոգուն երբեք բարեկամ մի սրտի, մի անհայտ ստվերի,—
Որ նա էլ լլկվելիս՝ սև բախտին դիմադիր՝ համարձա՛կ հեռանա՝
Կարճելով վշտահար ճանապարհն հողմածեծ իր կենաց օրերի:

Իմ նժույգ Մերանին սլանում, թռչո՛ւմ է, ինձ փախցնում
անկայան,
Հետևից շարագույժ ազուա՛վն է կոնչում՝ սև բախտի տազնապով,—
Օ՛, թո՛իւր, Մերանի, հեռացի՛ր ու անդարձ ինձ փախցրո՛ւ
հավիտյան՝

Փոթորկվող մտքերս անհայտ ու ամպի ճամփեքին ցրելով...

1946 թ.

Բ Ո Վ Ա Ն Գ Ա Կ Ո Ւ Թ Յ Ո Ւ Ն

1. Էքսպրոմտ (Վ. Ի. Լենինին)	3
2. Էքսպրոմտ (Ի. Վ. Ստալինին)	5

Հայրենական

3. Ամենայն անգամ	9
4. Կշեռք	10
5. Հին աշխարհ	11
6. Մենք խաղաղ էինք	12
7. Օտար ասիերի	13
8. Բանաստեղծի ձայնը	14
9. Ախ, երբ ընկեմ	16
10. Տարեքք	17
11. Կովի դաշտի մեջ	19
12. Իմ սուրբ հայրենիք	20
13. Գիշեր է կես	21
14. Մեծ Ստալինին	22
15. Խաղաղություն	23
16. Կուղեմ ծաղկի պես	24
17. Նրևանի բերդի տակով	25
18. Ես եղեգն էի	26
19. Նրևանի շոգը	27
20. Քամին ասաց մանուշակին	29
21. Թող ձայնս	30
22. Ժողովրդին	31

ՄԱՅՐԻԿԻՅ

23. Հովերն հարավի	35
24. Նրբ կս էլ	36
25. Հույս	37
26. ...նվ տարիք անցան	39

27. Մայրս ծերության	39
28. Մայրն ընդդեմ մահի	40
29. Բալլադ	42
30. Մայրս ոչ մի	43
31. Ամեն անգամ	44

ՄԵՐ

32. Կարոտներս լամ	47
33. Աչքերիդ համար	48
34. Աղավնիներ	49
35. Արդեն իմն ես	50
36. Դու շրթունքներ ունես	51
37. Սրտիս ալևոր	52
38. Թե մահիցս հետո	53
39. Խոշոր ու բիլ	54
40. Աղավնիները	55
41. Այս մարմարե	56
42. Այս Շամիրամ	57
43. Դեռ այնքան ջինջ եմ	58
44. Միթե քեզնից	59

ՄԱՆԿՈՒԹՅՈՒՆ

45. Տխուր տրտում	63
46. Ինքներգություն	64
47. Հին մանկություն	65
48. Հէ՛յ կարկաշող առուներ	66
49. Զուր ծախողը	67
50. Հորս հիշատակին	68
51. Մանուկ էինք	69
52. Նոր մանկություն	70
53. Իմ Արայիկին	71
54. Վարդերի մեջ	72
55. Դու ազնիվ	73
56. Ախ իմ բալիկ	74
57. Այն տունը տուն չէ	75
58. Ժառանգ	76

ՀԱՅՐԵՆԱԳԱՐՁ

59. Պանդուխտի երգը	79
60. Ձյունն էլի հալվեց	80
61. Պանդուխտ հայր	81
62. Էքսպրոմտ	82
63. Դյուցազն Բաղրամյանին	83
64. Դեպի բնորոան	94
65. Որն է բարո մեր հայրենիք	86

ԳԱՐՆԱՆԱՄՈՒՏ

66. Ձյունը լալիս է	91
67. Վայրէջք	92
68. Գարնանամուտ	93
69. Գարունն արևով	94
70. Ճանապարհս դեպի ծով	95
71. Ժայռից ջրվեժը	96
72. Բանաստեղծի սերը	97
73. Իմ բարի, իմ ջերմ	98
74. Նրբ միշտ սիրատարի	99
75. Տուն վերադարձան	100
76. Քաղաքում	101
77. Զահեկության երգը	102

ՏԱՂԵՐ

78. Ասում են թե	105
79. Հանգիստ չէ Գանգեսը	106
80. Հայրենիք և սեր	107
81. Ոտքը դարնան	108
82. Նս էլ աշխարհ տաղով եկա	109
83. Շաղ ու կղա	110
84. 'Հայաստանի աղբիկները	111
85. Արձան Աբովյանին	112

ԽՈՀԱԿԱՆ

86. Լենին	115
87. Խոհ	116
88. Հայրենասիրտ	117
89. Քարը	118
90. Իմ հրազի մեջ	119
91. Այնպես խաղաղ	120

92. Զյունից	121
93. Երբ ես էլ մտա	123
94. Երբ օրերում իմ	124
95. Բնության ձայնը	125
96. Ամպերն ուղեցին	126
97. Արծիվ լեռների	127
98. Իմ բույնը դրի	128
99. Հայրս ինձ ոսկի	129
100. եռհ	130
101. Արծիվը թառել	131
102. Միտք հմ անում	132
103. Թանգարանում	133
104. Երբ դեռ փոքր էի	135

ՄԱՐԴԸ

105. Արծիվն ու մարդը	139
106. Այն օրից	140
107. Իմաստության մեղեդին	142
108. Մենակ չեմ կարող	145

ՊՈԵՄՆԵՐ

109. Հրազդան	149
110. Բաղձանք	156
111. Սիամանթո և Խաչեղարե	161
112. Պոեմ անխորագիր	181

ԹԱՐԳՄԱՆԱԿԱՆ

113. Նապոլեոնի փախուստը Ռուսաստանից	193
114. Դաշույն	196
115. Մոսկվա, Մոսկվա	197
116. Կալաշնիկովի երգը	198
117. Դեք	217
118. Դեք Թամարին	218
119. Դեք երգումը	220
120. Զինվորի կինը	224
121. Մերանի	225

Պատ. խմբագիր՝ Գ. Բուրյան
Տեխ. խմբագիր՝ Ս. Լաքոյան
Կոնտրոլ սրբագրիչ՝ Հ. Դոլունսանյան

ՎՖ.02304 պատ. 051. տիրաժ 5000, 14¹/₂ տպ. մուժ.
հրատ. 13 մ. հանձնվ. է արտ. 25/XII-48
Ստորագրված. է տպագրության 20/IX 40 թ.

Հայպոլիգրաֆհրատի վարչության №1 տպարան, Երևան,
Լենինի փող. № 65





ԳԻՆԸ Ց Ռ. 504